

ओं नमः परमात्मने, श्री महागणपतये नमः,  
श्री गुरुभ्यो नमः  
हरिः ओं ॥  
--

कृष्ण यजुर्वेदीय तैत्तिरीय ब्राह्मणम्

द्वितीयाष्टकं - प्रपाठकः 5 - 8

---

## **Table of Contents**

2	कृष्ण यजुर्वेदीय तैत्तिरीय ब्राह्मणे द्वितीयाष्टकं .....	7
2.5	द्वितीयाष्टके पञ्चमः प्रपाठकः – उपहोमशेषः.....	7
2.5.1	उपहोमाः.....	7
2.5.2	उपहोमाः.....	8
2.5.3	उपहोमाः.....	10
2.5.4	उपहोमाः.....	12
2.5.5	उपहोमाः.....	14
2.5.6	उपहोमाः.....	17
2.5.7	उपहोमाः.....	20
2.5.8	उपहोमाः.....	22
2.6	द्वितीयाष्टके षष्ठः प्रपाठकः – सौत्रामणिः कौकिली होत्रं च.....	30
2.6.1	अनुवाकं 1 – ग्रहाः.....	30
2.6.2	अनुवाकं 2 – ग्रहोपस्थानम् .....	32
2.6.3	अनुवाकं 3 – ग्रहहोमः.....	34
2.6.4	अनुवाकं 4 – उपहोमाः.....	36
2.6.5	अनुवाकं 5 – अभिषेकः.....	39
2.6.6	अनुवाकं 6 – अवभृथः.....	42
2.6.7	अनुवाकं 7 – ऐन्द्रे प्रश्नौ प्रयाजानामेकादश मैत्रावरुणप्रैषाः.....	44
2.6.8	अनुवाकं 8 – ऐन्द्रे प्रश्नौ प्रयाजयाज्याः.....	46

2.6.9 अनुवाकं 9 – ऐन्द्रे प्रश्नौ वपादीनां याज्यानुवाक्याः.....	48
2.6.10 अनुवाकं 10 – ऐन्द्रे प्रश्नौ अनुयाजानामेकादश मैत्रावरुणप्रैषाः.....	49
2.6.11 अनुवाकं 11 – पशुत्रये प्रय जार्था मैत्रावरुणप्रैषाः.....	52
2.6.12 अनुवाकं 12 – पशुत्रये प्रयाजयाज्या आप्रियः.....	57
2.6.13 अनुवाकं 13 – पशुत्रये वपादीनां याज्यानुवाक्याः.....	58
2.6.14 अनुवाकं 14 – पशुत्रये अनूयाजप्रैषाः.....	60
2.6.15 अनुवाकं 15 – सूक्तवाकप्रैषः.....	63
2.6.16 अनुवाकं 16 – पितृयज्ञयाज्यानुवाक्याः.....	64
2.6.17 अनुवाकं 17 – ऐन्द्रो पशौ एकादश प्रयाजाः.....	66
2.6.18 अनुवाकं 18 – ऐन्द्रो पशौ प्रयाजयाज्याः.....	69
2.6.19 अनुवाकं 19 – ऐन्द्रो पशौ वपादीनां यज्यानुवाक्याः.....	71
2.6.20 अनुवाकं 20 – ऐन्द्रो पशौ अनूयाजानां मैत्रावरिणप्रैषाः.....	72
<b>Appendix (of expansions) .....</b>	<b>78</b>
2.7 द्वितीयाष्टके सप्तमः प्रपाठकः – सवा एकाहविशेषाः.....	85
2.7.1 अनुवाकं – बृहस्पतिसवः.....	85
2.7.2 अनुवाकं – वैश्यसवः.....	86
2.7.3 अनुवाकं 3 – ब्राह्मणसवः.....	87
2.7.4 अनुवाकं 4 – सोमसवः.....	89
2.7.5 अनुवाकं 5 – पृथिसवः.....	89
2.7.6 अनुवाकं 6 – गोसवः.....	90

2.7.7 अनुवाकं 7 – ओदनसवमन्त्राः.....	91
2.7.8 अनुवाकं 8 – ओदनसवगता स्थारोहणमन्त्राः .....	94
2.7.9 अनुवाकं 9 – ओदनसवः .....	95
2.7.10 अनुवाकं 10 – पञ्चशारदीयविधिः.....	97
2.7.11 अनुवाकं 11 – पञ्चशारदीयगतपशुविधिः.....	98
2.7.12 अनुवाकं 12 – अग्निष्टुद्यागे ग्रहाणां पुरोरुचः .....	99
2.7.13 अनुवाकं 13 – इन्द्रस्तुद्यागे ग्रहाणां पुरोरुचः.....	102
2.7.14 अनुवाकं 14 – अप्तोर्यामाविधिः .....	104
2.7.15 अनुवाकं 15 – राजाभिषेकः .....	105
2.7.16 अनुवाकं 16 – राजाभिषेकाङ्गं रथारोहणम् .....	108
2.7.17 अनुवाकं 17 – राजाभिषेकाङ्गं वपनम् .....	110
2.7.18 अनुवाकं 18 – विद्यनाख्य एकाहविशेषः.....	112
<b>Appendix (of expansions) .....</b>	<b>116</b>
2.8 द्वितीयाष्टके अष्टमः प्रपाठकः – काम्यपशुयाज्यानुवाक्या ब्राह्मणम्.....	119
2.8.1 अनुवाकं 1 – वायव्यादिपशूनां सूक्तानि.....	119
2.8.2 अनुवाकं 2 – वशादीनां सूक्तानि .....	122
2.8.3 अनुवाकं 3 – सौम्यादीनां सूक्तानि.....	125
2.8.4 अनुवाकं 4 – अभिमातिहैन्द्रादिपशूनां सूक्तानि .....	129
2.8.5 अनुवाकं 5 – ऐन्द्राग्नपश्वादीनां सूक्तानि .....	133
2.8.6 अनुवाकं 6 – सावित्रादिपशूनां सूक्तानि .....	137

---

2.8.7 अनुवाकं 7 – सौर्यादिपशूनां सूक्तानि.....	141
2.8.8 अनुवाकं 8 – वेहदादिपशूनां सूक्तानि.....	145
2.8.9 अनुवाकं 9 – शुक्लकृष्णपश्वादीनां सूक्तानि.....	150
<b>Appendix (of expansions) .....</b>	<b>157</b>

=====



ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

## 2 कृष्ण यजुर्वेदीय तैत्तिरीय ब्राह्मणे द्वितीयाष्टकं

### 2.5 द्वितीयाष्टके पञ्चमः प्रपाठकः – उपहोमशेषः

#### 2.5.1 उपहोमाः

##### T.B.2.5.1.1

प्रा॒णो र॒क्षति॑ वि॒श्वमे॑जत् । इ॒र्यो भू॒त्वा बहु॑धा बहु॒नि । स इ॒त्सर्वं॑  
व्या॒नशे॑ । यो दे॒वो दे॒वेषु॑ वि॒भूर॑न्तः । आ॒वृ॒दू॒दात् क्षे॒त्रिय॑ध्व॒गद्वृषा॑ ॥  
तमि॑त् प्रा॒णं मन॑सो प॒शिक्ष॑त । अ॒ग्रं दे॒वाना॑-मि॒दम॑न्तु नो ह॒विः ।  
मन॑सश्चि॒त्ते॒दम् । भू॒तं भव्यं॑ च गु॒प्यते॑ । तद्धि दे॒वेष्व॑ग्रि॒यम् । 1 (10)

##### T.B.2.5.1.2

आ न ए॒तु पु॒रश्च॑रम् । सह दे॒वैरि॑म॒ हव॑म् । मनः॑ श्रेय॒सि श्रेय॑सि ।  
कर्म॑न् य॒ज्ञप॑तिं दधत् । जु॒षतां॑ मे वा॒गिद॑ ह॒विः । वि॒राड्दे॒वी  
पु॒रोहि॑ता । ह॒व्यवा॑डन पा॒यिनी॑ । यया रू॒पाणि॑ बहु॒धा वद॑न्ति ।  
पे॒शासि॑ दे॒वाः पर॑मे ज॒नित्रे॑ । सानो॑ वि॒राडन॑पस्फुरन्ती । 2 (10)

**T.B.2.5.1.3**

वाग्दे॒वी जु॒षतामिद॑ ह॒विः । चक्षु॑र् दे॒वानां॑ ज्योति॑रमृते न्य॒क्तम् ।  
अस्य॑ वि॒ज्ञानाय॑ बहु॒धा निधी॑यते । तस्य॑ सु॒म्न-म॑शीमहि । मा नो॑  
हासीद्-विचक्ष॑णम् । आयु॑रिन्नः प्रती॑र्यताम् । अन॑न्धा-श्चक्षु॑षा  
वयम् । जी॒वा ज्योति॑रशीमहि । सुव॑ज्योति॑-रुतामृ॑तम् । श्रोत्रे॑ण  
भद्र॑ मु॒त शृ॑ण्वन्ति सत्यम् ( ) । श्रोत्रे॑ण वाचं बहु॒धोद्य॑ मानाम् ।  
श्रोत्रे॑ण मोद॑श्च मह॑श्च श्रूयते । श्रोत्रे॑ण सर्वा दि॒श आशृ॑णोमि ।  
येन॑ प्रा॒च्या उ॒त दक्षि॑णा । प्रती॑च्यै दि॒शः शृ॑ण्वन्त्युत्तरात् ।  
तदिच्छ्रो॑त्रं बहु॒धोद्य॑मानम् । अ॒रान्न ने॒मिः परि॑ सर्वं बभू॑व । 3 (17)

(अ॒ग्नि - यम॑नप॒स्फुर॑न्ती - स॒त्यं स॒प्त च॑) (A1)

**2.5.2 उपहोमाः**

**T.B.2.5.2.1**

उदे॑हि वाजि॒न्यो अस्य॑फ॒स्वन्तः॑ । इदं॑ रा॒ष्ट्रमा॑वि॒श सू॒नृता॑वत् ।  
यो रो॑हितो वि॒श्वमि॑दं ज॒जान॑ । स नो॑ रा॒ष्ट्रेषु॑ सु॒धितान्द॑धातु ।  
रोह॑ं रोह॑ं रो॒हित आ॑रु॒रोह॑ । प्र॒जाभि॑र्वृद्धिं ज॒नुषामु॑प॒स्थम्॑ ।



ताभिः स॒र्ब्धो॑ अ॒विद॑त्षडु॒र्वीः । गा॒तुं प्र॑पश्यन्निह रा॒ष्ट्रमा॑हाः ।  
आ॒हार॒षीद्-रा॒ष्ट्रमि॑ह रो॒हितः॑ । मृ॒धो व्या॑स्थद॒भयं॑ नो अस्तु । 4 (10)

**T.B.2.5.2.2**

अ॒स्मभ्यं॑ द्या॒वापृ॑थि॒वी श॑क्वरीभिः । रा॒ष्ट्रं दु॑हाथामिह रे॒वती॑भिः ।  
वि॒मम॑र्श रो॒हितो॑ वि॒श्वरू॑पः । स॒माच॑क्राणः प्र॒रुहो॑ रु॒हश्च॑ ।  
दि॒वंग॑त्वाय॒ मह॑ता म॒हिम्ना॑ । वि नो॑ रा॒ष्ट्रमु॑नत्तु प॒यसा॑ स्वे॒न । या॒स्तो  
वि॒शस्त॑पसा सं॒बभू॑वुः । गा॒यत्रं॑ व॒थ्सम॑नु तास्त आ॒गुः । ता॒स्त्वा  
वि॒शन्तु॑ म॒हसा॑ स्वे॒न । सं मा॑ता पु॒त्रो अ॒भ्येतु॑ रो॒हितः॑ । 5 (10)

**T.B.2.5.2.3**

यू॒यमु॑ग्रा मरुतः पृ॒श्निमा॑तरः । इ॒न्द्रेण॑ स॒युजा॑ प्र॒मृणी॑थ श॒त्रून् ।  
आ वो॑ रो॒हितो॑ अ॒शृणो॑दभिद्यवः । त्रि॒सप्ता॑सो मरुतः स्वा॒दुसं॑ मु॒दः ।  
रो॒हितो॑ द्या॒वापृ॑थि॒वी ज॑जान । तस्मि॑ञ्स्तन्तुं प॒रमे॑ष्ठी त॒तान॑ ।  
तस्मि॑ज्छि॒श्रिये॑ अ॒ज ए॒कपा॑त् । अ॒दृह॑द् द्या॒वापृ॑थि॒वी ब॒लेन॑ ।  
रो॒हितो॑ द्या॒वापृ॑थि॒वी अ॒दृह॑त् । तेन॑ सु॒वः स्त॑भितं तेन॑  
ना॒कः । 6 (10)

**T.B.2.5.2.4**

सो॑ अ॒न्तरि॑क्षे रज॑सो वि॒मानः॑ । तेन॑ दे॒वाः सु॒वर॑न्वविन्दन् । सु॒शे॒वं  
त्वा॒ भान॑वो दी॒दिवा॑ꣳसम् । सम॑ग्रासो जु॒ह्वो जा॑तवेदः । उ॒क्षन्ति॑ त्वा  
वा॒जिन॑मा घृ॒तेन॑ । सꣳस॑मग्ने यु॒वसे॑ भो॒जनानि॑ । अग्ने॑ श॒र्धं म॒हते॑  
सौ॒भगा॑य । तव॑ द्यु॒म्ना-न्यु॑त्तमा॒नि स॑न्तु । सं जा॑स्पत्यꣳ  
सु॒यम॑माकृ॒णुष्व॑ । श॒त्रूय॑ताम॒भिति॑ष्ठा म॒हाꣳसि॑ ( ) । 7 (10)

(अ- स्वे॒तु रो॒हितो॑ - ना॒को - म॒हाꣳसि॑) (A2)

**2.5.3 उपहोमाः**

**T.B.2.5.3.1**

पुन॑र्न इन्द्रो॑ म॒घवा॑ ददातु । धना॑नि श॒क्रो घ॑न्यः सु॒राधाः॑ । अ॒र्वाची॑नं  
कृ॒णुतां॑ या॒चितो॑ मनः । श्रु॒ष्टी नो॑ अ॒स्य ह॑विषो जुषा॒णः । या॒नि नो॑  
जि॒नन् ध॑नानि । ज॒हर्थ॑ शूर॒ मन्यु॑ना । इन्द्रा॑नुविन्द न॒स्तानि॑ । अ॒नेन॑  
ह॒विषा॑ पुनः । इन्द्र॑ आशा॒भ्यः परि॑ । सर्वा॑भ्योऽभ॒यं कर॑त् । 8 (10)

**T.B.2.5.3.2**

जे॒ता श॒त्रून् वि॑चर्ष॒णिः । आ॒कू॒त्यै त्वा॑ का॒माय॑ त्वा स॒मृधे॑ त्वा ।  
पु॒रो द॑धे अ॒मृत॑त्वाय जी॒वसे॑ । आ॒कू॒तिम॑स्याव॒से ।

काममस्य॑ समृ॒द्ध्यै॑ । इन्द्र॑स्य यु॒ज्जते॑ धियः । आकू॑तिं दे॒वीं मन॑सः  
पुरो॑ दधे । यज्ञ॑स्य मा॒ता सु॒हवा॑ मे अस्तु । यदि॒च्छामि॑ मन॒सा  
सकामः॑ । विदे॑यमे॒नद्धृ॑दये॒ निवि॑ष्टम् । 9 (10)

**T.B.2.5.3.3**

से॒दग्नि॑रग्नी॒ꣳ रत्ये॑त्यन्यान् । यत्र॑ वा॒जी तन॑यो वी॒डुपा॑णिः ।  
सह॑स्रपा॒था अक्ष॑रा॒ समे॑ति । आ॒शानां॑ त्वा ऽऽशा॑पाले॒भ्यः ।  
चतु॑र्भ्यो॒ अमृ॑ते॒भ्यः । इ॒दं भू॑तस्याध्यक्षे॒भ्यः । वि॒धेम॑ ह॒विषा॑ व॒यम् ।  
विश्वा॑ आ॒शा मधु॑ना सꣳसृ॒जामि॑ । अ॒नमी॒वा आप॑ ओष॒धयो॑  
भव॑न्तु । अ॒यं य॑ज॒मानो॑ मृ॒धो व्य॑स्यताम् ( ) । 10 (10)

**T.B.2.5.3.4**

अ॒गृभी॑ताः प॒शवः॑ सन्तु॒ सर्वे॑ । अ॒ग्निः सो॒मो वरु॑णो मि॒त्र इन्द्रः॑ ।  
बृ॒हस्प॑तिः स॒विता॑ यः स॒हस्री॑ । पू॒षा नो॑ गो॒भिरव॑सा॒ सर॑स्वती ।  
त्वष्टा॑ रू॒पाणि॑ सम॒नक्तु॑ यज्ञैः । त्वष्टा॑ रू॒पाणि॑ दध॒ती सर॑स्वती ।  
पू॒षा भग॑ꣳ स॒विता॑ नो॒ ददा॑तु । बृ॒हस्प॑तिर्-द॒ददिन्द्रः॑ स॒हस्र॑म् ।  
मि॒त्रो दा॑ता वरु॒णः सो॒मो अ॒ग्निः । 11 (9)

(करन् – निविष्ट – मस्यतां – +नव च) (A3)

#### 2.5.4 उपहोमाः

##### T.B.2.5.4.1

आ नो भर भगमिन्द्र द्युमन्तम् । नि ते देष्णस्य धीमहि प्ररेके । उर्व  
इव पप्रथे कामो अस्मे । तमापृणा वसुपते वसूनाम् । इमं कामं  
मन्दया गोभिरश्वैः । चन्द्रवता राधसा पप्रथश्च । सुवर्यवो  
मतिभिस्तुभ्यं विप्राः । इन्द्राय वाहः कुशिकासो अक्रन् ।  
इन्द्रस्य नु वीर्याणि प्रवोचम् । यानि चकार प्रथमानि वज्री । 12 (10)

##### T.B.2.5.4.2

अह-न्नहिमन्वपस्ततर्द । प्र वक्षणा अभिनत् पर्वतानाम् । अहन्नहिं  
पर्वते शिश्रियाणम् । त्वष्टाऽस्मै वज्रं स्वर्गं ततक्ष । वाश्रा इव  
धेनवः स्यन्दमानाः । अञ्जः समुद्र-मवजग्मुरापः ।  
वृषायमाणोऽवृणीत सोमम् । त्रिकदुरुकेष्व-पिबथ् सुतस्य । आ  
सायकं मघवा दत्त वज्रम् । अहन्नेनं प्रथमजा महीनाम् । 13 (10)

**T.B.2.5.4.3**

यदिन्द्रा॑हन्-प्रथ॑मजा॒ मही॑नाम् । आ॒न्मा॒यिना॒ममि॑नाः प्रो॒त मा॒याः ।  
 आ॒थ् सूर्य॑ जन॒यन् द्या॒मुषा॑सम् । तादी॒क्ना श॒त्रून् किला॑विवि॒थ्से ।  
 अ॒हन् वृ॒त्रं वृ॒त्रतरं॑ व्य॒सम् । इन्द्रो॑ वज्रेण॒ मह॒ता व॒धेन॑ ।  
 स्कन्धा॑सीव॒ कुलि॑शेना॒ विवृ॑क्णा । अ॒हिः शय॑त उप॒पृक्-पृ॒थिव्या॑म् ।  
 अयो॑ध्येव दु॒र्मद॒ आ हि जु॒ह्वे ।  
 महा॑वीरं तु वि॒बाध॑-मृ॒जीष॑म् । 14 (10)

**T.B.2.5.4.4**

नाता॑रीरस्य॒ समृ॑तिं व॒धाना॑म् । स॒ रु॒जानाः॑ पि॒पिष॑ इन्द्र॒शत्रुः॑ ।  
 विश्वो॑ विहा॒या अर॑तिः । वसु॑र्दधे॒ हस्ते॑ दक्षि॒णे । तर॑णिर्न शि॒श्रथत्॑ ।  
 श्रव॑स्यया॒ न शि॑श्रथत् । विश्व॑स्मा इ॒दिषु॑ध्यसे । दे॒वत्रा॑ ह॒व्यमू॑हिषे ।  
 विश्व॑स्मा इ॒त्सुकृ॑ते॒ वार॑मृ॒ण्वति॑ । अ॒ग्निर् द्वा॒रा व्यृ॑ण्वति । 15 (10)

**T.B.2.5.4.5**

उदु॑ज्जिहा॒नो अ॒भि काम॑मीरयन् । प्र॒पृञ्च॑न् विश्वा॒ भुव॑नानि॒ पूर्व॑था ।  
 आ के॒तुना॑ सुषमि॒द्धो यजि॑ष्ठः । कामं॑ नो अ॒ग्ने अ॒भिहर्य॑ दिग्भ्यः ।  
 जुषा॑णो ह॒व्यम॑मृ॒तेषु॑ दू॒ह्यः । आ नो॑ रयिं॒ बहु॑लाङ् गो॒मती॑मिषम् ।

नि॒धेहि॒ यक्ष॑द॒मृते॑षु॒ भूष॑न् । अ॒श्विना॑ य॒ज्ञमा॑गतम् ।

दा॒शुषः॑ पु॒रुद॑स्स॒सा । पू॒षा र॑क्षतु नो र॒यिम् । 16 (10)

**T.B.2.5.4.6**

इ॒मं य॑ज्ञम॒श्विना॑ वर्धय॒न्ता । इ॒मौ र॑यिं य॑ज॒माना॑य ध॒त्तम् । इ॒मौ  
प॒शून् र॑क्षतां वि॒श्वतो॑ नः । पू॒षा नः॑ पातु स॒दम॑-प्रयुच्छन् । प्र ते  
म॒हे स॑रस्वति । सु॒भगे॑ वाजिनीवति । स॒त्यवा॑चे भ॒रे म॑तिम् । इ॒दं ते  
ह॒व्यं घृ॑तव॒त्-स॑रस्वति । स॒त्यवा॑चे प्र॒भरे॑मा ह॒वीष्णि॑ । इ॒मानि॑ ते  
दु॒रिता॑ सौ॒भगा॑नि ( ) । ते॒भिर्व॑यं सु॒भगा॑सः स्याम । 17 (11)

(व॒ज् - ग्र॑ही॒ना - मृ॑जी॒षं - व्य॑ण्वति - र॑क्षतु नो र॒यि -  
सौ॒भगा॑न्ये॒कं च) (A4)

**2.5.5 उपहोमाः**

**T.B.2.5.5.1**

य॒ज्ञो रा॒यो य॑ज्ञ ई॒शो व॑सूनाम् । य॒ज्ञः स॒स्याना॑मु॒त सु॑क्षितीनाम् ।  
य॒ज्ञ इ॒ष्टः पू॒र्वचि॑त्तिं दधातु । य॒ज्ञो ब्र॑ह्म॒ण्वा अ॑प्येतु दे॒वान् ।  
अ॒यं य॑ज्ञो वर्धतां गो॒भिर॑श्चैः॑ । इ॒यं वै॑दिः स्व॒पत्या॑ सु॒वीरा॑ ।

इ॒दं ब॒र्.हि॒रति॑ ब॒र्.ही॒ष्य॒न्या । इ॒मं य॑ज्ञं वि॒श्वे॑ अ॒वन्तु॑ दे॒वाः ।  
भ॒ग ए॒व भ॒गवा॑ अ॒स्तु दे॒वाः । ते॒न व॒यं भ॒गव॑न्तः स्या॒म । 18 (10)

**T.B.2.5.5.2**

तं त्वा॑ भ॒ग सर्व॑ इ॒ज्जो॑ह॒वीमि॑ । स नो॑ भ॒ग पु॒र ए॒ता भ॑वे॒ह । भ॒ग  
प्र॒णो॑त॒र् भ॒ग स॒त्य॒राधः॑ । भ॒गोमां॑ धि॒यमु॑द॒व द॑द॒न्नः । भ॒ग प्र॒णो॑ ज॒नय॑  
गो॒भिर॑श्चैः॑ । भ॒ग प्र॑ नृ॒भिर् नृ॑व॒न्तः स्या॒म । श॒श्वतीः॑ स॒मा उ॑प॒यन्ति॑  
लो॒काः । श॒श्वतीः॑ स॒मा उ॑प॒यन्त्या॑पः । इ॒ष्टं पू॒र्तं श॑श्वती॒नां  
स॒मा॒नां श॑श्व॒तेन॑ । ह॒विषे॑ष्ट्वा ऽन॒न्तं लो॒कं प॑र॒मारु॑रो॒ह । 19 (10)

**T.B.2.5.5.3**

इ॒यमे॒व सा॒ या प्र॑थ॒मा व्यौ॑च्छत् । सा रू॒पाणि॑ कुरु॒ते प॒ञ्च दे॒वी ।  
द्वे स्व॑सा॒रौ व॒यत॑स्तन्त्रमे॒तत् । स॒नात॑नं वि॒ततं॑ ष॒ण्मयू॑खम् ।  
अ॒वा॒न्या॒ स्तन्तू॑न् कि॒रतो॑ ध॒त्तो अ॒न्यान् । ना॒वपृ॑ज्या॒ते न ग॑मा॒ते  
अ॒न्तम् । आ वो॑ यन्तू॒दवा॑हा॒सो अ॒द्य । वृ॒ष्टिं ये॑ वि॒श्वे म॑रु॒तो  
जु॒नन्ति॑ । अ॒यं यो॑ अ॒ग्निर् म॑रु॒तः स॒मिद्धः॑ । ए॒तं जु॑ष॒ध्वं क॑वयो  
यु॒वानः॑ । 20 (10)

**T.B.2.5.5.4**

धा॒रा॒व॒रा म॒रु॒तो धृ॒ष्णु॒र्वो॒ज॒सः । मृ॒गा न भी॒मास्त॒विषे॑भि॒-रू॒र्मि॑भिः ।  
अ॒ग्न॒यो न शु॒शु॒चा॒ना ऋ॒जी॒षि॒णः । भृ॒मिं ध॒म॒न्त॒ उप॒ गा अ॒वृ॒ण्व॒त ।  
"वि॒च॒क्र॒मे{१}" , "त्रि॒दे॒वः{२}" । आ॒वे॒ध॒सं नी॒ल॒पृ॒ष्ठं बृ॒ह॒न्त॒म् ॥  
बृ॒ह॒स्प॒ति॒ꣳ स॒द॒ने सा॒द॒य॒ध्व॒म् । सा॒द॒द्यो॒निं द॒म आ॒दी॒दि॒वाꣳस॒म् ॥  
हि॒र॒ण्य॒व॒र्ण॒म॒रु॒षꣳ स॒पे॒म । स हि शु॒चिः श॒त॒प॒त्रः स

शु॒न्ध्यूः । 21 (10)

**T.B.2.5.5.5**

हि॒र॒ण्य॒वा॒शी॒रि॒षि॒रः सु॒व॒र्षाः । बृ॒ह॒स्प॒तिः स स्वा॒वे॒श ऋ॒ष्वाः ।  
पू॒रू स॒खि॒भ्य आ सु॒तिं क॑रिष्ठः । पू॒षꣳस्त॒व व्र॑ते व॒यम् । न रि॒ष्ये॒म  
क॒दा च॒न । स्तो॒ता॒र॒स्त इ॒ह स्म॑सि । या॒स्ते पू॒ष॒न्ना॒वो अ॒न्तः स॒मु॒द्रे ।  
हि॒र॒ण्य॒यी॒र॒न्त॒रि॒क्षे च॑रन्ति । या॒भि॒र्या॑सि दू॒त्याꣳ सू॒र्य॑स्य ।  
का॒मे॒न कृ॑तः श्र॒व इ॒च्छ॑मानः । 22 (10)

**T.B.2.5.5.6**

अ॒र॒ण्य॒ान्य॒र॒ण्य॒ान्य॒सौ । या प्रे॒व न॑श्यसि । क॒था ग्रा॒मं न पृ॑च्छसि ।  
न त्वा भी॒रि॒व वि॒न्द॒ती(३) । वृ॒षा॒र॒वा॒य व॑दते । य॒दु॒पा॒व॒ति चि॒च्चि॒कः ।



आ॒घा॒टीभि॒रिव॑ धा॒वय॑न् । अ॒र॒ण्या॒निर्-म॑ही॒यते॑ । उ॒त गा॒व इ॒वा॒दन् ।

उ॒तो वे॒शमे॑व दृ॒श्यते॑ । 23 (10)

#### T.B.2.5.5.7

उ॒तो अ॒र॒ण्या॒निः सा॒यम् । श॒क॒टीरि॑व स॒र्जति॑ । गा॒मङ्गै॑ष आ॒ह्वय॑ति ।  
 दा॒र्वङ्गै॑ष उ॒पाव॑धीत् । व॒स॒न्न॒र॒ण्या॒न्याꣳ सा॒यम् । अ॒क्रु॒क्षदि॑ति म॒न्यते॑ ।  
 न वा अ॒र॒ण्या॒निर्ह॑न्ति । अ॒न्यश्चे॒न्नाभि॑गच्छति । स्वा॒दोः फ॒लस्य॑  
 जग्ध्वा । य॒त्र का॒मं नि॑पद्यते ( ) । आ॒ञ्ज॒नग॑न्धीꣳ सु॒रभी॑म् ।  
 ब॒ह॒न्नाम॑कृषी॒वला॑म् । प्रा॒हं मृ॒गाणां॑ मा॒तर॑म् । अ॒र॒ण्या॒नीम॑शꣳ-  
 सि॒षम् । 24 (14) (स्या॑म - रु॒रो॒ह - यु॒वा॒नः - शु॒न्ध -  
 यू॒रि॒च्छमा॑नो - दृ॒श्यते॑ - नि॑पद्यते च॒त्वारि॑ च) (A5)

#### 2.5.6 उपहोमाः

##### T.B.2.5.6.1

वा॒र्त्रह॑त्याय श॒वसे॑ । पृ॒त॒ना-सा॒ह्याय॑ च । इ॒न्द्र॒त्वा-ऽऽव॑र्तयाम॒सि ।  
 सु॒ब्र॒ह्मा॒णं वी॒र॒वन्तं॑ बृ॒हन्त॑म् । उ॒रुं ग॒भी॒रं पृ॒थु॒बुध्न॑मिन्द्र । श्रु॒तर्षि॑-  
 मु॒ग्रम॑भि-मा॒तिषा॑हम् । अ॒स्मभ्यं॑ चि॒त्रं वृ॑ष॒णꣳ र॒यिं दा॑ः ।

क्षेत्रियै॑ त्वा॒ निर्ऋत्यै॑ त्वा । द्रु॒हो मुञ्चामि॑ वरुणस्य॒ पाशात् ।

अनागसं॑ ब्रह्मणे॒ त्वा करोमि॑ । 25 (10)

**T.B.2.5.6.2**

शिवे॑ ते द्यावापृथिवी॒ उभे॑ इमे । शं॑ ते अ॒ग्निः सहा॑द्भिरस्तु ।

शं द्यावापृथिवी॒ सहौषधी॑भिः । शमन्तरिक्षं॑ सह॒ वातेन॑ ते । शं ते  
चतस्रः॑ प्रदिशो॒ भवन्तु॑ । या दैवी॑श्चतस्रः॒ प्रदिशः॑ । वात॑पत्नीर॒भि सूर्यो॑

विचष्टे॑ । तासां॑ त्वा ज॒रस आ॑दधामि । प्र यक्ष्म॑ एतु॒ निर्ऋतिं॑

परा॑चैः । अमो॑चि यक्ष्माद्-दुरि॑ता-दव॒त्यै । 26 (10)

**T.B.2.5.6.3**

द्रु॒हः पाशान्निर्ऋत्यै॑ चोदमोचि । अहा॑ अव॒र्तिमवि॑दथ् स्यो॒नम् ।

अप्य॑भूद्-भ॒द्रे सु॑कृतस्य॒ लोके॑ । सूर्य॑मृतं॒ तमसो॑ ग्राह्या॒ यत् ।

दे॒वा अमुञ्च॑-न्नसृ॒जन्व्ये॑नसः । ए॒वम॑हमिमं॒ क्षेत्रिया॑ज्जामि॒शं सात् ।

द्रु॒हो मुञ्चामि॑ वरुणस्य॒ पाशात् । बृ॒हस्प॑ते यु॒वमिन्द्र॑श्च वस्वः ।

दि॒व्यस्ये॑शाथे॒ उत॑ पा॒र्थिव॑स्य । ध॒त्तं र॒यिं स्तु॑वते॒ कीर॑ये

चित् । 27 (10)

**T.B.2.5.6.4**

यू॒यं पा॒त स्व॒स्तिभिः॑ स॒दा नः॑ । दे॒वायु॑धमिन्द्रमाजोहु॑वानाः ।  
वि॒श्वावृ॑धमभि ये रक्ष॑माणाः । येन॑ ह॒ता दी॒र्घम॑ध्वानमायन् ।  
अ॒नन्त॑मर्थमनिवर्त्त॑-स्यमानाः । यत्ते॑ सुजा॒ते हि॒मव॑त्सु भेष॒जम् ।  
मयो॑भूः श॒न्तमा॑ यद्धृ॒दोऽसि॑ । ततो॑ नो दे॒हि सी॒बले॑ । अ॒दो गि॒रिभ्यो॑  
अधि॑ यत् प्र॒धाव॑सि । स॒ञ्शो॑भमाना क॒न्येव॑ शु॒भ्रे । 28 (10)

**T.B.2.5.6.5**

तां त्वा मु॒द्रला॑ ह॒विषा॑ वर्धयन्ति । सा नः॑ सी॒बले॑ रयिमाभाजये॑ह ।  
पूर्वं॑ दे॒वा अ॒परे॑णा-नु॒पश्य॑ज्जन्मभिः । जन्मान्य॑वरैः प॒राणि॑ । वे॒दानि॑  
दे॒वा अ॒यम॑स्मीति॒ माम् । अ॒हञ् हित्वा॑ शरी॒रं ज॒रसः॑ प॒रस्ता॑त् ।  
प्रा॒णापा॑नौ चक्षुः॑ श्रो॒त्रम् । वाचं॑ मन॒सि संभृ॑ताम् । हि॒त्वा शरी॑रं  
ज॒रसः॑ प॒रस्ता॑त् । आ भू॒तिं भू॒तिं वय॑मश्नवाम॒है ( ) । इ॒मा ए॒व ता  
उ॒षसो॑ याः प्र॒थमा॑ व्यौच्छन् । ता दे॒व्यः कु॑र्वते पञ्च॒ रूपा॑ ।  
श॒श्वती॑र्नावपृ॒ज्यन्ति॑ । न ग॑मन्त्यन्तम् । 29 (14)

(क॒रो - म्य॑व॒र्त्यै - चि - च्छु॑भ्रे - ऽश्न॑वाम॒है च॒त्वारि॑ च) (A6)

**2.5.7 उपहोमाः**

**T.B.2.5.7.1**

व॒सूनां॑ त्वाऽऽधी॑तेन । रु॒द्राणा॑मूर्म्या । आ॒दि॒त्यानां॑ तेज॑सा । वि॒श्वेषां॑  
दे॒वानां॑ क्र॒तुना॑ । मरु॒तामे॑म्ना जुहोमि स्वाहा ॥ अ॒भि॒भूति॑-र॒हमा॑गमम् ।  
इन्द्र॑सखा स्वायु॒धः । आ॒स्वाशा॑सु दुःष॒हः । इ॒दं व॑र्चो अ॒ग्निना॑  
दत्त॑मागात् ॥ यशो॑ भर्गः सह ओजो॑ बलं च । 30 (10)

**T.B.2.5.7.2**

दी॒र्घायु॑त्वाय श॒तशार॑दाय । प्र॒तिगृ॑भ्णामि म॒हते॑ वी॒र्याय॑ । आ॒युर॑सि  
वि॒श्वायु॑रसि । स॒र्वायु॑रसि स॒र्वमायु॑रसि । स॒र्वं म॒ आयु॑र्भूयात् ।  
स॒र्वमायु॑र्गेषम् । भूर्भुवः॑ सुवः । अ॒ग्निर्-ध॒र्म॑णान्नादः ।  
मृ॒त्युर्-ध॒र्म॑णान्नपतिः । ब्र॒ह्म क्ष॒त्रञ्च॑ स्वाहा ॥ 31 (10)

**T.B.2.5.7.3**

प्र॒जाप॑तिः प्र॒णोता॑ । बृ॒हस्प॑तिः पु॒र ए॒ता । य॒मः प॑न्थाः । च॒न्द्रमाः॑  
पुन॑रसुः स्वाहा ॥ अ॒ग्नि॒रन्नादोऽन्न॑पतिः । अ॒न्नाद्य॑मस्मिन् यज्ञे  
यज॑मानाय ददातु स्वाहा ॥ सोमो॑ राजा राज॑पतिः । रा॒ज्यम॑स्मिन्  
यज्ञे॑ यज॑मानाय ददातु स्वाहा ॥ वरु॑णः स॒म्राट् थ्स॑म्राट्पतिः ।

॥ साम्राज्यमस्मिन्. यज्ञे यजमानाय ददातु स्वाहा ॥ 32 (10)

**T.B.2.5.7.4**

मित्रः क्षत्रं क्षत्रपतिः । क्षत्रमस्मिन्. यज्ञे यजमानाय ददातु स्वाहा ॥

इन्द्रो बलं बलपतिः । बलमस्मिन्. यज्ञे यजमानाय ददातु स्वाहा ॥

बृहस्पतिर् ब्रह्म ब्रह्मपतिः । ब्रह्ममस्मिन्. यज्ञे यजमानाय ददातु स्वाहा ॥

सविता राष्ट्रं राष्ट्रपतिः । राष्ट्रमस्मिन्. यज्ञे यजमानाय ददातु स्वाहा ॥

पूषा विशां विष्टपतिः । विशमस्मिन्. यज्ञे यजमानाय ददातु

स्वाहा ( ) । सरस्वती पुष्टिः पुष्टिपत्नी । पुष्टिमस्मिन्. यज्ञे यजमानाय

ददातु स्वाहा । त्वष्टा पशूनां मिथुनानां रूपकृद्-रूपपतिः ।

रूपेणमस्मिन्. यज्ञे यजमानाय पशून् ददातु स्वाहा ॥ 33 (14)

(च – स्वाहा – साम्राज्यमस्मिन्. यज्ञे यजमानाय ददातु स्वाहा –

विशमस्मिन्. यज्ञे यजमानाय ददातु स्वाहा चत्वारि च) (A7)

**Special Korvai**

(अग्निः सोमो वरुणो मित्र इन्द्रो बृहस्पतिः सविता पूषा सरस्वती  
त्वष्टा दश)

### 2.5.8 उपहोमाः

#### T.B.2.5.8.1

स ई॑ पा॒हि य ऋ॑जी॒षी त॑रु॒त्रः । यः शि॑प्र॒वान् वृ॒षभो॑ यो म॒तीनाम् ।  
यो गो॑त्र॒भिद्-व॒ज्रभृ॑द्यो ह॒रिष्ठाः । स इन्द्र॑ चि॒त्राञ् अ॒भितृ॑न्धि वा॒जान् ।  
आ ते शु॒ष्मो वृ॒षभ ए॑तु प॒श्चात् । ओ॒त्तरा॑द॒धरा॒गा पु॒रस्ता॑त् ।  
आ वि॒श्वतो॑ अ॒भि स॒मे॒त्वर्वा॑ङ् । इन्द्र॑ द्यु॒म्नञ् सु॒वर्व॑द्धे॒ह्यस्मे ।  
प्रो॒ष्वस्मै॑ पु॒रोर॑थम् । इन्द्रा॑य शू॒षम॑र्चत । 34 (10)

#### T.B.2.5.8.2

अ॒भीके॑ चि॒दु लो॒ककृ॑त् । सङ्गे॑ स॒मथ्सु॑ वृ॒त्रहा । अ॒स्माकं॑ बो॒धि  
चो॒दिता॑ । नभ॑न्ता-म॒न्यके॑षाम् । ज्या॒का अ॒धि ध॒न्वसु॑ । इन्द्रं॑ व॒यञ्  
शु॒नासी॑रम् । अ॒स्मिन् य॒ज्ञे ह॒वामहे॑ । आ॒वाजै॑रु॒प नो॑ ग॒मत् ।  
इन्द्रा॑य शु॒नासी॑राय । स्रु॒चा जु॒हुत॑ नो ह॒विः । 35 (10)

#### T.B.2.5.8.3

जु॒षतां॑ प्र॒ति मे॒धिरः॑ । प्र ह॒व्यानि॑ घृ॒तव॑न्त्यस्मै । ह॒र्यश्वा॑य भ॒रता  
सजो॑षाः । इन्द्र॑र्तुभिर् ब्र॒ह्मणा॑ वावृ॒थानः॑ । शु॒नासी॑री ह॒विरि॑दं जु॒षस्व ।  
वयः॑ सु॒पर्णा॑ उप॒सेदु॑रिन्द्रम् । प्रि॒यमे॑धा ऋ॒षयो॑ ना॒धमा॑नाः ।

अप॑ ध्वान्त॑मूर्णु॑हि पू॒र्धि चक्षुः॑ । मु॒मुग्ध्य॑स्मान् नि॒धये॑व ब॒द्धान् ।

बृ॒हदिन्द्रा॑य गायत । 36 (10)

**T.B.2.5.8.4**

मरु॑तो वृ॒त्रह॑न्तमम् । येन॑ ज्योति॑-र॒जन॑यन् नृ॒तावृ॑धः । दे॒वं दे॒वाय॑  
जागृ॑वि । का मि॒हैकाः॑ क इ॒मे प॑त॒ङ्गाः । मा॒न्था॒लाः कु॒लि परि॑ मा  
प॑तन्ति । अ॒नावृ॑तैनान्-प्र॒धम॑न्तु दे॒वाः । सौ॒पर्णं॑ चक्षु॑स्तनु॒वा वि॑देय ।  
ए॒वा व॑न्दस्व वरु॑णं बृ॒हन्त॑म् । न॒मस्या॑ धी॒रम॑मृतस्य गो॒पाम् ।

स नः॑ श॒र्म त्रि॑व॒रूथं॑ वि॒यः स॑त् । 37 (10)

**T.B.2.5.8.5**

यू॒यं पा॑त स्व॒स्तिभिः॑ सदा॑ नः । ना॒के सु॑पर्णमु॒प य॑त्-प॒तन्त॑म् । ह॒दा  
वे॒नन्तो॑ अ॒भ्यच॑क्षत त्वा । हि॒रण्य॑पक्षं॑ वरु॑णस्य दू॒तम् । य॒मस्य॑ यो॒नौ  
श॒कुनं॑ भु॒रण्यु॑म् । शं नो॑ दे॒वीर॑भिष्ट॒ये । आ॒पो भ॑वन्तु पी॒तये॑ ।  
शं यो॒रभि॑स्रवन्तु नः । ई॒शाना॑ वा॒र्याणा॑म् ।  
क्ष॑यन्ती-श्च॒र्षणी॑नाम् । 38 (10)

**T.B.2.5.8.6**

अपो॑ या॒चामि॑ भेष॒जम् । अ॒प्सु मे॑ सोमो॑ अब्रवीत् ।  
अन्त॑र् विश्वा॒नि भेष॒जा । अ॒ग्निं च॑ विश्व॒शम्भु॑वम् ।  
आप॑श्च विश्व॒भेष॒जीः । यद॑प्सु ते सर॒स्वति॑ । गो॒ष्वश्चेषु॑ यन्मधु॑ ।  
तेन॑ मे वाजिनीवति । मुख॑मङ्गि॒धि सर॒स्वति॑ ।

या सर॒स्वती॑ वैशम्भ॒ल्या । 39 (10)

**T.B.2.5.8.7**

तस्यां॑ मे रास्व । तस्या॑स्ते भक्षी॒य । तस्या॑स्ते भूयिष्ठ॒भाजो॑ भूयास्म ।  
अहं॑ त्वद॒स्मि मद॑सि त्वमे॒तत् । ममा॑सि योनि॒स्तव॑ योनि॒रस्मि॑ । ममे॒व  
सन्व॑ह ह॒व्यान्य॑ग्ने । पु॒त्रः पि॒त्रे लो॒ककृ॑ज्जातवे॒दः । इ॒हैव॑ सन्त॒त्र  
सन्तं॑ त्वा ऽग्ने । प्रा॒णेन॑ वा॒चा मन॑सा बिभ॒र्मि । ति॒रो मा सन्त॑मायु॒र्मा  
प्रहा॑सीत् । 40 (10)

**T.B.2.5.8.8**

ज्योति॑षा त्वा वैश्वान॒रेणो॑पतिष्ठे । अयं॑ ते योनि॒र्ऋ॒त्वियः॑ । यतो॑ जातो  
अ॒रोच॑थाः । तं जा॒नन्न॑ग्न आ॒रोह॑ । अथा॑ नो॒ वर्ध॑या रयि॒म् । या ते  
अ॒ग्ने य॒ज्ञिया॑ त॒नूस्त॑ये-ह्यारो॑हा॒त्माऽऽत्मा॑नम् । अ॒च्छा व॑सूनि



कृ॒ण्वन्न॑स्मो॒ न॒र्या॒ पु॒रू॒णि । य॒ज्ञो॒ भू॒त्वा य॒ज्ञमा॑सीद॒ स्वां यो॑निम् ।  
जा॒तवे॑दो॒ भुव॑ आ॒जाय॑मानः स॒क्षय॑ ए॒हि । उ॒पाव॑रोह जा॒तवे॑दः

पुन॑स्त्वम् । 41 (10)

**T.B.2.5.8.9**

दे॒वेभ्यो॑ ह॒व्यं व॑ह नः प्र॒जान॑न् । आ॒युः प्र॒जा र॒यिम॑स्मासु॒ धेहि॑ ।  
अज॑स्रो दी॒दिहि॑ नो दुरो॒णे । तमि॑न्द्रं जो॒हवी॑मि म॒घवा॑नमु॒ग्रम् ।  
स॒त्राद॑धा॒न-म॑प्रतिष्कु॒त श॒वा सि॑ । म॒हिष्ठो॑ गी॒र्भिरा॑ च य॒ज्ञियो॑  
ऽव॑वर्तत् । रा॒ये नो॑ वि॒श्वा सु॒पथा॑ कृ॒णोतु॑ व॒ज्री । त्रि॒कटु॑केषु म॒हिषो॑  
यवा॑शिरं तुवि॒शुष्म॑स्तृ॒पत् । सोम॑मपिबद्-विष्णु॑ना सु॒तं य॑थाव॒शत् ।  
स ई॑ ममाद॒ महि॑ कर्म॒ कर्त॑वे म॒हामु॑रुम् । 42 (10)

**T.B.2.5.8.10**

सै॒न स॑श्चद्-दे॒वं दे॒वः स॒त्यमि॑न्दु॒ सत्य॑ इन्द्रः । वि॒दद्य॑ती॒ सर॑मा  
रु॒ग्णम॑द्रेः । म॒हि पा॑थः पू॒र्व्य स॒ध्रिय॑क्कः । अ॒ग्रं न॑यथ्  
सु॒पद्य॑क्षरा॒णाम् । अ॒च्छा र॒वं प्र॑थ॒मा जा॑नती गा॒त् । वि॒दद्-ग॒व्यं  
सर॑मा दृ॒ढमूर्॑वम् । येना॒ नु॒कं मा॑नुषी॒ भोज॑ते विट् ।

आ ये विश्वा स्वपत्यानि चक्रुः । कृण्वानासो अमृतत्वाय गातुम् ।  
त्वं नृभिर्नृपते देवहूतौ । 43 (10)

**T.B.2.5.8.11**

भूरीणि वृत्वा हर्यश्च ह॑सि । त्वं निदस्युं चु॑मुरिम् । धुनिं चास्वापयो  
दभी॑तये सु॒हन्तु । ए॒वा पा॑हि प्र॒त्न॒था म॑न्दतु त्वा ।  
श्रु॒धि ब्र॑ह्म वावृ॑धस्वोत गी॒र्भिः । आ॒विः सूर्यं॑ कृणु॒हि पी॑पिहीषः ।  
ज॒हि शत्रूँ॑रभि गा इन्द्र॑ तृन्धि । अ॒ग्ने बा॑धस्व विमृ॑धो नुदस्व ।  
अपा॑मीवा अप॒ रक्षाँ॑सि सैध । अ॒स्मात्-समु॑द्राद्-बृ॒हतौ  
दि॒वो नः॑ । 44 (10)

**T.B.2.5.8.12**

अपां॑ भू॒मान॒मुप॑ नः सृ॒जेह॑ । यज्ञ॑ प्र॒ति॒तिष्ठ॑ सु॒मतौ सु॒शेवा॑ आ त्वा॑ ।  
वसू॑नि पु॒रु॒धा वि॑शन्तु । दी॒र्घमा॑युर् यज॒मानाय॑ कृण्वन् ।  
अथा॑मृ॒तेन॑ ज॒रितार॑मङ्गि॒धि । इन्द्रः॑ शु॒नावद्-वि॑तनोति सी॒रम् ।  
सम्॑व॒त्सर॑स्य प्र॒तिमा॑णमेतत् । अ॒र्कस्य॑ ज्यो॒तिस्त॑दिदास ज्येष्ठ॑म् ।  
सम्॑व॒त्सर॑श्च शु॒नव॑त्सीरमेतत् । इन्द्र॑स्य रा॒धः प्र॑यतं पु॒रु त्मना॑ ( ) ।

तदर्करूपं विमिमानमेति । द्वादशारे प्रतितिष्ठतीद्-वृषा ।  
 अश्वायन्तो गव्यन्तो वाजयन्तः । हवामहे त्वोपगन्त वा उ ।  
 आभूषन्तस्त्वा सुमतौ नवायाम् । वयमिन्द्र त्वा शुनञ्  
 हुवेम । 45 (16) (अर्चत - हविर् - गायत - यञ्सच् -  
 चर्षणीनां - वैशम्भल्या - हासीत् - त्व - मुरुं - देवहूतौ -  
 नः - त्मना षट् च) (A8)

**Prapaataka Korvai with starting Padams of 1 to 8 Anuvaakams :-**

(प्राण - उदेहि - पुनर्न - आ नो भर - यज्ञो रायो - वार्त्रहत्याय  
 - वसूनाञ् - स ई पाह्य षौ)

**Korvai with starting Padams of 1, 11, 21 Series of Dasanis :-**

(प्राणो रक्ष - त्यगृभीता - धारावरा मरुतो - दीर्घायुत्वाय -  
 ज्योतिषा त्वा पञ्चचत्वारिंशत् )

द्वितीयाष्टके पञ्चमः प्रपाठकः – (TB 2.5)

---

**First and Last Padam 2<sup>nd</sup> Ashtakam 5th Prapaatakam :-**

(प्राणः – शुन॑ ह॒वेम॑)

। हरिः ओं ।

। कृष्ण यजुर्वेदीय तैत्तिरीय ब्राह्मणे द्वितीयाष्टके पञ्चमः प्रपाठकः समाप्तः ।

=====

**Details of Dasani & Vaakyams for Ashtakam 2 –  
Prapaatakam 5 – TB 2.5**

	Dasani	Vaakyams
Anuvakam 1	3	37
Anuvakam 2	4	40
Anuvakam 3	4	39
Anuvakam 4	6	61
Anuvakam 5	7	74
Anuvakam 6	5	54
Anuvakam 7	4	44
Anuvakam 8	12	126
Total →	45	475

**Appendix**

**T.B.2.5.5.4 – "विचक्रमे {1}", "त्रिर्देवः{2}"**

विचक्रमे पृथिवीमेष एताम् । क्षेत्राय विष्णुर् मनुषे दशस्यन् ।  
ध्रुवासो अस्य कीरयो जनासः । उरुक्षितिꣳ सुजनिमा चकार ॥ {1}

त्रिर्देवः पृथिवीमेष एताम् । विचक्रमे शतर्चसं महित्वा ।  
प्र विष्णु-रस्तु तवसस्त वीयान् । त्वेषꣳ ह्यस्य स्थविरस्य नाम ॥ {2}

Both appearing in T.B.2.4.3.5

-----

2.6 द्वितीयाष्टके षष्ठः प्रपाठकः – सौत्रामणिः कौकिली होत्रं च

2.6.1 अनुवाकं 1 – ग्रहाः

T.B.2.6.1.1

स्वा॒र्द्धीं॑ त्वा॒ स्वा॒दुना॑ । ती॒व्रां ती॒व्रेण॑ । अ॒मृता॑-म॒मृते॑न । म॒धुम॑तीं  
म॒धुम॑ता । सृ॒जामि॑ सꣳ सो॒मेन॑ । सो॒मोऽस्य॑श्चि॒भ्यां प॑च्यस्व ।  
स॒रस्व॑त्यै पच्यस्व । इ॒न्द्राय॑ सु॒त्राम्णो॑ पच्यस्व । प॒रीतो॑षिञ्च॒ता  
सु॒तम् । सो॒मो य॑ उ॒त्तमꣳ ह॒विः । 1 (10)

T.B.2.6.1.2

द॒धन्वा॑ यो न॒र्यो अ॒फस्व॑न्तरा । सु॒षाव॑ सो॒मम॑द्रि॒भिः । पु॒नातु॑ ते  
प॒रिसु॑तम् । सो॒मꣳ सूर्य॑स्य दु॒हिता॑ । वा॒रेण॑ श॒श्वता॑ तना॒ ।  
वा॒युः पू॒तः प॒वित्रे॑ण । प्रा॒ङ्ख॑सो॒मो अ॒तिद्रु॑तः । इ॒न्द्रस्य॑ यु॒ज्यः  
स॒खा । वा॒युः पू॒तः प॒वित्रे॑ण । प्र॒त्यङ्ख॑सो॒मो अ॒तिद्रु॑तः । 2 (10)

T.B.2.6.1.3

इ॒न्द्रस्य॑ यु॒ज्यः स॒खा । ब्र॒ह्म क्ष॑त्रं प॒वते॑ ते॒ज इ॒न्द्रि॒यम् । सु॒रया॑ सो॒मः  
सु॒त आ॑सुतो म॒दाय॑ । शु॒क्रेण॑ दे॒व दे॒वताः॑ पि॒पृग्धि॑ । र॒सेना॑न्नं  
य॑ज॒मानाय॑ धेहि । कु॒विद॑ङ्ग॒ यव॑म॒न्तो य॑वं चि॒त् ।

यथा दान्त्यनुपूर्वं वियूय । इहेहैषां कृणुत भोजनानि ।

ये बर्हिषो नमोवृक्तिं न जग्मुः ।

उपयाम-गृहीतोऽस्यश्चिभ्यां त्वा जुष्टं गृह्णामि । 3 (10)

#### **T.B.2.6.1.4**

सरस्वत्या इन्द्राय सुत्राम्णो । एष ते योनिस्तेजसे त्वा । वीर्याय त्वा  
बलाय त्वा । तेजोऽसि तेजो मयि धेहि । वीर्यमसि वीर्यं मयि धेहि ।  
बलमसि बलं मयि धेहि । नाना हि वां देवहितं सदः कृतम् ।  
मा सऽसृक्षाथां परमे व्योमन् । सुरा त्वमसि शुष्मिणी सोम एषः ।  
मा मा हिंसीः स्वां योनिमाविशन् । 4 (10)

#### **T.B.2.6.1.5**

उपयामगृहीतोऽस्याश्चिनं तेजः । सारस्वतं वीर्यम् । ऐन्द्रं बलम् ।  
एष ते योनिर्मोदाय त्वा । आनन्दाय त्वा महसे त्वा । ओजोऽस्योजो  
मयि धेहि । मन्युरसि मन्युं मयि धेहि । महोऽसि महो मयि धेहि ।  
सहोऽसि सहो मयि धेहि । या व्याघ्रं विषूचिका ( ) । उभौ वृकं च  
रक्षति । श्येनं पतत्रिणं सिंहम् । सेमं पात्वहसः ।

सं पृचः स्थ सं मा भद्रेण पृङ्ग ।

विपृचः स्थ वि मा पाप्मना पृङ्ग । 5 (15)

(हविः – प्रत्यङ्गसोमो आतिद्रुतो – गृह्णा – म्याविशन् –  
विषूचिका पञ्च च) (A1)

### 2.6.2 अनुवाकं 2 – ग्रहोपस्थानम्

#### T.B.2.6.2.1

सोमो राजाऽमृतं सुतः । ऋजीषेणाजहान्मृत्युम् ।

ऋतेन सत्यमिन्द्रियम् । विपानं शुक्रमन्धसः । इन्द्रस्येन्द्रियम् ।

इदं पयोऽमृतं मधु । सोममद्भ्यो व्यपिबत् । छन्दसा हंसः

शुचिषत् । ऋतेन सत्यमिन्द्रियम् । अद्भ्यः क्षीरं व्यपिबत् । 6 (10)

#### T.B.2.6.2.2

क्रुङ्गाङ्गिरसो धिया । ऋतेन सत्यमिन्द्रियम् । अन्नात् परिस्रुतो रसम् ।

ब्रह्मणा व्यपिबत् क्षत्रम् । ऋतेन सत्यमिन्द्रियम् । रेतो मूत्रं विजहाति ।

योनिं प्रविशदिन्द्रियम् । गर्भो जरायुणाऽऽवृतः ।

उल्बं जहाति जन्मना । ऋतेन सत्यमिन्द्रियम् । 7 (10)



**T.B.2.6.2.3**

वे॒देन॑ रू॒पे व्य॑करोत् । स॒तास॑ती प्र॒जाप॑तिः । ऋ॒तेन॑ स॒त्यमि॑न्द्रि॒यम् ।  
 सो॒मेन॑ सो॒मौ व्य॑पिबत् । सु॒तासु॑तौ प्र॒जाप॑तिः । ऋ॒तेन॑  
 स॒त्यमि॑न्द्रि॒यम् । दृ॒ष्ट्वा रू॒पे व्या॑करोत् । स॒त्यानृ॑ते प्र॒जाप॑तिः ।  
 अ॒श्रद्धा॑-म॒नृते॑ऽदधात् । श्रद्धा॑ꣳ स॒त्ये प्र॒जाप॑तिः ( ) । ऋ॒तेन॑  
 स॒त्यमि॑न्द्रि॒यम् । दृ॒ष्ट्वा परि॑स्रुतो र॒सम् । शु॒क्रेण॑ शु॒क्रं व्य॑पिबत् ।  
 प॒यः सो॒मं प्र॒जाप॑तिः । ऋ॒तेन॑ स॒त्यमि॑न्द्रि॒यम् ।  
 वि॒पानꣳ शु॒क्रम॑न्ध॒सः । इ॒न्द्रस्ये॑न्द्रि॒यम् । इ॒दं प॒योऽमृ॑तं म॒धु । 8 (18)

(अ॒द्भ्यः क्षी॑रं व्य॑पिब – ज॒न्मन॑र्तेन॑ स॒त्यमि॑न्द्रि॒यꣳ –

श्रद्धा॑ꣳ स॒त्ये प्र॒जाप॑तिरष्टौ च) (A2)

**Special Korvai**

(सो॒मो रा॒जा वि॒पानꣳ सो॒मम॑द्भ्योऽन्नाद् रे॒तो मू॒त्रं वे॒देन॑ स॒तास॑ती  
 सो॒मेन॑ सु॒तासु॑तौ दृ॒ष्ट्वा रू॒पे दृ॒ष्ट्वा परि॑स्रुतो र॒सं वि॒पानं॑ द॒श )

**2.6.3 अनुवाकं 3 – ग्रहहोमः**

**T.B.2.6.3.1**

सुरावन्तं बर्हिषदं सुवीरम् । यज्ञं हिन्वन्ति महिषा नमोभिः ।  
दधानाः सोमं दिवि देवतासु । मदेमेन्द्रं यजमानाः स्वर्काः ।  
यस्ते रसः संभृत ओषधीषु । सोमस्य शुष्मः सुरया सुतस्य ।  
तेन जिन्व यजमानं मदेन । सरस्वती-मश्विना-विन्द्र-मग्निम् ।  
यमश्विना नमुचेरासुरादधि । सरस्वत्यसनोदिन्द्रियाय । 9 (10)

**T.B.2.6.3.2**

इमं तं शुक्रं मधुमन्त-मिन्दुम् । सोमं राजानमिह भक्षयामि ।  
यदत्र रिप्तं रसिनः सुतस्य । यदिन्द्रो अपिबच्छचीभिः । अहं  
तदस्य मनसा शिवेन । सोमं राजानमिह भक्षयामि । पितृभ्यः  
स्वधाविभ्यः स्वधा नमः । पितामहेभ्यः स्वधाविभ्यः स्वधा नमः ।  
प्रपितामहेभ्यः स्वधाविभ्यः स्वधा नमः । अक्षन् पितरः । 10 (10)

**T.B.2.6.3.3**

अमीमदन्त पितरः । अतीतृपन्त पितरः । अमीमृजन्त पितरः ।  
पितरः शुन्धध्वम् । पुनन्तु मा पितरः सोम्यासः ।

पुनन्तु॑ मा पिताम॒हाः । पुनन्तु॑ प्रपिताम॒हाः । पवि॒त्रेण॑ शतायुषा ।

पुनन्तु॑ मा पिताम॒हाः । पुनन्तु॑ प्रपिताम॒हाः । 11 (10)

**T.B.2.6.3.4**

पवि॒त्रेण॑ शतायुषा । विश्व॒मायु॑र्-व्य॒श्नवै । "अ॒ग्न आ॒यू॒षि

पव॒से {3}" "ऽग्ने॑ पव॒स्व{4}" । "पव॑मानः सुव॒र्जनः{5}"

"पुनन्तु॑ मा दे॒वज॑नाः{6}" । "जा॒तवे॑दः पवि॒त्रव॑द्{7}"

"य॒त्ते पवि॑त्रम॒र्चिषि॑{8}" । "उ॒भाभ्यां॑ दे॒व स॒वित॑र्{9}"

"वैश्व॑दे॒वी पु॒न॒ती{10}" । ये स॒मा॒नाः स॒म॒न॒सः । पि॒त॒रो य॒म॒राज्ये॑ ॥

तेषां॑ लो॒कः स्व॒धा न॑मः । य॒ज्ञो दे॒वेषु॑ कल्पताम् । 12 (10)

**T.B.2.6.3.5**

ये स॒जा॒ताः स॒म॒न॒सः । जी॒वा जी॒वेषु॑ मा॒म॒काः । तेषां॑ श्री॒र्मयि॑

कल्पताम् । अ॒स्मिन् लो॒के श॒त॒म् स॒माः ॥ द्वे सु॒ती अ॒शृ॒णवं

पि॒तृ॒णाम् । अ॒हं दे॒वाना॑मु॒त म॒र्त्याना॑म् । या॒भ्यामि॑दं वि॒श्वमे॑ज॒थ-

स॒मेति॑ । यद॒न्तरा॑ पि॒तरं॑ मा॒तरं॑ च । इ॒द॒म् ह॒विः प्र॒ज॒न॒नं मे॑ अस्तु ।

द॒श॒वी॒र॒म् स॒र्व॒ग॒ण॒म् स्व॒स्त्ये॑ ( ) । आ॒त्म॒स॒नि प्र॒जा॒स॒नि ।

द्वितीयाष्टके षष्ठः प्रपाठकः – (TB 2.6)

प॒शु॒स॒न्य॒भय॑स॒नि लो॒क॒स॒नि । अ॒ग्निः प्र॒जां बहु॑लां मे॒ करो॑तु ।  
अ॒न्नं प॒यो रे॒तो अ॒स्मासु॑ ध॒त्त । रा॒य॒स्पोष॑-मि॒षमूर्ज॑म॒स्मासु॑ दी॒धर॑त्-  
स्वाहा ॥ 13 (15) (इ॒न्द्रि॒याय॑ – पि॒तरः॑ – श॒तायु॑षा पु॒नन्तु॑ मा  
पि॒ताम॒हाः पु॒नन्तु॑ प्र॒पिता॑म॒हाः-क॒ल्पता॑-स्व॒स्तये॑ प॒ञ्च च) (A3)

2.6.4 अनुवाकं 4 – उपहोमाः

T.B.2.6.4.1

सी॒सेन॑ त॒न्त्रं म॑न॒सा म॑नी॒षिणः॑ । ऊ॒र्णासू॒त्रेण॑ क॒वयो॑ व॒यन्ति॑ ।  
अ॒श्विना॑ य॒ज्ञं स॑वि॒ता सर॑स्वती । इ॒न्द्रस्य॑ रू॒पं व॑रु॒णो भि॑ष॒ज्यन् ।  
तद॑स्य रू॒पम॑मृ॒तं श॑ची॒भिः । ति॒स्रो द॑धु॒र्दे॒वताः॑ स॒र॒राणाः॑ ।  
लो॒मानि॑ श॒ष्पैर् बहु॑धा न तो॒क्मभिः॑ । त्व॒गस्य॑ मा॒सम॑भ॒वन्  
ला॒जाः । तद॑श्वि॒ना भि॑ष॒जा रु॒द्रव॑र्तनी । सर॑स्वती व॒यति॑  
पे॒शो अ॒न्तरः॑ । 14 (10)

T.B.2.6.4.2

अ॒स्थि म॑ज्जानं मा॒सरैः॑ । का॒रोत॑रेण द॒धतो॑ ग॒वां त्व॑चि ।  
सर॑स्वती म॒नसा॑ पे॒शलं॑ व॒सु । ना॒सत्या॑भ्यां व॒यति॑ द॒र्श॒तं व॑पुः ।

रसं॑ परि॒स्रुता॑ न रो॒हितम् । न॒ग्नहु॒र्धीर॒स्तसरं॑ न वे॒म ।  
 पय॑सा शु॒क्रम॑मृतं जनि॒त्रम् । सुर॑या मू॒त्राज्जन॑यन्ति रे॒तः । अपा॑मतिं  
 दुर्म॑तिं बाध॒मानाः । ऊ॒वध्यं॑ वा॒तꣳ स॒बुवं॑ तदा॒रात् । 15 (10)

**T.B.2.6.4.3**

इन्द्रः॑ सु॒त्रामा॑ हृद॒येन॑ स॒त्यम् । पु॒रोडा॑शेन सवि॒ता ज॑जान ।  
 यकृ॑त् क्लो॒मानं॑ वरु॒णो भि॑षज्यन् । मत॑स्ने वा॒यव्यै॑र्न मि॒नाति॑ पि॒त्तम् ।  
 आ॒न्त्राणि॑ स्था॒ली मधु॑ पि॒न्वमा॑ना । गु॒दा पा॑त्राणि सु॒दुघा॑ न धे॒नुः ।  
 श्ये॑नस्य प॒त्रं न प्ली॒हा श॑चीभिः । आ॒सन्दी॑ नाभि॒रुद॑रं न मा॒ता ।  
 कु॒म्भो वनि॑ष्ठुर्ज॒निता॑ श॒चीभिः॑ । यस्मि॑न्न॒ग्रे यो॒न्यां  
 गर्भो॑ अ॒न्तः । 16 (10)

**T.B.2.6.4.4**

प्ला॒शीर्व्य॑क्तः श॒तधा॑र उ॒त्सः । दु॒हे न कु॒म्भीꣳ स्व॒धां पि॒तृभ्यः॑ ।  
 मुखꣳ सद॑स्य शि॒र इ॒त्सदे॑न । जि॒ह्वा प॒वित्र॑मश्वि॒ना सꣳ सर॑स्वती ।  
 च॒प्पं न पा॒युर्भिष॑गस्य वा॒लः । वस्ति॑र्न शो॒पो हर॑सा तर॒स्वी ।  
 अश्वि॑भ्यां चक्षु॒रमृतं॑ ग्र॒हाभ्या॑म् । छा॒गेन॑ तेजो॒ हवि॑षा शृ॒तेन॑ ।

पक्ष्माणि गो॒धूमैः॑ क्वलै॒रु॒तानि॑ । पे॒शो न शु॒क्लम॑सितं

व॑साते । 17 (10)

**T.B.2.6.4.5**

अवि॑र्न मे॒षो न॑सि वी॒र्या॑य । प्रा॒णस्य॑ पन्था॑ अमृ॒तो ग्र॑हाभ्याम् ।  
सर॑स्वत्युपवाकै॑र्व्या॒नम् । न॒स्यानि॑ ब॒र्हिर् ब॑दरैर्-ज॒जान॑ । इन्द्र॑स्य  
रूप॑मृष॒भो ब॑लाय । क॒र्णभ्या॑ श्रो॒त्रम॑मृतं॑ ग्र॒हाभ्या॑म् । यवा॑ न  
ब॒र्हिर् भ्रु॑वि के॒सरा॑णि । क॒र्कन्धु॑ ज॒ज्ञे म॑धु सार॒घं मु॒खात् ।  
आ॒त्मन्नु॒पस्थे॑ न वृ॒कस्य॑ लो॒म । मु॒खे श्म॑श्रूणि न  
व्याघ्र॑लो॒मम् । 18 (10)

**T.B.2.6.4.6.**

के॒शा न शी॒र्षन् य॑शसे॒ श्रियै॑ शि॒खा । सि॒ंहस्य॑ लो॒म  
त्वि॒षि-रि॑न्द्रि॒याणि॑ । अ॒ङ्गान्या॑त्मन्-भिष॒जा तद॑श्चि॒ना । आ॒त्मान॑मङ्गैः  
सम॑धाथ् सर॒स्वती॑ । इन्द्र॑स्य रू॒पं श॑तमा॒नमा॑युः । च॒न्द्रेण॑  
ज्योति॑रमृतं॑ द॒धाना॑ । सर॒स्वती॑ यो॒न्यां गर्भ॑मन्तः । अ॒श्विभ्या॑ प॒त्नी  
सु॒कृतं॑ बि॒भर्ति॑ । अ॒पां र॑से॒न व॑रु॒णो न॑ सा॒म्ना ।

इन्द्र॑ ॐ श्रियै॑ जन॒यन्न॑प्सु राजा॑ ( ) । तेजः॑ पशू॒नां॑ ह॒विरिन्द्रि॑यावत् ।  
परि॒स्रुता॑ पय॒सा सार॑घं मधु॑ । अ॒श्विभ्यां॑ दु॒ग्धं भिष॑जा सर॒स्वत्या  
सुता॑सुताभ्याम् । अ॒मृतः॑ सोम॒ इन्दुः॑ । 19 (14) (अ॒न्तर॑ – आ॒रा –  
द॒न्तर् – व॑साते – व्याघ्र॒लोम॑ – राजा॑ च॒त्वारि॑ च) (A4)

**2.6.5 अनुवाकं 5 – अभिषेकः**

**T.B.2.6.5.1**

मि॒त्रो॒ऽसि॑ वरु॒णो॒ऽसि॑ । सम॒हं वि॒श्वेर्दे॑वैः । क्ष॒त्रस्य॑ ना॒भिर॑सि ।  
क्ष॒त्रस्य॑ यो॒निर॑सि । स्यो॒नामा॑सीद । सु॒षदा॑मासीद ।  
मा त्वा॑ हि॒सीत् । मा मा॑ हि॒सीत् । निष॑साद धृ॒तव्र॑तो वरु॒णः ।  
प॒स्त्या॒स्वा । 20 (10)

**T.B.2.6.5.2**

साम्रा॑ज्याय सु॒क्रतुः॑ । दे॒वस्य॑ त्वा स॒वितुः॑ प्र॒सवे॑ । अ॒श्विनो॑र्  
बा॒हुभ्या॑म् । पू॒ष्णो ह॑स्ताभ्याम् । अ॒श्विनो॑र्-भैष॒ज्येन॑ । तेज॑से  
ब्र॒ह्मव॑र्चसायाभिषि॒ञ्चामि॑ । दे॒वस्य॑ त्वा स॒वितुः॑ प्र॒सवे॑ । अ॒श्विनो॑र्-  
बा॒हुभ्या॑म् । पू॒ष्णो ह॑स्ताभ्याम् । सर॒स्वत्यै॑ भैष॒ज्येन॑ । 21 (10)

**T.B.2.6.5.3**

वी॒र्या॑या॒न्नाद्या॑या॒भिषि॑ञ्चामि । दे॒वस्य॑ त्वा स॒वितुः॑ प्र॒सवे॑ ।  
अ॒श्विनो॑र् बा॒हुभ्या॑म् । पू॒ष्णो ह॑स्ता॒भ्याम् । इन्द्र॑स्येन्द्रि॒येण॑ ।  
श्रि॒यै यश॑से॒ बला॑या॒भिषि॑ञ्चामि । को॒ऽसि क॑तमो॒ऽसि ।  
कस्मै॑ त्वा का॒य त्वा । सु॒श्लोकाँ॑(४) सु॒मङ्ग॒लाँ॑(४) स॒त्यरा॑जा(३)न् ।  
शि॒रो मे॑ श्रीः । 22 (10)

**T.B.2.6.5.4**

यशो॑ मु॒खम् । त्विषिः॑ के॒शाश्च॑ इ॒मश्रू॑णि । रा॒जा मे॑ प्रा॒णोऽमृ॑तम् ।  
स॒म्राट् चक्षुः॑ । वि॒राट्छो॑त्रम् । जि॒ह्वा मे॑ भ॒द्रम् । वाङ्म॑हः ।  
मनो॑ म॒न्युः । स्व॒राड्भा॑मः । मो॒दाः प्र॑मो॒दा अ॒ङ्गुली॑रङ्गानि । 23 (10)

**T.B.2.6.5.5**

चि॒त्तं मे॑ स॒हः । बा॒हू मे॑ ब॒लमिन्द्रि॑यम् । ह॒स्तौ मे॑ क॒र्म वी॒र्यम्॑ ।  
आ॒त्मा क्ष॑त्रमु॒रो म॑म । पृ॒ष्टीर्मे॑ रा॒ष्ट्रमु॒दर॑म॒सौ । ग्री॒वाश्च॑ श्रो॒ण्यौ ।  
ऊ॒रू अ॒र॒न्ती जा॑नुनी । वि॒शो मे॑ऽङ्गानि स॒र्वतः॑ ।  
ना॒भिर्मे॑ चि॒त्तं वि॒ज्ञान॑म् । पा॒युर्मे॑ऽप॒चिति॑र्भ॒सत् । 24 (10)



**T.B.2.6.5.6.**

आ॒न॒न्द॒न॒न्दा॒वा॒ण्डौ॑ मे॑ । भ॒गः॑ सौ॒भा॒ग्यं॑ प॒सः॑ । ज॒ङ्घा॑भ्यां प॒द्भ्यां॑  
 ध॒र्मो॑ऽस्मि । वि॒शि॒ राजा॑ प्र॒ति॒ष्ठितः॑ । प्र॒ति॒ क्ष॒त्रे प्र॒ति॒ति॒ष्ठामि॑ रा॒ष्ट्रे ।  
 प्र॒त्य॒श्वेषु॑ प्र॒ति॒ति॒ष्ठामि॑ गो॒षु । प्र॒त्य॒ङ्गेषु॑ प्र॒ति॒ति॒ष्ठाम्या॒त्मन् । प्र॒ति प्रा॒णेषु॑  
 प्र॒ति॒ति॒ष्ठामि॑ पु॒ष्टे । प्र॒ति द्या॒वापृ॒थिव्योः॑ । प्र॒ति॒ति॒ष्ठामि॑ य॒ज्ञे । 25 (10)

**T.B.2.6.5.7**

त्र॒या दे॒वा ए॒काद॑श । त्र॒यस्त्रि॑ं॒शाः सु॒राध॑सः । बृ॒हस्प॑ति॒ पुरो॑हि॒ताः ।  
 दे॒वस्य॑ स॒वितुः॑ स॒वे । दे॒वा दे॒वैर॑वन्तु मा । प्र॒थ॒मा द्वि॒तीयैः॑ ।  
 द्वि॒तीया॑स्तृ॒तीयैः॑ । तृ॒तीयाः॑ स॒त्येन॑ । स॒त्यं य॒ज्ञेन॑ ।  
 य॒ज्ञो य॒जुर्भिः॑ । 26 (10)

**T.B.2.6.5.8**

य॒जूंषि॑ सा॒मभिः॑ । सा॒मान्य॑ग्निः । ऋ॒चो या॒ज्याभिः॑ ।  
 या॒ज्या व॑षट्कारैः । व॑षट्कारा आ॒हुति॑भिः । आ॒हुत॑यो मे॒ कामा॑न्थ्  
 स॒मर्ध॑यन्तु । भूः स्वा॒हा । लो॒मानि॑ प्र॒यति॑र्मम । त्व॒ङ्म  
 आ॒नति॑रा॒गतिः॑ । मा॒ं॒सं म॒ उप॑नतिः ( ) । व स्व॒स्थि ।  
 म॒ज्जा म॒ आ॒नतिः॑ । 27 (12)

(प॒स्त्या॒स्वा – सर॑स्वत्यै॒ भै॒षज्ये॑न – श्री – र॒ङ्गा॒नि – भ॒सद् –  
य॒ज्ञे – य॒ज्ञो य॒जुर्भि॑ – रु॒प॒न॒ति॒र्द्वे च॑) (A5)

**2.6.6 अनुवाकं 6 – अवभृथः**

**T.B.2.6.6.1**

यद्-दे॒वा दे॒वहे॑ड॒नम् । दे॒वा॒सश्च॑कृ॒मा व॒यम् । अ॒ग्नि॒र्मा तस्मा॑दे॒नसः॑ ।  
वि॒श्वान् मु॒ञ्च॒त्व॒ह॒सः । यदि॑ दि॒वा यदि॑ न॒क्तम् । ए॒ना॒सि च॑कृ॒मा  
व॒यम् । वा॒यु॒र्मा तस्मा॑दे॒नसः॑ । वि॒श्वान् मु॒ञ्च॒त्व॒ह॒सः ।  
यदि॑ जाग्रद्-यदि॑ स्व॒प्ने । ए॒ना॒सि च॑कृ॒मा व॒यम् । 28 (10)

**T.B.2.6.6.2**

सू॒र्यो मा तस्मा॑दे॒नसः॑ । वि॒श्वान् मु॒ञ्च॒त्व॒ह॒सः । यद्ग्रा॑मे॒ यद॑रण्ये ।  
यथ् स॒भायां य॑दि॒न्द्रि॒ये । यच्छू॒द्रे यद॑र्ये । ए॒नश्च॑कृ॒मा व॒यम् ।  
यदे॑कस्याधि॒ धर्म॑णि । तस्या॑व॒य॒ज॒न॒म॒सि । यदा॑पो॒ अ॒घ्निया॑ व॒रु॒णेति॑  
श॒पा॒महे॑ । ततो॑ व॒रु॒ण नो॑ मु॒ञ्च । 29 (10)

**T.B.2.6.6.3**

अव॑भृथ निच॒ङ्कु॒ण नि॒चे॒रु॒र॒सि नि॒च॒ङ्कु॒ण ।  
अव॑ दे॒वैर्-दे॒वकृ॑तमे॒नोऽया॑ट् । अव॑ म॒र्त्यैर्म॒र्त्यकृ॑तम् ।

उ॒रो॒रा नो॑ दे॒व रि॒षस्पा॑हि । सु॒मि॒त्रा न॑ आ॒प ओ॒षध॑यः सन्तु ।  
 दु॒र्मि॒त्रास्त॑स्मै॒ भुया॑सुः । यो॑ऽस्मा॒न् द्वेष्टि॑ । यं च॑ व॒यं द्वि॒ष्मः ।  
 द्रु॒प॒दादि॑वे॒न्-मु॒मुचा॑नः । स्वि॒न्नः स्ना॒त्वी म॑ला॒दिव॑ । 30 (10)

**T.B.2.6.6.4**

पू॒तं प॑वि॒त्रेणे॑वा॒ज्यम् । आ॒पः शु॒न्धन्तु॑ मै॒नसः॑ । उ॒द्वयं॑ त॒मस॑स्प॒रि ।  
 प॒श्यन्तो॑ ज्योति॒रुत्तर॑म् । दे॒वं दे॑व॒त्रा सूर्य॑म् । अ॒गन्म॑ ज्योति॒रुत्त॑मम् ।  
 प्र॒तियु॑तो व॒रुण॑स्य पा॒शः । प्र॒त्यस्तो॑ व॒रुण॑स्य पा॒शः ।  
 ए॒धोऽस्ये॑धि॒षीम॑हि । स॒मिद॑सि । 31 (10)

**T.B.2.6.6.5**

ते॒जोऽसि॑ ते॒जो म॑यि धे॒हि । अ॒पो अ॒न्वचा॑रिषम् । र॒सेन॑ स॒मसृ॑क्ष्महि ।  
 प॒यस्वा॑ अ॒ग्न आ॑ग॒मम् । तं मा॑ स॒सृज॑ वर्च॒सा । प्र॒जया॑ च॒  
 ध॒नेन॑ च । स॒माव॑वर्ति पृथि॒वी । स॒मुषाः॑ । स॒मु सूर्यः॑ ।  
 स॒मु वि॒श्वमि॑दं जगत् ( ) । वै॒श्वान॑र ज्योति॒र्-भूया॑सम् । वि॒भुं का॑मं  
 व्य॑श्न॒वै । भूः स्वा॑हा । 32 (13) (स्व॒प्न ए॒नाऽसि॑ च॒कृमा॑ व॒यं -  
 मुञ्च॑ - म॒लादि॑व - स॒मिद॑सि - जगत् त्रीणि॑ च) (A6)

**2.6.7 अनुवाकं 7 – ऐन्द्रे प्रश्नौ प्रयाजानामेकादश मैत्रावरुणप्रैषाः**

**T.B.2.6.7.1**

हो॒ता य॒क्ष॒त्-स॒मि॒धेन्द्र॑-मि॒डस्प॑दे । ना॒भा पृ॒थि॒व्या अ॒धि । दि॒वो  
व॒र्ष्मन्त् स॒मि॒ध्यते॑ । ओ॒जि॒ष्ठश्च॑र्ष॒णीस॑हान् । वे॒त्वाज्य॑स्य हो॒तर्य॑ज ।  
हो॒ता य॒क्षत्त॑नू॒नपा॑तम् । ऊ॒तिभि॑र्-जे॒तार॑-म॒परा॑जितम् । इन्द्रं॑ दे॒व  
सु॒वर्वि॑दम् । प॒थिभि॑र् म॒धुम॑त्तमैः । नरा॒श॒सेन॑ ते॒जसा॑ । 33 (10)

**T.B.2.6.7.2**

वे॒त्वाज्य॑स्य हो॒तर्य॑ज । हो॒ता य॒क्षदि॑डाभि-रिन्द्र-मी॒डित॑म् ।  
आ॒जु॒ह्वान॑-म॒मर्त्य॑म् । दे॒वो दे॒वैः स॒वीर्यः॑ । व॒ज्रह॑स्तः पु॒रंद॑रः ।  
वे॒त्वाज्य॑स्य हो॒तर्य॑ज । हो॒ता य॒क्षद्-ब॒र्हिषीन्द्रं॑ निष॒द्वर॑म् ।  
वृ॒षभं॑ न॒र्याप॑सम् । व॒सुभी॑ रु॒द्रैरा॑दित्यैः ।  
स॒युग्भि॑र्-ब॒र्हि॒रा ऽस॑दत् । 34 (10)

**T.B.2.6.7.3**

वे॒त्वाज्य॑स्य हो॒तर्य॑ज । हो॒ता य॒क्षदो॑जो न वी॒र्य॑म् ।  
स॒हो द्वा॒र इन्द्र॑मव॒र्धय॑न् । सु॒प्राय॑णा वि॒श्रय॑न्तामृ॒तावृ॑धः ।  
द्वा॒र इन्द्रा॑य मी॒ढुषे॑ । वि॒यन्त्वा॑ज्यस्य हो॒तर्य॑ज ।

हो॒ता यक्ष॑दु॒षे इन्द्र॑स्य धे॒नू । सु॒दु॒घे मा॒तरौ म॒ही ।

सवा॒तरौ न ते॑जसी । व॒थ्समिन्द्र॑-मव॒र्धता॑म् । 35 (10)

**T.B.2.6.7.4**

वी॒तामा॑ज्यस्य हो॒तर्य॑ज । हो॒ता यक्ष॑द् दै॒व्या हो॒तारा॑ । भिष॑जा  
सखा॑या । ह॒विषेन्द्रं॑ भिष॑ज्यतः । क॒वी दे॒वौ प्र॑चे॒तसौ॑ । इन्द्रा॑य ध॒त्त

इन्द्रि॑यम् । वी॒तामा॑ज्यस्य हो॒तर्य॑ज । हो॒ता यक्ष॑त्ति॒स्रो दे॒वीः ।

त्रय॑स्त्रि॒धातवो॑ऽप॒सः । इ॒डा सर॑स्वती भा॒रती॑ । 36 (10)

**T.B.2.6.7.5**

महीन्द्र॑प॒त्नीर्-ह॒विष्म॑तीः । वि॒यन्त्वा॑ज्यस्य हो॒तर्य॑ज ।

हो॒ता यक्ष॑त्त्व॒ष्टार-मिन्द्रं॑ दे॒वम् । भिष॑ज॒ सु॒यजं॑ घृ॒तश्रि॑यम् ।

पु॒रु॒रूप॑ सु॒रेत॑सं म॒घोनि॑म् । इन्द्रा॑य त्व॒ष्टा द॑धदिन्द्रि॒याणि॑ ।

वै॒त्वाज्य॑स्य हो॒तर्य॑ज । हो॒ता यक्ष॑द्-व॒नस्प॑तिम् ।

श॒मिता॑र॒ शत॑क्र॒तुम् । धि॒यो जो॑ष्टार-मिन्द्रि॒यम् । 37 (10)

**T.B.2.6.7.6.**

म॒ध्वा स॑मञ्ज॒न्यथि॑भिः सु॒गेभिः॑ । स्व॒दाति॑ ह॒व्यं म॒धुना॑ घृ॒तेन॑ ।

वै॒त्वाज्य॑स्य हो॒तर्य॑ज । हो॒ता यक्ष॑दिन्द्र॒ स्वाहा॑ऽज्यस्य ।

स्वाहा मे॒दसः॑ । स्वाहा॑ स्तो॒काना॑म् । स्वाहा॑ स्वाहा॑कृ॒तीना॑म् ।  
 स्वाहा॑ ह॒व्यसू॑क्तीनाम् । स्वाहा॑ दे॒वाँ॑ आ॒ज्य॒पान् । स्वाहे॑न्द्र॒ँ  
 हो॒त्राज्जु॑षाणाः ( ) । इन्द्र॑ आ॒ज्यस्य॑ वि॒यन्तु॑ । हो॒तर्य॑ज । 38 (12)  
 (ते॒जसा॑-ऽस॒द-द॒वर्ध॑तां-भा॒रती॑-न्द्रि॒यं-जु॑षाणा द्वे च) (A7)

Special Korvai

(स॒मिधे॑न्द्रं त॒नून॑पा॒तमि॒डाभि॑र् ब॒र्हिष्यो॑ज उ॒षे दै॒व्या तिस्र॑स्त्व॒ष्टारं॑  
 व॒नस्प॑तिमिन्द्रम् । स॒मिधे॑न्द्रं च॒तुर्वे॑त्वे॒को वि॒यन्तु॑ द्वि॒र्वीता॑मे॒को  
 वि॒यन्तु॑ द्वि॒र्वेत्वे॑को वि॒यन्तु॑ हो॒तर्य॑ज )

2.6.8 अनुवाकं 8 – ऐन्द्रे प्रश्नौ प्रयाजयाज्याः

T.B.2.6.8.1

स॒मिद्ध॑ इन्द्र॑ उ॒षसा॑मनी॒के । पु॒रोरु॑चा पूर्॒वकृ॑द्वावृ॒धानः॑ ।  
 त्रिभि॑र्दे॒वैस्त्रि॑ँश॒ता व॒ज्रबा॑हुः । ज॒घान॑ वृ॒त्रं वि॑ दुरो॒ ववार॑ ।  
 नरा॑श॒सः प्र॑ति शू॒रो मि॑मानः । त॒नून॑पा॒त्-प्र॑ति य॒ज्ञस्य॑ धा॒म ।  
 गो॒भिर्-व॒पावा॑न्-म॒धुना॑ स॒मज्ज॑न् । हि॒रण्यैश्च॑न्द्री य॒जति॑ प्र॒चेताः॑ ।  
 ई॒डितो॑ दे॒वैर्हरि॑वाँ॒ अभि॑ष्टिः । आ॒जुह्वा॑नो ह॒विषा॑ श॒र्धमा॑नः । 39 (10)

**T.B.2.6.8.2**

पुर॒न्दरो॑ म॒घवान्॑. वज्र॑बाहुः । आया॑तु य॒ज्ञमु॑प नो जुषा॒णः ।  
जुषा॒णो ब॒र्हिर्.ह॑रि॒वान्न॑ इन्द्रः । प्रा॒चीन॑ꣳ सीद॑त्प्रदिशा पृथि॒व्याः ।  
उरु॒व्यचाः॑ प्रथ॑मानꣳ स्यो॒नम् । आ॒दि॒त्यैर॑क्तं वसु॑भिः सजोषाः ॥  
इन्द्रं॑ दुरः कव॑ष्यो धाव॑मानाः । वृषा॑णं य॒न्तु॑ जन॑यः सु॒पत्नीः॑ । द्वा॒रो  
दे॒वीर॑भितो विश्र॑यन्ताम् । सु॒वीरा॑ वी॒रं प्र॑थमा॒ना महो॑भिः । 40 (10)

**T.B.2.6.8.3**

उषा॑सा नक्ता बृ॒हती॑ बृ॒हन्त॑म् । पय॑स्वती सु॒दु॒धे शू॒रमिन्द्र॑म् ॥  
पे॒शस्व॑ती तन्तु॑ना स॒म्व्य॑यन्ती । दे॒वानां॑ दे॒वं य॑जतः सुरु॒क्मे ।  
दै॒व्या मि॑माना मन॒सा पु॒रु॒त्रा । हो॒ता॒रा॒विन्द्रं॑ प्रथ॑मा सु॒वाचा॑ ॥ मू॒र्धन्.  
य॒ज्ञस्य॑ मधु॒ना द॑धाना । प्रा॒चीनं॑ ज्योति॒र्हवि॑षा वृ॒धातः॑ । ति॒स्रो  
दे॒वीर्.ह॑विषा वर्ध॑मानाः । इन्द्रं॑ जुषा॒णा वृष॑णं न पत्नीः ॥ 41 (10)

**T.B.2.6.8.4**

अच्छि॑न्नं तन्तुं पय॑सा सर॒स्वती॑ । इ॒डा दे॒वी भा॑रती विश्व॑तूर्तिः ॥  
त्वष्टा॑ दध॒दिन्द्रा॑य शु॒ष्मम् । अ॒पा॒कोऽचि॑ष्टुर्यश॒से पु॒रू॒णि । वृषा॑ य॒जन्  
वृष॑णं भू॒रि॒ताः । मू॒र्धन्. य॒ज्ञस्य॑ स॒मन॑क्तु दे॒वान् ।

वनस्पति-रवसृष्टो न पाशैः । त्मन्या समञ्जञ्छमिता न देवः ।  
 इन्द्रस्य हव्यैर्जठरं पृणानः । स्वदाति हव्यं मधुना घृतेन ( ) ।  
 स्तोकानामिन्दुं प्रति शूर इन्द्रः । वृषायमाणो वृषभ-स्तुराषाट् ।  
 घृतपुषा मधुना हव्यमुन्दन् । मूर्धन् यज्ञस्य जुषता७  
 ॥  
 स्वाहा । 42 (14)

(शर्धमानो – महोभिः – पत्नीर् – घृतेन चत्वारि च) (A8)

2.6.9 अनुवाकं 9 – ऐन्द्रे प्रश्नौ वपादीनां याज्यानुवाक्याः

T.B.2.6.9.1

"आचर्षणिप्रा{11}", "विवेष यन्मा{12}" । "तञ् सध्रीचीः{13}" ।  
 सत्यमित्तन्न त्वावाञ् अन्यो अस्ति । इन्द्र देवो न मर्त्यो ज्यायान् ।  
 अहन्नहिं परिशयानमर्णः । अवासृजोऽपो अच्छा समुद्रम् ।  
 प्रससाहिषे पुरुहूत शत्रून् । ज्येष्ठस्ते शुष्म इह रातिरस्तु ।  
 इन्द्राभर दक्षिणेना वसूनि । पतिः सिन्धूनामसि रेवतीनाम् ( ) । स  
 शेवृधमधिधा द्युम्नमस्मे । महि क्षत्रं जनाषाडिन्द्र तव्यम् । रक्षा च  
 नो मघोनः पाहि सूरीन् । राये च नः स्वपत्या इषे धाः । 43 (14)



(रैवतीनां चत्वारि च) (A9)

**2.6.10** अनुवाकं 10 – ऐन्द्रे प्रश्नौ अनुयाजानामेकादश

मैत्रावरुणप्रैषाः

**T.B.2.6.10.1**

दे॒वं ब॒र्.हि॒रि॒न्द्रं॑ सु॒दे॒वं दे॒वैः । वी॒र॒व॒थ्-स्ती॒र्णं वे॒द्याम॑व॒र्धय॑त् ।  
व॒स्तोर्वृ॑तं प्रा॒क्तोर्भृ॑तम् । रा॒या ब॒र्.हि॒ष्म॒तोऽत्य॑गात् । व॒सु॒वने॑  
व॒सु॒धेय॑स्य वे॒तु य॑ज । दे॒वीर्द्वा॒र इ॒न्द्रं॑ सं॒घा॒ते । वि॒ड्वी॒र्याम॑न्नव॒र्धय॑न् ।  
आ व॒थ्से॒न तरु॑णे॒न कु॒मा॒रेण॑ च मी॒वि॒ता अ॒पा॒र्वा॒णम् ।  
रे॒णु॒क॒काटं॑ नु॒दन्ता॑म् । व॒सु॒वने॑ व॒सु॒धेय॑स्य वि॒यन्तु॑ य॑ज । 44 (10)

**T.B.2.6.10.2**

दे॒वी उ॒षा॒सा न॒क्ता॑ । इ॒न्द्रं॑ य॒ज्ञे प्र॑य॒त्यह्ने॑ताम् । दै॒वीर्वि॒शः प्रा॑या॒सि॒ष्टाम् ।  
सु॒प्री॑ते सु॒धिते॑ अ॒भू॒ताम् । व॒सु॒वने॑ व॒सु॒धेय॑स्य वी॒तां य॑ज । दे॒वी जो॒ष्ट्री  
व॒सु॒धि॒ती । दे॒वमि॒न्द्रम॑व॒र्धता॑म् । अ॒याव्य॑न्याऽघा द्वे॒षाँ॑सि ।  
आऽन्या वा॒क्षी॑द् व॒सु वा॒र्या॑णि । य॒जमा॑नाय शि॒क्षिते॑ । 45 (10)

**T.B.2.6.10.3**

वसु॒वने॑ वसु॒धेय॑स्य वी॒तां य॑ज । दे॒वी ऊ॒र्जाहु॑ती दु॒घे सु॒दुघे॑ ॥  
पय॑सेन्द्र॒मव॑र्धताम् । इ॒षमूर्ज॑मन्या ऽवा॒क्षीत् ॥ स॒ग्धिꣳ स॒पीति॑मन्या ।  
नवे॑न पूर्वं दय॑माने । पु॒राणे॑न नवम् । अ॒धाता॑-मूर्ज॑मूर्जाहु॑ती वसु॒  
वा॒र्याणि॑ । यज॑मानाय शि॒क्षिते॑ । वसु॒वने॑ वसु॒धेय॑स्य

वी॒तां य॑ज । 46(10)

**T.B.2.6.10.4**

दे॒वा दै॒व्या हो॑तारा । दे॒वमिन्द्र॑मव॑र्धताम् । ह॒ताघ॑शꣳ सा॒वाभा॑र्ष्टाँ वसु॒  
वा॒र्याणि॑ । यज॑मानाय शि॒क्षितौ॑ । वसु॒वने॑ वसु॒धेय॑स्य वी॒तां य॑ज ।

दे॒वीस्ति॑स्रस्ति॒स्रो दे॒वीः । प॒तिमिन्द्र॑मव॑र्धयन् ।

अ॒स्पृक्ष॑द्भा॒रती॑ दि॒वम् । रु॒द्रैर्य॑ज्ञꣳ स॒रस्व॑ती ।

इ॒डा वसु॑मती गृ॒हान् । 47 (10)

**T.B.2.6.10.5**

वसु॒वने॑ वसु॒धेय॑स्य वि॒यन्तु॑ यज । दे॒व इन्द्रो॑ न॒राशꣳसः॑ ।

त्रि॒वरू॑थ-स्त्रि॒वन्धु॑रः । दे॒वमिन्द्र॑मव॑र्धयत् । श॒तेन॑ शि॒तिपृ॑ष्ठाना॒माहि॑तः ।

स॒हस्रे॑ण प्र॒वर्त॑ते । मि॒त्राव॑रुणे॒दस्य॑ हो॒त्रम॑र्ह॒तः । बृ॒हस्प॑तिः स्तो॒त्रम् ।

अ॒श्विनाऽऽध्व॑र्यवम् । व॒सु॒वने॑ वसु॒धेय॑स्य वे॒तु यज॑ । 48 (10)

**T.B.2.6.10.6.**

दे॒व इन्द्रो॑ वन॒स्पतिः॑ । हि॒रण्य॑पर्णो मधु॒शाखः॑ सु॒पिप्पलः॑ ।  
 दे॒वमिन्द्र॑मवर्धयत् । दि॒वम॑ग्रे॒णाप्रा॑त् । आऽन्त॑रि॒क्षं पृ॑थि॒वीम॑दृ॒हीत् ।  
 व॒सु॒वने॑ वसु॒धेय॑स्य वे॒तु यज॑ । दे॒वं ब॒र्हिर्वा॑रितीनाम् ।  
 दे॒वमिन्द्र॑मवर्धयत् । स्वा॒स॒स्थ-मि॒न्द्रेणा॑सन्नम् ।  
 अ॒न्या ब॒र्हि॒ष्यभ्य॑भूत् ( ) । व॒सु॒वने॑ वसु॒धेय॑स्य वे॒तु यज॑ ।  
 दे॒वो अ॒ग्निः स्वि॑ष्टकृत् । दे॒वमिन्द्र॑मवर्धयत् । स्वि॑ष्टं कु॒र्वन्थ्  
 स्वि॑ष्टकृत् । स्वि॑ष्टम॒द्य क॑रोतु नः । व॒सु॒वने॑ वसु॒धेय॑स्य  
 वे॒तु यज॑ । 49 (16) (विय॑न्तु यज – शि॒क्षिते॑ – शि॒क्षिते॑ व॒सु॒वने॑  
 वसु॒धेय॑स्य वी॒तां य॑ज-गृ॒हान्-वे॒तु यजा॑-भू॒थ् षट्च॑) (A10)

**Special Korvai**

दे॒वं ब॒र्हिर् दे॒वीर्द्वा॑रो दे॒वी उ॒षा॒सा न॑क्ता दे॒वी जो॒ष्ट्री दे॒वी ऊ॒र्जाहु॑ती  
 दे॒वा दै॒व्या हो॑तारा शि॒क्षितौ॑ दे॒वीस्ति॒स्रस्ति॒स्रो दे॒वीः पतिं॑ दे॒व इन्द्रो॑

नरा॒श॒सो॒ दे॒व इन्द्रो॒ वन॒स्पति॒र् दे॒वं ब॒र्हि॒र्वारि॒तीनां॑ दे॒वो अ॒ग्निः  
स्वि॒ष्टकृ॒द् दे॒वम् । वे॒तु वि॒यन्तु॑ च॒तुर्वी॒तामे॒को वि॒यन्तु॑ च॒तुर्वे॒तु ।  
अव॒र्धय॑दव॒र्धयन्॑ त्रि॒रव॒र्धता॒मेको॑ ऽव॒र्धय॑श्च॒तुरव॒र्धय॑त् । वस्तो॒रा  
व॒त्सेन॑ दै॒वीर॒यावी॒षः॑ ह॒तास्पृ॑क्ष॒च्छते॑न दि॒वमिन्द्र॑श्च॒ स्वास॒स्थः॑  
स्वि॒ष्टम् । शि॒क्षिते॑ शि॒क्षिते॑ शि॒क्षितौ॑ ।

**2.6.11 अनुवाकं 11 – पशुत्रये प्रय जार्था मैत्रावरुणप्रैषाः**

**T.B.2.6.11.1**

हो॒ता यक्ष॑त्-स॒मिधा॑ऽग्नि-मि॒डस्प॑दे । अ॒श्विनेन्द्र॑श्च॒ सर॑स्वतीम् ।  
अ॒जो धू॒म्रो न॑ गो॒धूमैः॑ क्वलै॒र्भेष॑जम् । मधु॒ शष्पै॑र्न ते॒ज इन्द्रि॑यम् ।  
प॒यः सो॒मः परि॑स्रुता घृ॒तं मधु॑ । वि॒यन्त्वा॒ज्यस्य॑ हो॒तर्य॑ज । हो॒ता  
यक्ष॑त्तनू॒नपा॑त् सर॒स्वती॑ । अ॒विर्मे॑षो न भेष॑जम् । प॒था मधु॑मता  
ऽऽभ॑रन् । अ॒श्विनेन्द्रा॑य वी॒र्यम्॑ । 50 (10)

**T.B.2.6.11.2**

ब॒दरै॑रु॒पवा॑काभि॒र् भेष॑जं तो॒क्मभिः॑ । प॒यः सो॒मः परि॑स्रुता घृ॒तं मधु॑ ।  
वि॒यन्त्वा॒ज्यस्य॑ हो॒तर्य॑ज । हो॒ता यक्ष॑न्नरा॒श॒सं न॑ न॒ग्नहु॑म् ।

पति॑ सु॒रायै॑ भेष॒जम् । मेषः॑ सर॒स्वती॑ भिषक् । रथो॑ न च  
 न्द्र॑यश्चि॒नोर्व॑पा इन्द्र॑स्य वी॒र्यम् । ब॒दरै॑रुप॒वाका॑भिर् भेष॒जं तो॒क्मभिः॑ ।  
 पयः॑ सोमः॑ परि॒स्रुता॑ घृ॒तं मधु॑ । वि॒यन्त्वा॑ज्यस्य हो॒तर्य॑ज । 51 (10)

**T.B.2.6.11.3**

हो॒ता यक्ष॑दि॒डेडि॑त आ॒जुह्वा॑नः सर॒स्वती॑म् । इन्द्रं॑ ब॒लेन॑ वर्धयन् ।  
 ऋष॑भेण ग॒वेन्द्रि॑यम् । अश्चि॒नेन्द्रा॑य वी॒र्यम् । यवैः॑ क॒र्कन्धु॑भिः ।  
 मधु॑ ला॒जैर्न॑ मा॒सरम् । पयः॑ सोमः॑ परि॒स्रुता॑ घृ॒तं मधु॑ ।  
 वि॒यन्त्वा॑ज्यस्य हो॒तर्य॑ज । हो॒ता यक्ष॑द्-ब॒र्हिः सु॒ष्टरी॑मो॒र्णम॑दाः ।  
 भिष॑ङ्नास॒त्या । 52 (10)

**T.B.2.6.11.4**

भिष॑जाऽश्चि॒नाऽश्वा॑ शि॒शुम॑ती । भिष॑ग्धे॒नुः सर॒स्वती॑ । भिष॑ग्दु॒ह  
 इन्द्रा॑य भेष॒जम् । पयः॑ सोमः॑ परि॒स्रुता॑ घृ॒तं मधु॑ । वि॒यन्त्वा॑ज्यस्य  
 हो॒तर्य॑ज । हो॒ता यक्ष॑द्दु॒रो दि॑शः । क॒व॒ष्यो न॑ व्य॒चस्व॑तीः ।  
 अश्चि॒भ्यां न॑ दु॒रो दि॑शः । इन्द्रो॑ न रो॒दसी॑ दु॒र्घे । दु॒हे का॒मान्थ्  
 सर॒स्वती॑ । 53 (10)

**T.B.2.6.11.5**

अ॒श्विनेन्द्रा॑य भेष॒जम् । शु॒क्रं न ज्योति॑रिन्द्रि॒यम् । पयः॑ सोमः॑  
परि॒स्रुता॑ घृ॒तं मधु॑ । वियन्त्वाज्यस्य॑ हो॒तर्यज॑ । होता॑ यक्ष॒त्  
सुपे॑शसोषे॒ नक्तं॑ दि॒वा । अ॒श्विना॑ सं॒जाना॑ने । सम॒ञ्जाते॑ सर॒स्वत्या॑ ।  
त्विषि॑मिन्द्रे॒ न भेष॒जम् । श्ये॒नो न रज॑सा हृ॒दा । पयः॑ सोमः॑ परि॒स्रुता॑  
घृ॒तं मधु॑ । 54 (10)

**T.B.2.6.11.6.**

वियन्त्वाज्यस्य॑ हो॒तर्यज॑ । होता॑ यक्ष॒द्दैव्या॑ हो॒तारा॑ भिष॒जाऽश्वि॑ना ॥  
इन्द्रं॑ न जा॒गृवी॑ दि॒वा नक्तं॑ न भेष॒जैः । शूष॑त् सर॒स्वती॑ भिष॒क् ।  
सीसे॑न दुह इन्द्रि॒यम् । पयः॑ सोमः॑ परि॒स्रुता॑ घृ॒तं मधु॑ ।  
वियन्त्वाज्यस्य॑ हो॒तर्यज॑ । होता॑ यक्ष॒त् तिस्रो॑ दे॒वीर्न भेष॒जम् ।  
त्रय॑स्त्रिधा॒तवो॑ऽपसः॑ । रूप॑मिन्द्रे॒ हिर॑ण्ययम् । 55 (10)

**T.B.2.6.11.7**

अ॒श्विने॒डा न भा॑रती । वा॒चा सर॑स्वती । मह॑ इन्द्रा॑य दधु॒रिन्द्रि॒यम् ।  
पयः॑ सोमः॑ परि॒स्रुता॑ घृ॒तं मधु॑ । वियन्त्वाज्यस्य॑ हो॒तर्यज॑ ।  
होता॑ यक्ष॒त्त्वष्टा॑र-मिन्द्र॒मश्वि॑ना ॥ भिष॒जं न सर॑स्वतीम् ।

ओ॒जो॒ न॒ जू॒तिरिन्द्रि॒यम् । वृ॒को॒ न॒ र॒भ॒सो॒ भि॒षक् ।

य॒शः॒ सु॒रया॒ भेष॒जम् । 56 (10)

**T.B.2.6.11.8**

श्रि॒या न॒ मा॒सरम् । प॒यः॒ सोमः॑ परि॒स्रुता॑ घृ॒तं म॒धु । वि॒यन्त्वाज्य॑स्य  
हो॒तर्य॑ज । हो॒ता यक्ष॑द्-वन॒स्पति॑म् । श॒मितार॑ꣳ श॒तक्र॑तुम् ।

भी॒मं न॒ म॒न्युꣳ रा॒जानं॑ व्याघ्रं॑ नम॒साऽश्वि॑ना भा॒मं । सर॑स्वती भि॒षक् ।  
इन्द्रा॑य दु॒ह इन्द्रि॒यम् । प॒यः॒ सोमः॑ परि॒स्रुता॑ घृ॒तं म॒धु ।

वि॒यन्त्वाज्य॑स्य हो॒तर्य॑ज । 57 (10)

**T.B.2.6.11.9**

हो॒ता यक्ष॑दग्निꣳ स्वा॒हाऽऽज्य॑स्य स्तो॒काना॑म् । स्वा॒हा मे॒दसां॑  
पृ॒थक् । स्वा॒हा छा॒गम॑श्चि॒भ्याम् । स्वा॒हा मे॒षꣳ सर॑स्वत्यै ।

स्वा॒हार्ष॑भ-मिन्द्रा॑य सिꣳहाय॑ सह॒सेन्द्रि॒यम् । स्वा॒हाऽग्निं॑ न  
भेष॑जम् । स्वा॒हा सोम॑मिन्द्रि॒यम् । स्वाहे॑न्द्रꣳ सु॒त्रामा॑णꣳ स॒वितारं॑  
व॒रुणं॑ भि॒षजां॑ पति॑म् । स्वा॒हा वन॑स्पतिं॑ प्रि॒यं पा॒थो न॑ भेष॑जम् ।

स्वा॒हा दे॒वाꣳ आ॒ज्यपा॑न् । 58 (10)

**T.B.2.6.11.10**

स्वाहा॑ऽग्नि॒ꣳ हो॒त्राज्जु॑षा॒णो अ॒ग्निर् भ॑ेष॒जम् । प॒यः सोमः॑ परि॒स्रुता॑  
घृ॒तं म॑धु । वि॒यन्त्वाज्य॑स्य हो॒तर्य॑ज । हो॒ता य॑क्षद॒श्विना॑  
सर॒स्वती॑मिन्द्र॒ꣳ सु॒त्रामा॑णम् । इ॒मे सोमाः॑ सु॒रामा॑णः । छा॒गैर्न  
मे॒षैर्ऋ॑षभैः सु॒ताः । श॒ष्यैर्न॑ तो॒क्मभिः॑ । ला॒जैर्म॑ह॒स्वन्तः॑ ।  
म॒दा मा॑सरेण परि॒ष्कृताः॑ । शु॒क्राः प॑यस्वन्तो॒ऽमृताः॑ ( ) । प्र॒स्थिता॑ वो  
म॒धुश्रु॑तः । तान॒श्विना॑ सर॒स्वतीन्द्रः॑ सु॒त्रामा॑ वृ॒त्रहा॑ । जु॒षन्ता॑ꣳ सौ॒म्यं  
म॒धु । पि॒बन्तु॑ म॒दन्तु॑ वि॒यन्तु॑ सोम॑म् । हो॒तर्य॑ज । 59 (15)

(वी॒र्यं – वि॒यन्त्वाज्य॑स्य हो॒तर्य॑ज – ना॒सत्या॑ – सर॒स्वती॑ – म॒धु  
– हि॒रण्य॑यं – भ॑ेष॒जं – वि॒यन्त्वाज्य॑स्य हो॒तर्य॑जा – ज्य॒पा –  
न॒मृताः॑ प॒ञ्च च) (A11)

**Special Korvai**

स॒मिधा॑ऽग्नि॒ꣳ षट् । त॒नून॑पा॒थ् स॒प्त । न॒राश॑ꣳस॒मृषिः॑ । इ॒डेडि॒तो  
य॒वैर॑ष्टौ । ब॒र्हिः स॒प्त । दु॒रोऽश्वि॑ना शु॒क्रन्न॑व । सु॒पे॒शसो॑षे न॒क्तमृ॑षिः ।  
दै॒व्या हो॑तारा सी॒सेन॑ र॒सः । ति॒स्रस्त्व॑ष्टारम॒ष्टाव॑ष्टौ । व॒नस्प॑तिमृषिः ।



अ॒ग्निं त्रयो॑दश । अ॒श्विना॑ द्वा॒दश त्रयो॑दश । स॒मिधाऽग्निं॑ ब॒दरैर् ब॒दरैर्  
यवै॑र॒श्विना॑ त्विषि॑म॒श्विना॑ न भेष॑जं रूप॑म॒श्विना॑ भी॒मं भा॑मम् ।

**2.6.12 अनुवाकं 12 – पशुत्रये प्रयाजयाज्या आप्रियः**

**T.B.2.6.12.1**

स॒मिद्धो॑ अ॒ग्निर॒श्विना॑ । त॒प्तो घ॒र्मो वि॒राट् सु॒तः । दु॒हे धे॒नुः  
स॒रस्व॑ती । सोम॑ं शु॒क्रमि॒हेन्द्रि॒यम् । त॒नूपा॑ भिष॒जा सु॒ते ।  
अ॒श्विनो॒भा स॒रस्व॑ती । म॒ध्वा र॒जासी॑न्द्रि॒यम् । इन्द्रा॑य प॒थिभिर्  
व॒हान् । इन्द्रा॑ये॒न्दुः स॒रस्व॑ती । न॒राश॑से॒न न॒ग्नहुः॑ । 60 (10)

**T.B.2.6.12.2**

अ॒धाता॑म॒श्विना॑ म॒धु । भेष॑जं भिष॒जा सु॒ते । आ॒जुह्वा॑ना स॒रस्व॑ती ।  
इन्द्रा॑येन्द्रि॒याणि॑ वी॒र्यम्॑ । इ॒डाभि॑र॒श्विना॑विष॒म् । स॒मूर्जं॑ स॒ रयिं॑  
द॒धुः । अ॒श्विना॑ न॒मुचेः॑ सु॒तम् । सोम॑ं शु॒क्रं प॒रिस्रु॑ता ।  
स॒रस्व॑ती त॒माभ॑रत् । ब॒र्हिषे॑न्द्रा॒य पा॑तवे । 61 (10)

**T.B.2.6.12.3**

क॒व॒ष्यो न॑ व्य॒चस्व॑तीः । अ॒श्विभ्यां॑ न दुरो॒ दिशः॑ । इन्द्रो॑ न रो॒दसी॑  
दु॒धे । दु॒हे का॒मान्थ्-स॒रस्व॑ती । उ॒षासा॑ न॒क्तम॑श्विना ।

दिवेन्द्र॑ सा॒यमिन्द्रि॒यैः । सं॒जाना॑ने सु॒पेश॑सा । सम॒ञ्जाते॑ सर॒स्वत्या ।  
पातं॑ नो॒ अश्वि॑ना दि॒वा । पा॒हि नक्त॑ सर॒स्वति । 62 (10)

**T.B.2.6.12.4**

दै॒व्या हो॑तारा भिष॒जा । पा॒तमिन्द्र॑ स॒चा सु॒ते । ति॒स्रस्त्रे॒धा सर॒स्वती ।  
अश्वि॑ना भा॒रती॒डा । ती॒व्रं परि॑स्रुता सोमम् । इन्द्रा॑य सु॒षवु॑र्मदम् ।  
अश्वि॑ना भेष॒जं मधु॑ । भेष॒जं नः॑ सर॒स्वती । इन्द्रे॑ त्वष्टा यशः॑ श्रियम् ।  
रूप॑ रूप॒मधुः सु॒ते ( ) । ऋ॒तुथेन्द्रो॑ वनस्पतिः । शश॑मानः परि॒स्रुता ।  
की॒लाल॑मश्विभ्यां मधु । दु॒हे धे॒नुः सर॒स्वती । गोभि॑र्न सोममश्विना ।  
मास॑रेण परिष्कृ॒ता । सम॑धाता सर॒स्वत्या ।  
स्वाहे॑न्द्रे सु॒तं मधु॑ । 63 (18)

(न॒ग्नहुः॑ – पा॒तवे॑ – सर॒स्व – त्यधुः॑ सु॒तेऽष्टौ॑ च) (A12)

**2.6.13 अनुवाकं 13 – पशुत्रये वपादीनां याज्यानुवाक्याः**

**T.B.2.6.13.1**

अश्वि॑ना ह॒विरिन्द्रि॒यम् । नमु॑चे॒र्धिया॑ सर॒स्वती । आ शु॒क्रमा॑सु॒राद्व॒सु ।  
म॒घमिन्द्रा॑य ज॒भिरे॑ । यम॑श्विना सर॒स्वती । ह॒विषेन्द्र॑-मव॒र्धय॑न् ।

स बिभेद बलं मघम् । नमुचावासुरे सचा । तमिन्द्रं पशवः सचा ।  
अश्विनोभा सरस्वती । 64 (10)

**T.B.2.6.13.2**

दधाना अभ्यनूषत । हविषा यज्ञमिन्द्रियम् । य इन्द्र इन्द्रियं दधुः ।  
सविता वरुणो भगः । स सुत्रामा हविष्पतिः । यजमानाय सश्चत ।  
सविता वरुणो दधत् । यजमानाय दाशुषे । आदत्त नमुचेर्वसु ।  
सुत्रामा बलमिन्द्रियम् । 65 (10)

**T.B.2.6.13.3**

वरुणः क्षत्रमिन्द्रियम् । भगेन सविता श्रियम् । सुत्रामा यशसा बलम् ।  
दधाना यज्ञमाशत । अश्विना गोभिरिन्द्रियम् । अश्वेभिर् वीर्यं बलम् ।  
हविषेन्द्रं सरस्वती । यजमान-मवर्धयन् । ता नासत्या सुपेशसा ।  
हिरण्यवर्तनी नरा ( ) । सरस्वती हविष्मती । इन्द्र कर्मसु नोऽवत ।  
ता भिषजा सुकर्मणा । सा सुदुघा सरस्वती । स वृत्रहा शतक्रतुः ।  
इन्द्राय दधुरिन्द्रियम् । 66 (16)

(उभा सरस्वती – बलमिन्द्रियं – नरा षट्च) (A13)

**2.6.14 अनुवाकं 14 – पशुत्रये अनूयाजप्रैषाः**

**T.B.2.6.14.1**

दे॒वं ब॒र्हिः॑ सर॒स्वती॑ । सु॒दे॒वमि॒न्द्रे॑ अ॒श्विना॑ ॥ ते॒जो न चक्षु॑र॒क्ष्योः॑ ।  
ब॒र्हिषा॑ दधु॒रिन्द्रि॑यम् । व॒सुव॑ने वसु॒धेय॑स्य वियन्तु॒ यज॑ ।  
दे॒वीर्द्वा॒रो अ॒श्विना॑ ॥ भिष॑जे॒न्द्रे सर॒स्वती॑ । प्रा॒णं न वी॒र्यं॑ न॒सि ।  
द्वा॒रो दधु॒रिन्द्रि॑यम् । व॒सुव॑ने वसु॒धेय॑स्य वियन्तु॒ यज॑ । 67 (10)

**T.B.2.6.14.2**

दे॒वी उषा॑साव॒श्विना॑ ॥ भिष॑जे॒न्द्रे सर॒स्वती॑ । ब॒लं न वाच॑मा॒स्ये॑ ॥  
उषा॑भ्यां दधु॒रिन्द्रि॑यम् । व॒सुव॑ने वसु॒धेय॑स्य वियन्तु॒ यज॑ ।  
दे॒वी जोष्ठी॑ अ॒श्विना॑ ॥ सु॒त्रामे॒न्द्रे सर॒स्वती॑ । श्रो॒त्रं न क॑र्णयो॒र्यशः॑ ।  
जोष्ठी॑भ्यां दधु॒रिन्द्रि॑यम् । व॒सुव॑ने वसु॒धेय॑स्य वियन्तु॒ यज॑ । 68 (10)

**T.B.2.6.14.3**

दे॒वी ऊ॒र्जाहु॑ती दु॒घे सु॒दुघे॑ ॥ प॒यसे॒न्द्रं सर॒स्वत्य॑श्विना॒ भिष॑जाऽव॒त ।  
शु॒क्रं न ज्यो॑तिः स्तनयो॒राहु॑ती ध॒त्त इन्द्रि॑यम् । व॒सुव॑ने वसु॒धेय॑स्य  
वियन्तु॒ यज॑ । दे॒वा दे॒वानां॑ भिष॑जा ॥ हो॒तारा॑वि॒न्द्र-म॒श्विना॑ ॥  
व॒षट्का॑रैः सर॒स्वती॑ । त्विषिं॑ न हृदये म॒तिम् । हो॒तृभ्यां॑ दधु॒रिन्द्रि॑यम् ।

व॒सु॒वने॑ व॒सु॒धेय॑स्य वियन्तु॒ यज॑ । 69 (10)

**T.B.2.6.14.4**

दे॒वी-स्ति॒स्र-स्ति॒स्रो दे॒वीः । सर॑स्वत्य॒श्विना॑ भा॒रती॑डा ॥  
 शू॒षं न म॑ध्ये ना॒भ्याम् । इन्द्रा॑य दधु॒रिन्द्रि॑यम् । व॒सु॒वने॑ व॒सु॒धेय॑स्य  
 वियन्तु॒ यज॑ । दे॒व इन्द्रो॑ नरा॒श॒सः । त्रि॒व॒रू॒थः सर॑स्वत्या  
 ऽश्वि॑भ्यामीयते रथः । रे॒तो न रू॒पम॑मृ॒तं ज॒नि॒त्रम् । इन्द्रा॑य त्वष्टा  
 दध॑दिन्द्रि॒याणि॑ । व॒सु॒वने॑ व॒सु॒धेय॑स्य वियन्तु॒ यज॑ । 70 (10)

**T.B.2.6.14.5**

दे॒व इन्द्रो॑ वन॒स्पतिः॑ । हि॒रण्य॑पर्णो अ॒श्विभ्या॑म् । सर॑स्वत्याः  
 सु॒पि॒प्पलः॑ । इन्द्रा॑य पच्यते मधु । ओ॒जो न जू॑तिमृष॒भो न भा॑मम् ।  
 वन॒स्पति॑र्नो दध॑दिन्द्रि॒याणि॑ । व॒सु॒वने॑ व॒सु॒धेय॑स्य वियन्तु॒ यज॑ ।  
 दे॒वं ब॒र्हि॒र्वारि॑तीनाम् । अ॒ध्व॒रे स्ती॑र्णम॒श्विभ्या॑म् ।  
 ऊ॒र्णम॑दाः सर॑स्वत्याः । 71 (10)

**T.B.2.6.14.6.**

स्यो॒नमिन्द्र॑ ते स॒दः । ई॒शायै॑ म॒न्यु॒ राजा॑नं ब॒र्हिषा॑ दधु॒रिन्द्रि॑यम् ।  
 व॒सु॒वने॑ व॒सु॒धेय॑स्य वियन्तु॒ यज॑ । दे॒वो अ॒ग्निः स्वि॑ष्टकृत् ।

दे॒वान् य॒क्षद्-य॒थाय॒थम् । हो॒तारा-वि॒न्द्रम॒श्विना॑ । वा॒चा वा॒चꣳ  
 सर॒स्वती॑म् । अ॒ग्निꣳ सोमꣳ स्वि॒ष्टकृ॑त् । स्वि॒ष्ट इ॒न्द्रः सु॒त्रामा॑  
 सवि॒ता वरु॑णो भि॒षक् । इ॒ष्टो दे॒वो वन॑सपतिः ( ) । स्वि॒ष्टा दे॒वा  
 आ॒ज्यपाः॑ । इ॒ष्टो अ॒ग्निर॒ग्निना॑ । हो॒ता हो॒त्रे स्वि॒ष्टकृ॑त् । यशो॑ न  
 दध॑दिन्द्रि॒यम् । ऊ॒र्जम॑पचि॒तिꣳ स्व॒धाम् । वसु॑वने वसु॒धेय॑स्य वियन्तु  
 यज॑ । 72 (16) (द्वारो॑ दधुरिन्द्रि॒यं वँसु॑वने वसु॒धेय॑स्य वियन्तु यज  
 - जोष्ट्रि॑भ्यां दधुरिन्द्रि॒यं वँसु॑वने वसु॒धेय॑स्य वियन्तु यज - होतृ॑भ्यां  
 दधुरिन्द्रि॒यं वँसु॑वने वसु॒धेय॑स्य वियन्तु यजे॑ - द्रि॒याणि॑ वसु॒वने  
 वसु॒धेय॑स्य वियन्तु यज - सर॒स्वत्या॑ - वन॒स्पतिः॑ षट्च) (A14)

#### Special Korvai

(दे॒वं ब॒र्हिर् दे॒वीर् द्वा॒रो दे॒वी उ॒षासा॑व॒श्विना॑ दे॒वी जोष्ट्रि॑ दे॒वी  
 ऊ॒र्जाहू॑ती दे॒वा दे॒वानां॑ भि॒षजा॑ वषट्कारैर् दे॒वीस्ति॑स्ति॒स्तिस्त्रो॑  
 दे॒वीः सर॒स्वती॑ दे॒व इ॒न्द्रो न॒राशꣳसो॑ दे॒व इ॒न्द्रो वन॒स्पति॑र्दे॒वं  
 ब॒र्हिर्वा॑रितीनां दे॒वो अ॒ग्निः स्वि॒ष्टकृ॑द् दे॒वान्) ।

(समिधाऽग्निं देवं बर्हिः सरस्वत्याश्विना सर्वं वियन्तु । द्वारस्तिस्रः  
सर्वं वियन्तु । अज इन्द्रमोजोऽग्निं परः सरस्वतीम् ।  
नक्तंपूर्वः सरस्वति । अन्यत्र सरस्वति । भिषक् पूर्वं दुह इन्द्रियं ।  
अन्यत्र दधुरिन्द्रियम् । सौत्रामण्यां सुतासुती ।  
अञ्जन्त्ययं यजमानः)

**2.6.15 अनुवाकं 15 – सूक्तवाकप्रैषः**

**T.B.2.6.15.1**

अग्निमद्य होतारमवृणीत । अयं सुतासुती यजमानः । पचन्  
पक्तीः । पचन् पुरोडाशान् । गृह्णन् ग्रहान् । बध्नन् अश्विभ्यां छागं  
सरस्वत्या इन्द्राय । बध्नन् सरस्वत्यै मेषमिन्द्रायाश्विभ्याम् ।  
बध्नन् इन्द्रायर्षभमश्विभ्यां सरस्वत्यै । सूपस्था अद्य देवो  
वनस्पतिरभवत् । अश्विभ्यां छागेन सरस्वत्या इन्द्राय । 73 (10)

**T.B.2.6.15.2**

सरस्वत्यै मेषेणेन्द्रायाश्विभ्याम् । इन्द्रायर्षभेणाश्विभ्यां सरस्वत्यै ।  
अक्षस्तान्मेदस्तः प्रति पचताग्रभीषुः । अवीवृधन्त ग्रहैः ।

अपा॒ताम॒श्विना॒ सर॒स्वतीन्द्रः॑ सु॒त्रामा॑ वृ॒त्रहा॑ । सो॒मान्त्-सु॒राम्णः॑ ।  
उपो॑ उक्थाम॒दाः श्रौ॒द्विम॒दा अद॑न् । अवी॒वृधन्॑ ताङ्गू॒षैः ।  
त्वा॒मद्य॑र्ष आ॒र्षेय॑र्षीणां नपादवृणीत । अय॑ञ् सु॒तासु॒ती  
यज॑मानः ( ) । बहु॒भ्य आसं॑गतेभ्यः । ए॒ष मे॑ दे॒वेषु॑ वसु॒ वार्या॑  
यक्ष्य॑त इति । ता या दे॒वा दे॒वदाना॑न्यदुः । तान्य॑स्मा आ च शास्व ।  
आ च॑ गुरस्व । इ॒षित॑श्च हो॒तर॑सि भद्र॒वाच्या॑य प्रेषि॒तो मानु॑षः ।  
सू॒क्तवा॒काय॑ सू॒क्ता ब्रू॑हि । 74 (17)

(इन्द्राय – यजमानः सप्त च) (A15)

### 2.6.16 अनुवाकं 16 – पितृयज्ञयाज्यानुवाक्याः

#### T.B.2.6.16.1

"उ॒श॒न्तस्त्वा॑ ह॒वाम॑ह{14}", "आ नो॑ अ॒ग्ने सु॒के॒तुना॑{15}" ।  
"त्व॑ञ् सो॒म म॑हे भ॒गं {16}", "त्व॑ञ् सो॒म प्र॑चि॒कितो॑ मनी॒षा {17}" ।  
"त्वया॑ हि नः पि॒तरः॑ सो॒म पूर्वे॑ {18}", "त्व॑ञ् सो॒म पि॒तृभिः॑  
सम्वि॑दानः {19}" । "ब॒र्हिष॑दः पि॒तर {20}", "आऽहं॑ पि॒तृन् {21}" ।  
"उप॑हू॒ताः पि॒तरो॑ {22}", "ऽग्नि॑ष्वा॒त्ताः पि॒तरः {23}" ।



अ॒ग्नि॒ष्वा॒त्ता॒नृ॒तु॒म॒तो॒ ह॒वाम॑हे । न॒रा॒श॒ऽसे॒ सो॒म॒पी॒थं॒ य आ॑शुः ।  
ते नो॑ अ॒र्व॒न्तः॒ सु॒ह॒वा॒ भ॒वन्तु॑ । शं नो॑ भ॒वन्तु॑ द्वि॒प॒दे॒ शं च॑तु॒ष्प॒दे ।  
ये अ॒ग्नि॒ष्वा॒त्ता॒ येऽन॑ग्नि॒ष्वा॒त्ताः । 75 (10)

**T.B.2.6.16.2**

अ॒ऽहो॑मु॒चः॒ पि॒तरः॑ सो॒म्या॑सः । प॒रेऽव॑रेऽमृ॒ता॒सो भ॑वन्तः । अधि॑ब्रुवन्तु  
ते अ॒व॒न्त्व॒स्मान् । वा॒न्या॒यै दु॒ग्धे जु॒ष॒मा॒णाः क॒र॒म्भ॒म् । उ॒दी॒रा॒णा अ॒व॒रे  
प॒रे च॑ । अ॒ग्नि॒ष्वा॒त्ता ऋ॒तु॒भिः स॒म्वि॑दा॒नाः । इ॒न्द्र॒व॒न्तो ह॒वि॒रि॒दं  
जु॒ष॒न्ता॒म् । "य॒द॒ग्ने क॒व्य॒वा॒ह॒न{24}, "त्व॒म॒ग्न ई॒डि॒तो जा॑त॒वे॒दः{25}" ।  
"मा॒त॒ली॒क॒व्यैः{26}" । ये ता॑तृ॒पु॒र्दे॒व॒त्रा जे॑ह॒मा॒नाः ( ) ।

हो॒त्रा॒वृ॒धः स्तो॑म॒त॒ष्टा॒सो अ॒र्कैः॑ । आ॒ग्ने॒ या॒हि सु॒वि॒द॒त्रे॒भि॒र॒वा॒ङ् ।  
स॒त्यैः क॒व्यैः पि॒तृ॒भिर्-घ॒र्म॒स॒द्भिः॑ । ह॒व्य॒वा॒ह॒म॒ज॒रं पु॒रु॒प्रि॒य॒म् ।  
अ॒ग्निं घृ॑ते॒न ह॒वि॒षा स॒प॒र्य॒न् । उ॒पा॒स॒दं क॒व्य॒वा॒हं पि॒तृ॒णा॒म् ।  
स नः॑ प्र॒जां वी॒र॒व॒ती॒ऽस॒मृ॒ण्व॒तु । 76 (17)

(अ॒न॒ग्नि॒ष्वा॒त्ता – जे॑ह॒मा॒नाः स॒प्त च॑) (A16)

**2.6.17 अनुवाकं 17 – ऐन्द्रो पशौ एकादश प्रयाजाः**

**T.B.2.6.17.1**

हो॒ता य॑क्षदि॒डस्प॑दे । समि॒धानं॑ मह॒द्यशः॑ । सु॒षमि॑द्धं व॒रेण्य॑म् ।  
अग्नि॑मिन्द्रं व॒योध॑सम् । गा॒यत्रीं॑ छन्द॒ इन्द्रि॑यम् । त्र्य॒विं गां॑ व॒यो  
द॑धत् । वे॒त्वाज्य॑स्य हो॒तर्य॑ज । हो॒ता य॑क्षच्छुचि॒व्रत॑म् ।  
तनू॑नपा॒तमु॑द्भि॒दम् । यं गर्भ॑मदि॒तिर्द॑धे । 77 (10)

**T.B.2.6.17.2**

शुचि॑मिन्द्रं व॒योध॑सम् । उ॒ष्णिहं॑ छन्द॒ इन्द्रि॑यम् । दि॒त्यवा॑हं गां व॒यो  
द॑धत् । वे॒त्वाज्य॑स्य हो॒तर्य॑ज । हो॒ता य॑क्षदी॒डेन्य॑म् । ई॒डितं॑  
वृ॒त्रह॑न्तमम् । इ॒डाभि॑री॒ड्यु॒ सहः॑ । सोम॑मिन्द्रं व॒योध॑सम् ।  
अनु॑ष्टु॒भं छन्द॒ इन्द्रि॑यम् । त्रि॒व॒थ्सं गां॑ व॒यो द॑धत् । 78 (10)

**T.B.2.6.17.3**

वे॒त्वाज्य॑स्य हो॒तर्य॑ज । हो॒ता य॑क्षथ् सु॒बर्हि॑षदम् । पू॒षण्व॑न्त-  
मम॑र्त्यम् । सी॒दन्तं॑ बर्हि॒षि प्रि॑ये । अमृ॑तेन्द्रं व॒योध॑सम् । बृ॒हतीं॑  
छन्द॒ इन्द्रि॑यम् । पञ्चा॒विं गां॑ व॒यो द॑धत् । वे॒त्वाज्य॑स्य हो॒तर्य॑ज ।  
हो॒ता य॑क्षद् व्यच॒स्वतीः॑ । सु॒प्राय॑णा ऋ॒तावृ॑धः । 79 (10)

**T.B.2.6.17.4**

द्वा॒रो दे॒वीर्.हि॒र॒ण्ययीः॑ । ब्र॒ह्मा॒ण इन्द्रं॑ व॒यो॒धसम्॑ । प॒ङ्क्तिं॑ छन्द  
इ॒हेन्द्रि॒यम् । तु॒र्य॒वा॒हं गां॑ व॒यो दधत्॑ । वे॒त्वाज्य॑स्य हो॒त॒र्यज॑ ।  
हो॒ता यक्ष॑त्-सु॒पे॒शसे॑ । सु॒शि॒ल्ये बृ॒हती॑ उ॒भे । नक्तो॑षासा न  
दर्श॑ते । वि॒श्वमिन्द्रं॑ व॒यो॒धसम्॑ । त्रि॒ष्टु॒भं छन्द॑ इन्द्रि॒यम् । 80 (10)

**T.B.2.6.17.5**

प॒ष्ठ॒वा॒हं गां॑ व॒यो दधत्॑ । वे॒त्वाज्य॑स्य हो॒त॒र्यज॑ । हो॒ता यक्ष॑त्  
प्र॒चे॒तसा॑ । दे॒वाना॑मु॒त्त॒मं य॑शः । हो॒तारा॑ दै॒व्या क॒वी । स॒यु॒जेन्द्रं॑  
व॒यो॒धसम्॑ । जग॑तीं छन्द इ॒हेन्द्रि॒यम् । अ॒न॒ड्वा॒हं गां॑ व॒यो दधत्॑ ।  
वे॒त्वाज्य॑स्य हो॒त॒र्यज॑ । हो॒ता यक्ष॑त् पे॒शस्व॑तीः । 81 (10)

**T.B.2.6.17.6.**

ति॒स्रो दे॒वीर्.हि॒र॒ण्ययीः॑ । भा॒रती॑र्-बृ॒हती॑र्म॒हीः । प॒तिमिन्द्रं॑ व॒यो॒धसम्॑ ।  
वि॒राजं॑ छन्द इ॒हेन्द्रि॒यम् । धे॒नुं गां॑ न व॒यो दधत्॑ । वे॒त्वाज्य॑स्य  
हो॒त॒र्यज॑ । हो॒ता यक्ष॑त् सु॒रे॒तसम्॑ । त्व॒ष्टारं॑ पु॒ष्टि॒वर्ध॑नम् ।  
रू॒पाणि॑ बि॒भ्रतं॑ पृथक् । पु॒ष्टिमिन्द्रं॑ व॒यो॒धसम्॑ । 82 (10)

**T.B.2.6.17.7**

द्विपदं छन्द इहेन्द्रियम् । उक्षाणं गां न वयो दधत् । वेत्वाज्यस्य  
 होतर्यज । होता यक्षच्छतक्रतुम् । हिरण्यपर्ण-मुक्थिनम् । रशनां  
 बिभ्रतं वशिम् । भगमिन्द्रं वयोधसम् । ककुभं छन्द इहेन्द्रियम् ।  
 वशां वैहतं गां न वयो दधत् । वेत्वाज्यस्य होतर्यज ( ) ।  
 होता यक्षथ्-स्वाहाकृतीः । अग्निं गृहपतिं पृथक् । वरुणं भेषजं  
 कविम् । क्षत्रमिन्द्रं वयोधसम् । अतिच्छन्दसं छन्द इन्द्रियम् ।  
 बृहदृषभं गां वयो दधत् । वेत्वाज्यस्य होतर्यज । 83 (17)

(दधे - दधद् - ऋतावृध - इन्द्रियं - पेशस्वतीर् - वयोधसं -  
 वेत्वाज्यस्य होतर्यज सप्त च) (A17)

**Special Korvai**

इडस्पदेऽग्निं गायत्रीं त्र्यविम् । शुचिव्रतं शुचिमुष्णिहं दित्यवाहम् ।  
 ईडेन्यं सोम-मनुष्टुभं त्रिवथ्सम् । सुबर्हिषदममृतेन्द्रं बृहतीं  
 पञ्चाविम् । व्यचस्वतीः सुप्रायणा द्वारो ब्राह्मणः पाङ्क्तिमिह  
 तुर्यवाहम् । सुपेशसे विश्वमिन्द्रं त्रिष्टुभं पष्ठवाहम् ।

प्र॒चे॒त॒सा॒ स॒यु॒जे॒न्द्रं॑ ज॒ग॒ती॒मि॒हा॒न॒ड्वा॒हम् । पे॒श॒स्व॒ती॒स्ति॒स्त्रो॒ भा॒र॒तीः॑  
 प॒तिं॑ वि॒रा॒ज॒मि॒ह॒ धे॒नुं॑ न । सु॒रे॒त॒सं॑ त्व॒ष्टा॒रं॑ पु॒ष्टिं॑ द्वि॒प॒द॒मि॒हो॒क्षा॒णं॑ न ।  
 श॒त॒क्र॒तुं॑ भ॒ग॒मि॒न्द्रं॑ क॒कु॒भ॒मि॒ह॒ व॒शां॑ वै॒ह॒तं॑ गां न ।  
 स्वा॒हा॒कृ॒तीः॑ क्ष॒त्र॒म॒ति॒च्छ॒न्द॒सं॑ बृ॒ह॒दृ॒ष॒भं॑ गां वयः ।  
 इ॒न्द्रि॒य॒मु॒षि॒व॒सु॒न॒व॒द॒शे॒हे॒न्द्रि॒य॒म॒ष्ट॒ न॒व॒ द॒श॒ गां॑ न वयो दध॒त् सर्व॑वेतु ।

**2.6.18 अनुवाकं 18 – ऐन्द्रो पशौ प्रयाजयाज्याः**

**T.B.2.6.18.1**

स॒मि॒द्धो॑ अ॒ग्निः॑ स॒मि॒धा॑ । सु॒ष॒मि॒द्धो॑ व॒रे॒ण्यः॑ । गा॒य॒त्री॒ छ॒न्द॑ इ॒न्द्रि॒यम् ।  
 त्र्य॒वि॒गौ॒र्वयो॑ दधुः । त॒नू॒न॒पा॒-छु॒चि॒व्र॒तः॑ । त॒नू॒न॒पा॒च्च॑ सर॒स्व॒ती ।  
 उ॒ष्णि॒क्छ॒न्द॑ इ॒न्द्रि॒यम् । दि॒त्य॒वा॒ङ्गौ॒र्वयो॑ दधुः । इ॒डा॒भि॒र॒ग्नि॒री॒ड्यः॑ ।  
 सो॒मो॑ दे॒वो॑ अ॒म॒र्त्यः॑ । 84 (10)

**T.B.2.6.18.2**

अ॒नु॒ष्टु॒प्छ॒न्द॑ इ॒न्द्रि॒यम् । त्रि॒व॒त्सो॑ गौ॒र्वयो॑ दधुः । सु॒ब॒र्हि॒र॒ग्निः॑  
 पू॒ष॒ण्वान् । स्ती॒र्ण॒-ब॒र्हि॒र॒म॒र्त्यः॑ । बृ॒ह॒ती॒ छ॒न्द॑ इ॒न्द्रि॒यम् । प॒ञ्चा॒वि॒र्  
 गौ॒र्वयो॑ दधुः । दु॒रो॑ दे॒वी॒र्दि॒शो॑ म॒हीः॑ । ब्र॒ह्मा॑ दे॒वो॑ बृ॒ह॒स्प॒तिः॑ ।

पङ्क्तिः छन्द इहेन्द्रियम् । तुर्यवाङ् गौर्वयो दधुः । 85 (10)

**T.B.2.6.18.3**

उषे यही सुपेशसा । विश्वे देवा अमर्त्याः । त्रिष्टुप् छन्द इन्द्रियम् ।  
पष्ठवाङ्गौर्वयो दधुः । दैव्या होतारा भिषजा । इन्द्रेण सयुजा युजा ।  
जगती छन्द इहेन्द्रियम् । अनङ्वान्-गौर्वयो दधुः ।

तिस्र इडा सरस्वती । भारती मरुतो विशः । 86 (10)

**T.B.2.6.18.4**

विराट्छन्द इहेन्द्रियम् । धेनुगौर्न वयो दधुः । त्वष्टा तुरीपो अद्भुतः ।  
इन्द्राग्नी पुष्टिवर्धना । द्विपाच्छन्द इहेन्द्रियम् । उक्षा गौर्न वयो दधुः ।  
शमिता नो वनस्पतिः । सविता प्रसुवन्भगम् । ककुच्छन्द  
इहेन्द्रियम् । वशा वेहद्गौर्न वयो दधुः ( ) । स्वाहा यज्ञं वरुणः ।  
सुक्षत्रो भेषजं करत् । अतिः छन्दाः छन्द इन्द्रियम् । बृहदृषभो  
गौर्वयो दधुः । 87 (14) (अमर्त्य – स्तुर्यवाङ्गौर्वयो दधुर् – विशो  
– वशा वेहद्गौर्न वयो दधुश्चत्वारि च) (A18)

**2.6.19 अनुवाकं 19 – ऐन्द्रो पशौ वपादीनां यज्यानुवाक्याः**

**T.B.2.6.19.1**

व॒स॒न्ते॒न॒र्तु॒ना॑ दे॒वाः । व॒स॒व॒स्त्रि॒वृ॒ता॑ स्तु॒तम् । र॒थ॒न्त॒रे॒ण॑ ते॒ज॒सा॑ ।  
ह॒वि॒रि॒न्द्रे॒ वयो॑ द॒धुः । ग्री॒ष्मे॒ण॑ दे॒वा ऋ॒तु॒ना॑ । रु॒द्राः प॒ञ्च॒द॒शे॒ स्तु॒तम् ।  
बृ॒ह॒ता य॒श॒सा॑ ब॒लम् । ह॒वि॒रि॒न्द्रे॒ वयो॑ द॒धुः ।  
व॒र्षा॒भिर्ऋ॒तु॒नाऽऽदि॒त्याः । स्तो॒मे स॒प्त॒द॒शे॒ स्तु॒तम् । 88 (10)

**T.B.2.6.19.2**

वै॒रू॒पे॒ण॑ वि॒शौ॒ज॒सा॑ । ह॒वि॒रि॒न्द्रे॒ वयो॑ द॒धुः । शा॒र॒दे॒न॒र्तु॒ना॑ दे॒वाः ।  
ए॒क॒वि॒ंश॑ ऋ॒भ॒वः॑ स्तु॒तम् । वै॒रा॒जे॒न॑ श्रि॒या श्रि॒यम् । ह॒वि॒रि॒न्द्रे॒ वयो॑  
द॒धुः । हे॒म॒न्ते॒न॒र्तु॒ना॑ दे॒वाः । म॒रु॒त॒स्त्रि॒ण॒वे॒ स्तु॒तम् । ब॒ले॒न॑ श॒क्व॒रीः  
स॒हः । ह॒वि॒रि॒न्द्रे॒ वयो॑ द॒धुः ( ) । शै॒शि॒रे॒ण॒र्तु॒ना॑ दे॒वाः ।  
त्र॒य॒स्त्रि॒ंशे॑ ऽमृ॒तं स्तु॒तम् । स॒त्ये॒न॑ रे॒व॒तीः॑ क्ष॒त्रम् ।  
ह॒वि॒रि॒न्द्रे॒ वयो॑ द॒धुः । 89 (14) (स्तो॒मे स॒प्त॒द॒शे॒ स्तु॒तं –  
स॒हो॑ ह॒वि॒रि॒न्द्रे॒ वयो॑ द॒धुश्च॒त्वा॒रि॑ च) (A19)

**Special Korvai**

(व॒स॒न्ते॒न॑ ग्री॒ष्मे॒ण॑ व॒र्षा॒भिः॑ शा॒र॒दे॒न॑ हे॒म॒न्ते॒न॑ शै॒शि॒रे॒ण॑ षट् )

**2.6.20 अनुवाकं 20 – ऐन्द्रो पशौ अनूयाजानां मैत्रावरिणप्रैषाः**

**T.B.2.6.20.1**

दे॒वं ब॒र्हि॒रिन्द्रं॑ ँ॒वयो॑ध॒सम् । दे॒वं दे॒वम॑व॒र्धय॑त् । गा॒य॒त्रि॒या  
छ॒न्द॒सेन्द्रि॑यम् । ते॒ज इ॒न्द्रे वयो॑ द॒धत् । व॒सु॒वने॑ व॒सु॒धेय॑स्य वे॒तु यज॑ ।  
दे॒वीर्द्वा॒रो दे॒वमिन्द्रं॑ ँ॒वयो॑ध॒सम् । दे॒वीर्दे॒वम॑व॒र्धय॑न् ।  
उ॒ष्णि॒हा छ॒न्द॒सेन्द्रि॑यम् । प्रा॒णमिन्द्रे॑ वयो॑ द॒धत् । व॒सु॒वने॑ व॒सु॒धेय॑स्य  
वि॒यन्तु॑ यज । 90 (10)

**T.B.2.6.20.2**

दे॒वी दे॒वं ँ॒वयो॑ध॒सम् । उ॒षे इ॒न्द्रम॑व॒र्धता॑म् । अ॒नु॒ष्टु॒भा छ॒न्द॒सेन्द्रि॑यम् ।  
वा॒चमिन्द्रे॑ वयो॑ द॒धत् । व॒सु॒वने॑ व॒सु॒धेय॑स्य वी॒तां ँ॒यज॑ । दे॒वी जो॒ष्ट्री  
दे॒वमिन्द्रं॑ ँ॒वयो॑ध॒सम् । दे॒वी दे॒वम॑व॒र्धता॑म् । बृ॒ह॒त्या छ॒न्द॒सेन्द्रि॑यम् ।  
श्रो॒त्रमिन्द्रे॑ वयो॑ द॒धत् । व॒सु॒वने॑ व॒सु॒धेय॑स्य वी॒तां ँ॒यज॑ । 91 (10)

**T.B.2.6.20.3**

दे॒वी ऊ॒र्जा॒हुती॑ दे॒वमिन्द्रं॑ ँ॒वयो॑ध॒सम् । दे॒वी दे॒वम॑व॒र्धता॑म् । प॒ङ्क्त्या  
छ॒न्द॒सेन्द्रि॑यम् । शु॒क्रमिन्द्रे॑ वयो॑ द॒धत् । व॒सु॒वने॑ व॒सु॒धेय॑स्य वी॒तां  
ुयज॑ । दे॒वा दै॒व्या हो॑तारा दे॒वमिन्द्रं॑ ँ॒वयो॑ध॒सम् । दे॒वा दे॒वम॑व॒र्धता॑म् ।



त्रि॒ष्टु॒भा छ॒न्दसेन्द्रि॒यम् । त्वि॒षिमिन्द्रे॒ वयो॒ दधत् ।

वसु॒वने॑ वसु॒धेय॑स्य वी॒तां य॑ज । 92 (10)

**T.B.2.6.20.4**

दे॒वी-स्ति॒स्र-स्ति॒स्रो दे॒वीर्वयो॑धसम् । पति॒मिन्द्र-मव॑र्धयन् ।

जग॑त्या छ॒न्दसेन्द्रि॒यम् । बल॑मिन्द्रे॒ वयो॒ दधत् । वसु॒वने॑ वसु॒धेय॑स्य

विय॑न्तु यज । दे॒वो नरा॑श॒सो दे॒वमिन्द्रं॑ य॒योध॑सम् ।

दे॒वो दे॒वमव॑र्धयत् । वि॒राजा छ॒न्दसेन्द्रि॒यम् । रे॒त इन्द्रे॒ वयो॒ दधत् ।

वसु॒वने॑ वसु॒धेय॑स्य वे॒तु य॑ज । 93 (10)

**T.B.2.6.20.5**

दे॒वो वन॑स्पति॒र्-दे॒वमिन्द्रं॑ य॒योध॑सम् । दे॒वो दे॒वमव॑र्धयत् । द्वि॒पदा॒

छ॒न्दसेन्द्रि॒यम् । भग॑मिन्द्रे॒ वयो॒ दधत् । वसु॒वने॑ वसु॒धेय॑स्य वे॒तु य॑ज ।

दे॒वं ब॒र्हि॒र्वारि॑तीनां दे॒वमिन्द्रं॑ य॒योध॑सम् । दे॒वो दे॒वमव॑र्धयत् ।

क॒कु॒भा छ॒न्दसेन्द्रि॒यम् । य॒श इन्द्रे॒ वयो॒ दधत् । वसु॒वने॑ वसु॒धेय॑स्य

वे॒तु य॑ज ( ) । दे॒वो अ॒ग्निः स्वि॑ष्ट॒कृद्-दे॒वमिन्द्रं॑ य॒योध॑सम् ।

दे॒वो दे॒वमव॑र्धयत् । अति॑च्छ॒न्दसा॒ छ॒न्दसेन्द्रि॒यम् ।

क्ष॒त्रमि॒न्द्रे वयो॑ दधत् । वसु॒वने॑ वसु॒धेयस्य॑ वे॒तु यज॑ । 94 (15)

(वियन्तु॑ यज॑ – वी॒तां यँज॑-वी॒तां यँज॑-वे॒तु यज॑-

वे॒तु यज॑ पञ्च॑ च) (A20)

### Special Korvai

(दे॒वं ब॒र्.हि॒र् गा॒यत्रि॒या तेजः॑ । दे॒वीर्द्वार॑ उ॒ष्णिहा॑ प्रा॒णम् ।

दे॒वी दे॒वमु॒षे अ॒नुष्टु॒भा वा॒चम् । दे॒वी जो॒ष्ट्री बृ॒हत्या॑ श्रो॒त्रम् ।

दे॒वी ऊ॒र्जाहू॑ती प॒ङ्क्त्या॑ शु॒क्रम् । दे॒वा दै॒व्या हो॑तारा त्रि॒ष्टुभा॑

त्वि॒षिम् । दे॒वीस्ति॒स्रस्ति॒स्त्रो दे॒वीः पतिं॑ जग॒त्या ब॒लम् ।

दे॒वो न॒राश॑सो वि॒राजा॑ रे॒तः । दे॒वो व॒नस्प॑तिर् द्वि॒पदा॑ भ॒गम् ।

दे॒वं ब॒र्.हि॒र् वा॒रि॒तीनां॑ क॒कुभा॑ य॒शः । दे॒वो अ॒ग्निः

स्वि॒ष्टकृ॑दति॒च्छन्द॑सा क्ष॒त्रम् । वे॒तु वियन्तु॑ च॒तुर् वी॑तामे॒को वियन्तु॑

च॒तुर्वे॑तु । अ॒व॒र्धय॑दव॒र्धय॑ श्रु॒तुर्व॒र्धता॑मे॒को ऽव॒र्धय॑

श्रु॒तुर्व॒र्धय॑त् ।)

**Prapaataka Korvai with starting Padams of 1 to 20 Anuvaakams :-**

(स्वा॒द्वीं त्वा॒ – सोमः॑ – सुरा॒वन्त॑ꣳ – सी॒सेन॑ – मि॒त्रोऽसि॑ – यद्  
दे॒वा – हो॒ता यक्ष॑त् समि॒धेन्द्र॑ꣳ – समि॒द्ध इन्द्र॑ – आ॒चर्ष॑णि॒प्रा  
– दे॒वं बर्हि॑रिन्द्र॑ꣳ सु॒देव॑ꣳ – हो॒ता यक्ष॑त् समि॒धाऽग्नि॑ꣳ –  
समि॒द्धो अ॒ग्निर॑श्चि॒ना – ऽश्चि॒ना ह॒विरिन्द्रि॑यं – दे॒वं बर्हिः॑ सर॒स्व  
– त्या॒ग्निम॑ – द्यो॒शन्तो॑ – हो॒ता यक्ष॑दि॒डस्प॑दे – समि॒द्धो अ॒ग्निः  
समि॒धा – वस॑न्ते॒न – दे॒वं बर्हि॑रिन्द्रं॑ वयो॒धसं॑ वि॒शतिः॑)

**Korvai with starting Padams of 1, 11, 21 Series of Dasanis :-**

(स्वा॒द्वीं त्वाऽ॑ – मी॒ मद॑न्त पि॒तरः॑ – सा॒म्राज्या॑य – पू॒तं प॒वित्रे॑णे  
वा॒ज्य – मु॒षासा॑न॒क्ता – ब॒दरै॑ – र॒धाता॑मश्चि॒ना – दे॒व इन्द्रो॑  
व॒नस्प॑तिः – प॒ष्ठवा॑हं गां – दे॒वी दे॒वं वयो॑धसं॑ च॒तुर्न॑वतिः )

**First and Last Padam 2<sup>nd</sup> Ashtakam 6th Prapaatakam :-**

(स्वा॒द्वीन्त्वा॑ – वै॒तु य॑ज)

द्वितीयाष्टके षष्ठः प्रपाठकः – (TB 2.6)

---

। हरिः ओँ ।

। कृष्ण यजुर्वेदीय तैत्तिरीय ब्राह्मणे द्वितीयाष्टके षष्ठः प्रपाठकः

समाप्तः ।

---

---

**Details of Dasani & Vaakyams for Ashtakam 2 –  
Prapaatakam 6 (TB 2.6)**

	Dasani	Vaakyams
Anuvakam 1	5	55
Anuvakam 2	3	38
Anuvakam 3	5	55
Anuvakam 4	6	64
Anuvakam 5	8	82
Anuvakam 6	5	53
Anuvakam 7	6	62
Anuvakam 8	4	44
Anuvakam 9	1	14
Anuvakam 10	6	66
Anuvakam 11	10	105
Anuvakam 12	4	48
Anuvakam 13	3	36
Anuvakam 14	6	66
Anuvakam 15	2	27
Anuvakam 16	2	27
Anuvakam 17	7	77
Anuvakam 18	4	44
Anuvakam 19	2	24
Anuvakam 20	5	55
Total →	94	1042

**Appendix (of expansions)**

**T.B.2.6.3.4 "अ॒ग्न॑ आ॒यू॒षि॑ प॒वसे॑ {3}", "अ॒ग्ने॑ प॒वस्व॑{4}"**

अ॒ग्न॑ आ॒यू॒षि॑ प॒वस॑ आ सु॒वो॒र्ज॒मिषं॑ च नः ।

आ॒रे बा॒धस्व॑ दु॒च्छु॒नां ॥ {3}

अ॒ग्ने॑ प॒वस्व॑ स्व॒पा अ॒स्मे वर्चः॑ सु॒वीर्यं॑ ।

दध॑त् पो॒ष॒ रयिं॑ मयि॑ ॥ {4}

(Appearing in T.S.1.3.14.8 )

**T.B.2.6.3.4 "प॒वमा॑नः सु॒वर्ज॑नः{5}" "पु॒नन्तु॑ मा दे॒वज॑नाः{6}"**

प॒वमा॑नः सु॒वर्ज॑नः । प॒वि॒त्रेण॑ वि॒चर्ष॑णिः ।

यः पो॒ता स पु॑नातु मा ॥ {5}

पु॒नन्तु॑ मा दे॒वज॑नाः । पु॒नन्तु॑ मन॑ वो धि॒या ।

पु॒नन्तु॑ वि॒श्व आ॒यवः॑ ॥ {6} (Both appearing in T.B.1.4.8.1)

---

**T.B.2.6.3.4** "जातवेदः पवित्रवद्{7}" "यत्ते पवित्रमर्चिषि{8}"

---

जातवेदः पवित्रवत् । पवित्रेण पुनाहि मा । शुक्रेण देव दीद्यत् ।

अग्ने क्रत्वा क्रतूँरनु ॥ {7}

यत्ते पवित्र-मर्चिषि । अग्ने विततमन्तरा । ब्रह्म तेन पुनीमहे ॥ {8}

(Both appearing in T.B.1.4.8.2)

---

**T.B.2.6.3.4** "उभाभ्यां देव सवितर{9}" "वैश्वदेवी पुनती{10}"

---

उभाभ्यां देव सवितः । पवित्रेण सवेन च । इदं ब्रह्म पुनीमहे ॥ {9}

वैश्वदेवी पुनती देव्यागात् । यस्यै बह्वी-स्तनुवो वीतपृष्ठाः ।

तया मदन्तः सधमाद्येषु । वयञ् स्याम पतयो रयीणाम् ॥ {10}

(Both appearing in T.B.1.4.8.2)

---

**T.B.2.6.9.1** "आचर्षणिप्रा{11}"

---

आचर्षणिप्रा वृषभो जनानाम् । राजा कृष्टीनां पुरुहूत इन्द्रः ।

स्तुतः श्रवस्यन्नवसोपमद्रिक् । युक्त्वा हरी वृषणा ऽऽयाह्यर्वाङ् ॥ {11}

(Appearing in T.B.2.4.3.11)

**T.B.2.6.9.1 "विवेष यन्मा{12}"**

विवेष॑ यन्मा॑ धि॒षणा॑ ज॒जान॑ स्तवै॑ पु॒रा पा॒र्यादि॑न्द्र॒ महः॑ ।  
अ॒ह॒सो यत्र॑ पी॒पर॑द्यथा नो नावे॒व या॑न्त मु॒भये॑ हवन्ते ॥ {12}

(Appearing in T.S.1.6.12.3)

---

**T.B.2.6.9.1 "तꣳ सधीचीः{13}"**

तꣳ स॒धीची॑रू॒तयो॑ वृ॒ष्ण्यानि॑ । पौ॒ꣳस्यानि॑ नियु॒तः स॒श्रुरि॑न्द्रम् ।  
समु॒द्रं न सि॒न्धव॑ उ॒क्थशु॑ष्माः । उ॒रुव्य॑चसंगिर॒ आवि॑शन्ति ॥ {13}

(Appearing in T.B.2.4.5.2)

---

**T.B.2.6.16.1 "उशन्तस्त्वा हवामह{14}"**

उ॒शन्त॑स्त्वा ह॒वामह॑ उ॒शन्तः॑ स॒मिधी॑महि ।  
उ॒शन्नु॑शत आ वह॑ पि॒तृन् ह॒विषे॑ अ॒त्तवे॑ ॥ {14}

(Appearing in T.S. 2.6.12.1)

---



---

**T.B.2.6.16.1** "आ नो॑ अग्ने॑ सु॒के॒तु॒ना{15}" "त्व॑ꣳ सोम॑ म॒हे भ॒गं{16}"

---

आ नो॑ अग्ने॑ सु॒के॒तु॒ना । रयिं॑ वि॒श्वायु॑पोष॒सम् ।

मा॒र्डीकं॑ धेहि॑ जी॒वसे॑ ॥ {15}

त्व॑ꣳ सोम॑ म॒हे भ॒गम् । त्वं॑ यू॒न ऋ॒ताय॑ते ।

दक्षं॑ दधा॒सि जी॒वसे॑ ॥ {16}

(Both appearing in T.B.2.4.5.3 )

---

**T.B.2.6.16.1** "त्व॑ꣳ सोम॑ प्र॒चि॒कितो॑ म॒नीषा{17}",

---

"त्वया॑ हि नः॑ पि॒तरः॑ सोम॑ पूर्वे॑{18}"

त्व॑ꣳ सोम॑ प्र॒चि॒कितो॑ म॒नीषा त्व॑ꣳ रजि॒ष्ठम॑नु॒ नेषि॑ पन्थां॑ ।

तव॑ प्र॒णीती॑ पि॒तरो॑ न इ॒न्द्रो दे॒वेषु॑ रत्न॑म॒ भज॑न्त॒ धीराः॑ ॥ {17}

त्वया॑ हि नः॑ पि॒तरः॑ सोम॑ पूर्वे॑ क॒र्माणि॑ च॒क्रुः प॑व॒मान॒ धीराः॑ ।

व॒न्वन्न॑वा॒तः प॑रि॒धीꣳ र॒पोर्णु॑ वी॒रेभि॑र॒श्मैर्म॑घ॒वा भ॑वा नः॑ ॥ {18}

(Both appearing in T.S.2.6.12.1)

**T.B.2.6.16.1** "त्व॑ सोम॑ पितृ॑भिः सम्॑वि॒दानः{19}"

---

त्व॑ सोम॑ पितृ॑भिः सम्॑वि॒दानोऽनु॑ द्यावा॑पृथि॒वी आ त॑तन्थ ।

तस्मै॑ त इ॒न्द्रो ह॒विषा॑ वि॒धेम व॒यं स्याम॑ प॒तयो॑ र॒यीणां॑ ॥ {19}

(Appearing in T.S.2.6.12.2)

---

**T.B.2.6.16.1** "बर्॑हिषदः॑ पि॒तर{20}", "आऽहं॑ पि॒तृन्{21}",

"उप॑हृताः॑ पि॒तरो{22}"

---

बर्॑हिषदः॑ पि॒तर ऊ॒त्यर्वा॑गि॒मा वो ह॒व्या च॑कृ॒मा जु॑षध्वं॑ ।

त आ ग॒ताऽव॑सा शं तमे॑नाथास्मभ्य॑ शं यो॑र॒रपो॑ दधात ॥ {20}

(Appearing in T.S.2.6.12.2)

---

आऽहं॑ पि॒तृन् सु॒विद॑न्ना॒ अवि॑त्सि॒ नपा॑तं च वि॒क्रम॑णं च वि॒ष्णोः॑ ।

बर्॑हिषदो॑ ये स्व॒धया॑ सु॒तस्य॑ भजन्त॑ पि॒त्वस्त॑ इहाऽऽ ग॒मिष्ठाः॑ ॥ {21}

(Appearing in T.S.2.6.12.3)

---

उप॒हू॒ताः पि॒तरः॑ सो॒म्यासो॑ बर्हि॒ष्येषु॑ नि॒धिषु॑ प्रि॒येषु॑ ।

त आ ग॒मन्तु॑ त इ॒ह श्रु॑व॒न्त्वधि॑ ब्रु॒वन्तु॑ ते अ॒वन्त्व॑स्मान् ॥ {22}

(Appearing in T.S.2.6.12.3)

T.B.2.6.16.1 "ऽग्नि॒ष्वात्ताः पि॒तरः{23}"

अग्नि॒ष्वात्ताः पि॒तर ए॒ह ग॑च्छ॒त सदः॑ सदः॑ सद॒त सु॒प्रणी॑तयः ।

अ॒त्ता ह॒वी॒षि प्र॑य॒तानि॑ बर्हि॒ष्यथा॑ रयि॒र्ष्व॑ सर्व॒वीरं॑ दधा॒तन ॥ {23}

(Appearing in T.S.2.6.12.2)

T.B.2.6.16.2 "यद॒ग्ने क॒व्यवा॑हन{24},

"त्वम॒ग्न ई॒डितो॑ जा॒तवे॑दः{25}", "मा॒तली॑क॒व्यैः{26}"

यद॒ग्ने क॒व्यवा॑हन पि॒तृन् यक्ष॑य॒तावृ॑धः ।

प्र च ह॒व्यानि॑ वक्ष॒यसि॑ दे॒वैभ्य॑श्च पि॒तृभ्य॑ आ ॥ {24}

त्वम॒ग्न ई॒डितो॑ जा॒तवे॑दो॒ऽवा॒ङ्ढ॒व्यानि॑ सु॒रभी॑णि कृ॒त्वा ।

प्रा॒दाः पि॒तृभ्यः॑ स्व॒धया॑ ते अ॒क्षन्न॑द्धि त्वं दे॒व प्र॑य॒ता ह॒वी॒षि । {25}

द्वितीयाष्टके षष्ठः प्रपाठकः – (TB 2.6)

---

मा॒तली॑ क॒व्यैर्य॑मो अ॒ङ्गि॒रोभि॑ बृ॒ह॒स्पति॑र् ऋ॒क्वभि॑ वा॒वृ॒धानः॑ ।

या॒ञ्च दे॒वा वा॒वृ॒धुर्ये॑ च दे॒वान्थ् स्वा॒हाऽन्ये॑

स्व॒धयाऽन्ये॑ म॒दन्ति॑ ॥ {26}

(The above 3 appearing in T.S.2.6.12.5)

---

**2.7 द्वितीयाष्टके सप्तमः प्रपाठकः – सवा एकाहविशेषः**

**2.7.1 अनुवाकं – बृहस्पतिसवः**

**T.B.2.7.1.1**

त्रिवृ॒थ्-स्तो॑मो॒ भव॑ति । ब्र॒ह्मव॑र्चसं॒ वै त्रि॒वृत् । ब्र॒ह्मव॑र्चसमे॒वाव॑रुन्धे ।  
अ॒ग्नि॒ष्टोमः॑ सोमो॒ भव॑ति । ब्र॒ह्मव॑र्चसं॒ वा अ॒ग्नि॒ष्टोमः॑ ।  
ब्र॒ह्मव॑र्चसमे॒वाव॑रुन्धे । रथ॑न्तर॒ साम॑ भवति । ब्र॒ह्मव॑र्चसं॒ वै  
रथ॑न्तरम् । ब्र॒ह्मव॑र्चसमे॒वाव॑रुन्धे । प॒रि॒स्र॒जि हो॑ता भवति । 1 (10)

**T.B.2.7.1.2**

अ॒रु॒णो मि॒र्मि॒रस्त्रि॑शु॒क्रः । ए॒तद् वै ब्र॒ह्मव॑र्चसस्य॒ रूप॑म् ।  
रू॒पेणै॒व ब्र॒ह्मव॑र्चसम॒व॑रुन्धे । बृ॒ह॒स्प॒ति-र॒काम॑यत दे॒वानां॑ पु॒रो॒धां  
ग॒च्छे॒यमि॑ति । स ए॒तं बृ॒ह॒स्प॒तिस॑वम॒पश्य॑त् । तमा॒ऽह॒रत् । ते॒ना॒य॒जत॑ ।  
ततो॒ वै स दे॒वानां॑ पु॒रो॒धा-म॑गच्छत् । यः पु॒रो॒धाका॑मः स्यात् ।  
स बृ॒ह॒स्प॒तिस॑वे॒न य॒जेत॑ । 2 (10)

**T.B.2.7.1.3**

पु॒रो॒धामे॒व ग॒च्छ॑ति । तस्य॑ प्रा॒तस्स॑वने॒ सन्ने॑षु ना॒रा॒श॒ऽसे॑षु ।  
एका॑द॒श द॑क्षिणा नी॒यन्ते॑ ।

एकाद॑श मा॒ध्यंदि॒ने स॒वने॑ स॒न्नेषु॑ ना॒राश॑ऽसेषु ।

एकाद॑श तृ॒तीयस॒वने॑ स॒न्नेषु॑ ना॒राश॑ऽसेषु । त्रय॑स्त्रि॒श॒त्-संप॑द्यन्ते ।

त्रय॑स्त्रि॒श॒द् वै दे॒वताः॑ । दे॒वता॑ ए॒वाव॑रुन्धे । अ॒श्वश्च॑तुस्त्रि॒शः॑ ।

प्रा॒जाप॑त्यो वा अ॒श्वः । 3 (10)

#### T.B.2.7.1.4

प्र॒जाप॑ति-श्च॒तुस्त्रि॒शो॑ दे॒वता॑नां । याव॑तीरे॒व दे॒वताः॑ ।

ता ए॒वाव॑रुन्धे । कृ॒ष्णाजि॑ने ऽभि॒षिञ्च॑ति । ब्र॒ह्म॒णो वा ए॒तद्-रू॒पम् ।

यत् कृ॒ष्णाजि॑नम् । ब्र॒ह्मव॑र्च॒सेनै॒वैन॑ऽस॒म॒र्धय॑ति । आ॒ज्येना॑भि॒षिञ्च॑ति ।

तेजो॑ वा आ॒ज्यम् । तेज॑ ए॒वास्मिन्॑ द॒धाति॑ ( ) । 4 (10)

(हो॑ता भ॒वति॑ – यजे॑त – वा अ॒श्वो – द॒धाति॑) (A1)

#### 2.7.2 अनुवाकं – वैश्यसवः

##### T.B.2.7.2.1

यदा॑ग्ने॒यो भ॑वति । अ॒ग्निमु॑खा हृ॒द्धिः । अथ॑ यत् पौ॒ष्णः ।

पु॒ष्टिर्वै पू॒षा । पु॒ष्टिर्-वै॑श्यस्य । पु॒ष्टिमे॒वाव॑रुन्धे । प्र॒सवा॑य सा॒वित्रः॑ ।

अथ॑ यत् त्वा॒ष्ट्रः । त्व॒ष्टा हि रू॒पाणि॑ वि॒करो॑ति ।

निर्वरुणत्वाय वारुणः । 5 (10)

**T.B.2.7.2.2**

अथो॑ य ए॒व कश्च॑ सन्ध॒सूयते॑ । स हि॑ वारु॒णः । अथ॑ यद् वै॒श्वदे॑वः ।  
 वै॒श्वदे॑वो हि॑ वैश्यः । अथ॑ यन् मा॒रुतः॑ । मा॒रुतो॑ हि॑ वैश्यः ।  
 सप्तै॑तानि॒ हवी॑षि॒ भवन्ति॑ । सप्त॑गणा॒ वै म॒रुतः॑ । पृ॒श्निः प॑ष्ठौही  
 मा॒रुत्या॑लभ्यते । वि॒ड्वै म॒रुतः॑ ( ) । वि॒श ए॒वैतन्-म॑ध्यतो॒ऽभिषि॑च्यते ।  
 तस्मा॑द् वा ए॒ष वि॒शः प्रि॒यः । वि॒शो हि॑ म॑ध्यतो॒ऽभिषि॑च्यते ।  
 ऋ॒षभ॑च॒र्मेऽध्य॑भिषिञ्चति । स हि॑ प्र॒जन॑यिता । द॒ध्नाऽभि॑षिञ्चति ।  
 ऊ॒र्वा अ॒न्नाद्यं॑ दधि॑ । ऊ॒र्जै॒वैन-म॑न्नाद्ये॒न स॑म॒र्धय॑ति । 6 (18)

(वारुणो – विड्वै मरुतोऽष्टौ च) (A2)

**2.7.3 अनुवाकं 3 – ब्राह्मणसवः**

**T.B.2.7.3.1**

यदा॑ग्नेयो॒ भव॑ति । आ॒ग्नेयो॒ वै ब्रा॑ह्मणः । अथ॑ यथ् सौ॒म्यः ।  
 सौ॒म्यो हि॑ ब्रा॒ह्मणः॑ । प्र॒सवा॑यै॒व सा॑वि॒त्रः । अथ॑ यद् बा॒र्हस्प॑त्यः ।  
 ए॒तद्वै ब्रा॑ह्मण॒स्य वा॑क्प॒तीयम्॑ । अथ॑ यद॒ग्नीषो॑मीयः ।

आग्ने॒यो वै ब्रा॒ह्मणः॑ । तौ यदा संगच्छे॑ते । 7 (10)

**T.B.2.7.3.2**

अथ॑ वी॒र्या॑व॒त्तरो॑ भवति । अथ॑ यथ् सार॒स्वतः॑ । ए॒तद्धि॑ प्र॒त्यक्षं॑  
ब्रा॒ह्मण॑स्य वाक्प॒तीयम्॑ । निर्व॒रुण॑त्वायैव वा॒रुणः॑ । अथो॒ य ए॒व कश्च॑  
सन्थ॒सूयते॑ । स हि वा॒रुणः॑ । अथ॑ यद् द्यावापृ॒थिव्यः॑ ।  
इन्द्रो॑ वृ॒त्राय॑ वज्रमुदयच्छत् । तं द्यावापृ॒थिवी॑ नान्वमन्येताम् ।  
तमे॒तेनै॒व भा॒गधे॒येना॑-न्वमन्येताम् । 8 (10)

**T.B.2.7.3.3**

वज्र॑स्य वा ए॒षोऽनु॑मा॒नाय॑ । अनु॑मतवज्रः सू॒याता॑ इति । अ॒ष्टावे॒तानि॑  
हवी॑ष्णि भवन्ति । अ॒ष्टाक्ष॑रा गाय॒त्री । गाय॑त्री ब्र॒ह्मव॑र्चसम् ।  
गाय॑त्रियैव ब्र॒ह्मव॑र्चसमव॒रुन्धे॑ । हि॒रण्ये॑न घृ॒तमु॑त् पु॒नाति॑ । तेज॑स  
ए॒व रु॒चे । कृ॒ष्णाजि॑नेऽभि॒षिञ्च॑ति । ब्र॒ह्मणो॑ वा ए॒तदृ॑ख्सा॒मयो॑ रू॒पम्  
( ) । यत् कृ॒ष्णाजि॑नम् । ब्र॒ह्मन्ने॒वैन॑-मृ॒ख्सा॒मयो॑-र॒ध्यभि॑षिञ्चति ।  
घृ॒तेना॑-भि॒षिञ्च॑ति । तथा॑ वी॒र्या॑व॒त्तरो॑ भवति । 9 (14)

(संगच्छे॑ते – भा॒गधे॒येना॑न्वमन्येताम् – रू॒पं च॒त्वारि॑ च) (A3)



**2.7.4 अनुवाकं 4 – सोमसवः**

**T.B.2.7.4.1**

न वै सो॒मेन॑ सो॒मस्य॑ स॒र्वोऽस्ति॑ । ह॒तो ह्ये॒षः । अ॒भिषु॑तो ह्ये॒षः ।  
 न हि ह॒तः सू॒यते॑ । सौ॒मीꣳ सू॒तव॑शा॒माल॑भते । सो॒मो वै रे॒तोधाः॑ ।  
 रे॒त ए॒व तद्-द॑धाति । सौ॒म्यर्चा॑ ऽभिषि॒ञ्चति॑ । रे॒तोधा॑ ह्ये॒षा । रे॒तः  
 सो॒मः ( ) । रे॒त ए॒वास्मिन्॑ द॒धाति॑ । यत् किञ्च॑ रा॒जसू॑यमृ॒ते सो॒मम् ।  
 तथ् स॒र्वं भ॑वति । अ॒षाढं॑ यु॒थ्सु॑ पृ॒तना॑सु प॒प्रिम् । सु॒वर्षा॑म॒प्स्वां  
 वृ॒जन॑स्य गो॒पाम् । भ॒रेषु॑जाꣳ सु॒क्षितिꣳ सु॒श्रव॑सम् ।  
 ज॒यन्तं॑ त्वा॒मनु॑ म॒देम॑ सो॒म । 10 (17) (रे॒तः सो॒मः स॒प्त च॑) (A4)

**2.7.5 अनुवाकं 5 – पृथिसवः**

**T.B.2.7.5.1**

यो वै सो॒मेन॑ सू॒यते॑ । स दे॒वस॑वः । यः प॒शुना॑ सू॒यते॑ । स दे॒वस॑वः ।  
 य इ॒ष्ट्या॑ सू॒यते॑ । स म॒नुष्य॑सवः । ए॒तं वै पृ॑थ॒ये दे॒वाः प्रा॑यच्छन् ।  
 ततो॑ वै सोऽप्यार॒ण्यानां॑ प॒शूना॑मसू॒यत॑ । या॒वतीः॑ कि॒यती॑श्च प्र॒जा वाचं॑  
 व॒दन्ति॑ । तासाꣳ स॒र्वासाꣳ सू॒यते॑ । 11 (10)

**T.B.2.7.5.2**

य ए॒तेन॑ य॒जते॑ । य उ॑ चैनमे॒वं वे॑द । ना॒रा॒श॒स्य॑र्चा ऽभि॒षि॒ञ्च॑ति ।  
म॒नु॒ष्या॑ वै न॒रा॒श॒सः॑ । नि॒हु॒त्य॑ वा॒वै॒तत् । अ॒था॒भि॒षि॒ञ्च॑ति ।  
यत् किञ्च॑ रा॒ज॒सू॒य-म॒नु॒त्तर॑वे॒दीक॑म् । तथ् सर्वं॑ भ॒वति॑ । ये मे॑  
पञ्चा॒श॒तं द॒दुः । अ॒श्वा॒ना॒स॒ध॒स्तु॑तिः ( ) । द्यु॒म॒द॒ग्ने॑ म॒हि श्र॑वः ।  
बृ॒ह॒त् कृ॑धि म॒घो॒नाम् । नृ॒व॒द॒मृ॒त नृ॑णाम् । 12 (13)

(सू॒य॒ते - स॒ध॒स्तु॑ति॒स्त्री॒णि च) (A5)

**2.7.6 अनुवाकं 6 – गोसवः**

**T.B.2.7.6.1**

ए॒ष गो॑स॒वः । ष॒ट्त्रि॑ंश उ॒क्थ्यो॑ बृ॒ह॒त् सा॒मा । प॒व॒मा॒ने क॑ण्व॒र॒थ॒न्तरं॑  
भ॒वति॑ । यो वै वा॒ज॒पे॒यः । स स॒म्रा॒ट्थ॒स॒वः । यो रा॒ज॒सू॒यः ।  
स व॑रु॒ण॒स॒वः । प्र॒जा॒प॒तिः स्वा॑रा॒ज्यं॑ प॒रमे॑ष्ठी । स्वा॑रा॒ज्यं॑ गो॒रै॒व ।  
गो॒रि॒व भ॑वति । 13 (10)

**T.B.2.7.6.2**

य ए॒तेन॑ य॒जते॑ । य उ॑ चैनमे॒वं वे॑द । उ॒भे बृ॑ह॒द्-र॒थ॒न्त॒रे भ॑वतः ।  
तद्धि॑ स्वा॑रा॒ज्यम् । अ॒यु॒तं द॑क्षि॒णाः । तद्धि॑ स्वा॑रा॒ज्यम् ।

प्रति॑धुषा ऽभि॑षिञ्चति । तद्धि॑ स्वारा॒ज्यम् । अनु॑द्धते वे॒द्यै दक्षि॑णत  
आह॑वनी॒यस्य॑ बृ॒हतः॑ स्तो॒त्रं प्रत्य॑भिषिञ्चति ।

इ॒यं वा॑व रथ॒न्तरम् । 14 (10)

### **T.B.2.7.6.3**

असौ॑ बृ॒हत् । अन॑यो॒रेवैन॑-मन॒न्तर्-हि॑त-मभि॑षिञ्चति । प॒शुस्तो॑मो  
वा ए॒षः । तेन॑ गो॒सवः॑ । षट्त्रि॑ंशः॒ सर्वः॑ । रेव॑ज्जातः॒ सह॑सा  
वृ॒द्धः । क्ष॒त्राणां॑ क्ष॒त्रभृ॑त्तमो॒ वयो॑धाः । म॒हान् महि॑त्वे॒ तस्त॑भानः ।  
क्ष॒त्रे रा॒ष्ट्रे च॑ जागृ॒हि । प्र॒जाप॑तेस्त्वा परमे॒ष्ठिनः॑ स्वा॒राज्ये॑नाभिषिञ्चा  
-मी॒त्याह॑ ( ) । स्वा॒राज्य॑-मे॒वैनं॑ गमयति । 15 (11)

(इ॒व भ॑वति – रथ॒न्तर – मा॒हैकं॑ च) (A6)

**2.7.7** अनु॒वाकं॑ 7 – ओ॒दन॑सवमन्त्राः

### **T.B.2.7.7.1**

सि॒ंहे व्या॑घ्र उ॒त या॑ पृ॒दाकौ॑ । त्विषि॑रग्नौ ब्रा॒ह्मणे॑ सू॒र्ये या॑ ।  
इन्द्रं॑ या॒ दे॒वी सु॒भगा॑ ज॒जान॑ । सा न॒ आग॑न् वर्च॒सा सम्॑वि॒दाना॑ ।  
या रा॑ज॒न्ये दु॒न्दुभा॑वाय॒तायाम्॑ । अ॒श्वस्य॑ क्र॒न्धे पु॑रुषस्य मा॒यौ ।

इन्द्रं॑ या॒ दे॒वी सु॒भगा॑ ज॒जान॑ । सा न॒ आगन्॑ वर्च॒सा सम्॑वि॒दाना॑ ।  
या ह॒स्तिनि॑ द्वी॒पिनि॑ या हिर॒ण्ये । त्विषि॑-र॒श्वेषु॑ पु॒रुषे॑षु गो॒षु । 16 (10)

**T.B.2.7.7.2**

इन्द्रं॑ या॒ दे॒वी सु॒भगा॑ ज॒जान॑ । सा न॒ आगन्॑ वर्च॒सा सम्॑वि॒दाना॑ ।  
रथे॑ अ॒क्षे॒षु वृ॒षभ॑स्य वा॒जे । वा॒ते पर्ज॑न्ये वरु॒णस्य॑ शु॒ष्मे । इन्द्रं॑ या॒  
दे॒वी सु॒भगा॑ ज॒जान॑ । सा न॒ आगन्॑ वर्च॒सा सम्॑वि॒दाना॑ । रा॒डसि॑  
वि॒राडसि॑ । स॒म्राडसि॑ स्व॒राडसि॑ । इन्द्रा॑य त्वा ते॒जस्व॑ते ते॒जस्व॑न्तः॒  
श्री॑णामि । इन्द्रा॑य त्वौ॒जस्व॑त ओ॒जस॑वन्तः॒ श्री॑णामि । 17 (10)

**T.B.2.7.7.3**

इन्द्रा॑य त्वा प॒यस्व॑ते प॒यस्व॑न्तः॒ श्री॑णामि । इन्द्रा॑य त्वाऽऽयु॒ष्मन्तः॒  
आयु॑ष्मन्तः॒ श्री॑णामि । ते॒जोऽसि॑ । तत् ते॒ प्रय॑च्छामि । ते॒जस्व॑दस्तु  
मे॒ मुख॑म् । ते॒जस्व॑च्छि॒रो अस्तु॑ मे॒ । ते॒जस्वा॑न् विश्व॑तः प्र॒त्यङ् ।  
ते॒जसा॑ संपि॒पृग्धि॑ मा । ओ॒जोऽसि॑ । तत् ते॒ प्रय॑च्छामि । 18 (10)

**T.B.2.7.7.4**

ओ॒जस्व॑दस्तु मे॒ मुख॑म् । ओ॒जस्व॑च्छि॒रो अस्तु॑ मे॒ ।

ॐज॒स्वान्॒ वि॒श्वतः॑ प्र॒त्यङ् । ॐज॒सा सं॒पिपृ॑ग्धि मा । पयो॑ऽसि ।  
तत्ते॑ प्र॒यच्छा॑मि । प॒यस्व॑दस्तु मे॒ मुख॑म् । प॒यस्व॑च्छि॒रो अस्तु॑ मे ।  
प॒यस्वान्॒ वि॒श्वतः॑ प्र॒त्यङ् । प॒यसा॑ सं॒पिपृ॑ग्धि मा । 19 (10)

**T.B.2.7.7.5**

आयु॑रसि । तत् ते॑ प्र॒यच्छा॑मि । आ॒युष्म॑दस्तु मे॒ मुख॑म् ।  
आ॒युष्म॑च्छि॒रो अस्तु॑ मे । आ॒युष्मान्॒ वि॒श्वतः॑ प्र॒त्यङ् ।  
आ॒युषा॑ सं॒पिपृ॑ग्धि मा । इ॒मम॑ग्न आ॒युषे॑ वर्च॒से कृ॑धि ।  
प्रि॒यꣳ रे॒तो व॑रुण सोम राजन् । मा॒तेवा॑स्मा अदि॒ते श॑र्म यच्छ ।  
वि॒श्वे दे॒वा ज॑रद॒ष्टिर्य॑था ऽसत् । 20 (10)

**T.B.2.7.7.6**

आयु॑रसि वि॒श्वायु॑रसि । सर्वा॑यु॒रसि॒ सर्व॑मायु॒रसि॒ । यतो॑ वातो॒ मनो॑  
जवाः । यतः॑ क्ष॒रन्ति॑ सिन्ध॒वः । तासां॑ त्वा सर्वा॑साꣳ रु॒चा ।  
अ॒भिषि॑ञ्चामि वर्च॒सा । स॒मुद्र॑ इ॒वासि॑ ग॒ह्वना॑ । सोम॑ इ॒वास्य॑दा॒भ्यः ।  
अ॒ग्निरि॑व वि॒श्वतः॑ प्र॒त्यङ् । सूर्य॑ इ॒व ज्यो॑तिषा वि॒भूः । 21 (10)

**T.B.2.7.7.7**

अपां॑ यो॑ द्र॒वणे॑ र॒सः । तम॑हम॒स्मा आ॑मु॒ष्याय॑णाय ।  
 तेज॑से ब्र॒ह्मव॑र्चसाय॑ गृह्णामि । अपां॑ य ऊ॒र्मो र॒सः ।  
 तम॑हम॒स्मा आ॑मु॒ष्याय॑णाय । ओज॑से वी॒र्याय॑ गृह्णामि । अपां॑ यो॑  
 म॒ध्यतो॑ र॒सः । तम॑हम॒स्मा आ॑मु॒ष्याय॑णाय । पु॒ष्ट्यै प्र॑जन॒नाय॑ गृह्णामि ।  
 अपां॑ यो॑ य॒ज्ञियो॑ र॒सः ( ) । तम॑हम॒स्मा आ॑मु॒ष्याय॑णाय ।  
 आयु॑षे दी॒र्घायु॑त्वाय॑ गृह्णामि । 22 (12)

(गोष् - वो॒जस्व॑न्त॒ श्रीणा॑ - म्यो॒जो॑ऽसि॒ तत्ते॑ प्र॒यच्छा॑मि -  
 प॒यसा॑ संपि॒पृग्धि॑ मा-स॒द् - वि॒भूर् - य॒ज्ञियो॑ र॒सो द्वे॑ च) (A7)

**2.7.8 अनुवाकं 8 – औदनसवगता स्थारोहणमन्त्राः**

**T.B.2.7.8.1**

अभि॑प्रेहि॒ वीर॑यस्व । उ॒ग्रश्चे॑त्ता स॒पत्न॑हा । आ॒तिष्ठ॑ मि॒त्रव॑र्धनः ।  
 तुभ्यं॑ दे॒वा अ॑धिब्र॒वन् । "अ॒ङ्कौ न्य॑ङ्काव॒भित॑{27}"  
 "आ॒तिष्ठ॑ वृ॒त्रह॑न्-रथ॒म्{28}" । आ॒तिष्ठ॑न्तं॒ परि॑ वि॒श्वे अ॑भूषन् । श्रियं॑  
 व॒सान॑श्चरति॒ स्वरो॑चाः । म॒हत्-तद॑स्यासु॒रस्य॑ नाम ।

आ॒ वि॒श्व॒रूपो॑ अ॒मृ॒तानि॑ तस्थौ । अनु॒ त्वेन्द्रो॑ म॒द॒त्व॒नु बृ॒ह॒स्पतिः॑ ।

23 (10)

T.B.2.7.8.2

अनु॒ सोमो॑ अ॒न्व॒ग्निरा॑वीत् । अनु॒ त्वा वि॒श्वे दे॒वा अव॑न्तु ।

अनु॒ सप्त॑ रा॒जानो॑ य उ॒ताभि॑षि॒क्ताः । अनु॒ त्वा मि॒त्राव॑रु॒णावि॑हा॒वत॑म् ।

अनु॒ द्यावा॑पृ॒थिवी॑ वि॒श्वशं॑भू । सूर्यो॑ अ॒होभि॑रनु॒ त्वाऽव॑तु । च॒न्द्रमा॑  
नक्ष॑त्रैरनु॒ त्वाऽव॑तु । द्यौश्च॑ त्वा पृ॒थिवी॑ च प्र॒चेत॑सा । शु॒क्रो बृ॒हद्-  
दक्षि॑णा त्वा पि॒पर्तु॑ । अनु॒ स्वधा॑ चि॒किता॑ꣳ सोमो॑ अ॒ग्निः ( ) ।

आ॒ऽयं पृ॑णक्तु॒ रज॑सी उ॒पस्थ॑म् । 24 (11)

(बृ॒ह॒स्पतिः॑ – सोमो॑ अ॒ग्निरेकं॑ च) (A8)

2.7.9 अनुवाकं 9 – ओदनसवः

T.B.2.7.9.1

प्र॒जाप॑तिः प्र॒जा अ॑सृजत । ता अ॒स्मात्-सृ॑ष्टाः प॒राची॑रायन् ।

स ए॒तं प्र॒जाप॑तिरो॒दन-म॑पश्यत् । सोऽन्नं॑ भू॒तोऽति॑ष्ठत् ।

ता अ॒न्यत्रा॑न्नाद्यमवि॒त्त्वा । प्र॒जाप॑तिं प्र॒जा उ॒पाव॑र्तन्त ।

अ॒न्नमे॒वैनं॑ भू॒तं प॑श्यन्तीः प्र॒जा उ॒पाव॑र्तन्ते । य ए॒तेन॑ यज॒ते ।

य उ चैनमे॒वं वे॒द । सर्वा॑ण्यन्ना॒नि भव॑न्ति । 25 (10)

**T.B.2.7.9.2**

सर्वे॑ पु॒रुषाः॑ । सर्वा॑ण्ये॒वान्ना॒न्यवरु॑न्धे । सर्वा॑न् पु॒रुषान्॑ ।  
रा॒डसि॑ वि॒राड॑सीत्याह । स्वा॒राज्य॑मे॒वैनं॑ गमयति । यद्वि॒रण्यं॑ द॒दाति॑ ।  
तेज॑स्ते॒नावरु॑न्धे । यत्ति॑सृ॒धन्वम्॑ । वी॒र्यं॑ ते॒न । यदष्ट्रा॑म् । 26 (10)

**T.B.2.7.9.3**

पु॒ष्टिं ते॒न । यत्-क॑म॒ण्डलु॑म् । आ॒युष्टे॑न । यद्वि॒रण्यमा॑ब॒ध्नाति॑ ।  
ज्योति॑र्वै हि॒रण्यम्॑ । ज्योति॑रे॒वास्मिन्-द॑धाति ।  
अथो॑ ते॒जो वै हि॒रण्यम्॑ । तेज॑ ए॒वात्मन्॑ ध॒त्ते । यदो॑द॒नं प्रा॑श्नाति ।  
ए॒तदे॒व सर्व॑मवरु॒ध्य । 27 (10)

**T.B.2.7.9.4**

तदस्मिन्-ने॒कधाऽधा॑त् । रो॒हिण्यां॑ का॒र्यः॑ । यद्ब्रा॒ह्मण॑ ए॒व रो॒हिणी॑ ।  
तस्मा॑दे॒व । अथो॑ व॒र्ष्मे॒वैनं॑ स॒मानानां॑ करोति । उ॒द्यता॑ सू॒र्येण॑ का॒र्यः॑ ।  
उ॒द्यन्तं॑ वा ए॒तं सर्वाः॑ प्र॒जाः प्र॑तिनन्दन्ति । दि॒दृक्षे॑ण्यो द॒र्शनी॑यो  
भव॑ति । य ए॒वं वे॒द । ब्र॒ह्मवा॑दि॒नो वद॑न्ति । 28 (10)



**T.B.2.7.9.5**

अवे॒त्योऽव॑भृ॒था(३) ना(३) इति॑ । यद्-दर्भ॑पु॒ञ्जीलैः॑ पव॑यति ।  
तथ् स्वि॑दे॒वावै॑ति । तन्ना॑वैति । त्रि॒भिः पव॑यति । त्रय॑ इ॒मे लो॒काः ।  
एभि॑रे॒वैनं॑ लो॒कैः पव॑यति । अथो॑ अ॒पां वा ए॒तत् तेजो॑ वर्चः ।  
यद्-दर्भाः॑ । यद्-दर्भ॑पु॒ञ्जीलैः॑ पव॑यति ( ) । अ॒पा॒मे॒वैनं॑ तेज॑सा  
वर्च॑साऽभि॒षिञ्च॑ति । 29 (11) (भव॑ – न्य॒ष्ट्रा – म॒वरु॑ध्य – वद॑न्ति  
– दर्भा॑ यद् दर्भ॑पु॒ञ्जीलैः॑ पव॑यत्ये॒कं च ) (A9)

**2.7.10 अनुवाकं 10 – पञ्चशारदीयविधिः**

**T.B.2.7.10.1**

प्र॒जाप॑तिर॒काम॑यत॒ बहो॑र्भू॒यान्त्-स्या॑मिति॑ । स ए॒तं प॑ञ्चशारदीय-  
मप॑श्यत् । तमा॑ऽहरत् । तेना॑यजत । ततो॑ वै स ब॒होर्भू॒या-न॑भवत् ।  
यः का॒मये॑त॒ बहो॑र्भू॒यान्त्-स्या॑मिति॑ । स प॑ञ्चशारदीयेन यजे॑त ।  
ब॒होरे॑व भू॒यान् भ॑वति । म॒रुथ् स्तो॒मो वा ए॒षः ।  
म॒रुतो॑ हि दे॒वानां॑ भू॒यिष्ठाः॑ । 30 (10)

**T.B.2.7.10.2**

ब॒हु॒र्भ॒वति॑ । य ए॒तेन॑ यज॑ते । य उ॑ चैनमे॒वं वे॒द । पञ्च॑शा॒रदी॒यो  
भ॒वति॑ । पञ्च॑ वा ऋ॒तवः॑ स॒म्व॑त्स॒रः । ऋ॒तुष्वे॒व स॑व॒त्सरे॑  
प्र॒ति॒ति॒ष्ठति॑ । अथो॑ पञ्चा॒क्षरा॑ प॒ङ्क्तिः॑ । पा॒ङ्क्तो॑ य॒ज्ञः । य॒ज्ञमे॒वाव॑रुन्धे ।  
स॒प्तद॑श॒ स्तो॒मा ना॑ति॒यन्ति॑ ( ) । स॒प्तद॑शः प्र॒जाप॑तिः ।  
प्र॒जाप॑ते॒राप्त्यै॑ । 31 (12) (भू॒यि॒ष्टा – य॒न्ति द्वे च॑) (A10)

**2.7.11 अनुवाकं 11 – पञ्चशारदीयगतपशुविधिः**

**T.B.2.7.11.1**

अ॒गस्यो॑ म॒रुद्भ्य॑ उ॒क्ष्णः॑ प्रौक्ष॑त् । तानि॒न्द्र आ॑दत्त । त ए॒नं  
व॒ज्रमु॒द्यत्या॑भ्या॒यन्त॑ । तान॒गस्त्य॑श्चै॒वेन्द्र॑श्च॒ कया॑शु॒भीर्ये॑ना॒शम॑यताम् ।  
ताञ्छा॒न् तानु॑पा॒ह्वय॑त । यत् कया॑शु॒भीयं॑ भ॒वति॑ शा॒न्त्यै॑ । तस्मा॑दे॒त  
ऐ॒न्द्रा मा॑रु॒ता उ॒क्षाणः॑ स॒वनी॑या भ॒वन्ति॑ । त्रयः॑ प्र॒थमे॑ऽह॒न्नाल॑भ्यन्ते ।  
ए॒वं द्वि॒तीये॑ । ए॒वं तृ॒तीये॑ । 32 (10)

**T.B.2.7.11.2**

ए॒वं च॒तुर्थे॑ । पञ्चो॒त्तमे॑ऽह॒न्नाल॑भ्यन्ते । वर्॒षि॒ष्ठमि॑व ह्ये॒तद॑हः ।  
वर्॒षि॒ष्ठः स॒माना॑नां भ॒वति॑ । य ए॒तेन॑ यज॑ते । य उ॑ चैनमे॒वं वे॒द ।

स्वाराज्यं॑ वा॑ ए॒ष य॒ज्ञः । ए॒तेन॑ वा ए॒कया॑वा का॒न्दमः॑ स्वाराज्य-  
मगच्छ॑त् । स्वाराज्यं॑ गच्छ॑ति । य ए॒तेन॑ यज॑ते । 33 (10)

**T.B.2.7.11.3**

य उ॑ चैनमे॒वं वे॒द । मा॒रुतो॑ वा ए॒ष स्तो॒मः । ए॒तेन॑ वै म॒रुतो॑ दे॒वानां॑  
भूयि॑ष्ठा अ॒भवन् । भूयि॑ष्ठः स॒मानानां॑ भव॑ति । य ए॒तेन॑ यज॑ते ।

य उ॑ चैनमे॒वं वे॒द । पञ्च॑शा॒रदी॒यो वा ए॒ष य॒ज्ञः । आ पञ्च॑मात्-  
पुरु॑षाद॒न्नम॑त्ति । य ए॒तेन॑ यज॑ते । य उ॑ चैनमे॒वं वे॒द ( ) ।

सप्त॑दश॒ स्तो॒मा ना॑ति॒यन्ति॑ । सप्त॑दशः प्र॒जाप॑तिः ।

प्र॒जाप॑ते॒रेव॑ नैति॑ । 34 (13) (तृ॒तीये॑ – गच्छ॑ति य ए॒तेन॑ यज॑ते –

ॽति॑ य ए॒तेन॑ यज॑ते य उ॑ चैनमे॒वं वे॒द त्री॑णि च) (A11)

**Special Korvai**

(अ॒गस्त्यः॑ स्वाराज्यं॑ मा॒रुतः॑ पञ्च॑शा॒रदी॒यो वा ए॒ष य॒ज्ञः सप्त॑दशं  
प्र॒जाप॑ते॒रेव॑ नैति॑)

**2.7.12 अनुवाकं 12 – अग्निष्टुद्यागे ग्रहाणां पुरोरुचः**

**T.B.2.7.12.1**

अस्या॑जरा॒सो द॒मा म॑रि॒त्राः । अ॒र्च॒द्धूमा॑सो अ॒ग्नयः॑ पा॒वकाः॑ ।

श्वि॒ची॒चयः॑ श्वा॒न्नासो॑ भु॒रण्यवः॑ । व॒नर्ष॑दो वा॒यवो॑ न सो॒माः ।  
यजा॑ नो मि॒त्रावरु॑णा । यजा॑ दे॒वाꣳ ऋ॑तं बृ॒हत् ।  
अग्ने॑ यक्षि॒स्वं द॑मम् । अ॒श्विना॑ पि॒बतꣳ सु॒तम् ।  
दी॒द्यग्नी॑ शु॒चि व्र॑ता । ऋ॒तुना॑ य॒ज्ञवा॑हसा । 35 (10)

**T.B.2.7.12.2**

द्वे वि॒रूपे॑ च॒रतः॑ स्व॒र्थे । अ॒न्याऽन्या॑ व॒त्समु॑प॒धाप॑येते । ह॒रिर॑न्यस्यां  
भ॒वति॑ स्व॒धावान् । शु॒क्रो अ॒न्यस्यां॑ ददृ॒शे सु॒वर्चाः॑ । पू॒र्वापरं॑ च॒रतो॑  
मा॒ययै॑तौ । शि॒शू क्री॑डन्तौ प॒रिया॑तो अ॒ध्वर॑म् । वि॒श्वान्य॑न्यो  
भु॒वनाऽभि॑चष्टे । ऋ॒तून॑न्यो वि॒दध॑ज्जायते पु॒नः । त्री॑णि श॒ता  
त्री॒षह॑स्राण्यग्निम् । त्रि॒ꣳश॑च्च दे॒वा न॑व चा॒सपर्य॑न् । 36 (10)

**T.B.2.7.12.3**

औ॒क्षन्-घृ॒तैरा॑स्तृ॒णन्-बर्॒हिर॑स्मै । आ॒दि॒द्धो॒तारं॑ न्य॒षाद॑यन्त ।  
अ॒ग्निना॑ऽग्निः॑ स॒मिध्य॑ते । क॒विर्-गृ॒हप॑तिर्यु॒वा । ह॒व्यवा॑ङ्-जु॒ह्वास्यः॑ ।  
अ॒ग्निर्-दे॒वानां॑ ज॒ठर॑म् । पू॒तद॑क्षः क॒विक्र॑तुः । दे॒वो दे॒वेभि॑राग॒मत् ।  
अ॒ग्निश्रि॑यो म॒रुतो॑ वि॒श्वकृ॑ष्टयः ।

आ त्वेषमुग्रमव ईमहे वयम् । 37 (10)

**T.B.2.7.12.4**

ते स्वानिनो रुद्रिया वर्षनिर्णिजः । सि॒हा न हेष॑क्रतवः सु॒दानवः ।  
यदु॒त्तमे॑ मरुतो मध्यमे वा । यद्वा॒ऽवमे॑ सु॒भगा॑सो दि॒विष्ठ । ततो॑ नो  
रुद्रा उत वा॒ऽन्वस्य॑ । अग्ने॑ वि॒त्ताद्ध॑विषो यद्य॒जामः॑ । ईडे॑ अ॒ग्निः  
स्वव॑सं नमो॒भिः । इ॒ह प्र॑सप्तो वि॒चय॑त्कृतं नः । रथै॑रिव प्र॒भरे  
वाज॑यद्धिः । प्र॒दक्षि॑णिन्-मरुता॒ऽस्तोम॑मृ॒ध्याम् । 38 (10)

**T.B.2.7.12.5**

श्रु॒धि श्रु॒त्कर्ण॑ वह्नि॒भिः । दे॒वैर॑ग्ने स॒याव॑भिः । आसी॑दन्तु बर्हि॒षि ।  
मि॒त्रो वरु॑णो अर्य॒मा । प्रा॒तर्या॑वा॒णो अध्व॑रम् । वि॒श्वेषा॑-मदि॒तिर्-  
य॒ज्ञिया॑नाम् । वि॒श्वेषा॑-मति॒थिर्-मा॑नु॒षाणाम् । अ॒ग्निर्-दे॒वाना॑मव  
आवृ॑णानः । सु॒मृडी॑को भवतु वि॒श्ववे॑दाः । त्वे अग्ने॑ सु॒मतिं  
भि॒क्षमा॑णाः । 39 (10)

**T.B.2.7.12.6**

दि॒वि श्रवो॑ दधिरे॒ यज्ञि॑यासः । नक्ता॑ च च॒क्रुरु॑षसा वि॒रूपे॑ ।  
कृ॒ष्णं च॑ वर्ण॒मरु॑णं च स॒न्धुः । त्वा॒मग्न॑ आदि॒त्यास॑ आ॒स्यम् ।

त्वां जि॒ह्वाꣳ शु॒चयश्च॑क्रिरे क॒वे । त्वाꣳ रा॒तिषा॑चो अ॒ध्वरे॑षु स॒श्विरे ।  
 त्वे दे॒वा ह॑वि॒रद॑न्त्याहु॒तम् । नि त्वा य॑ज्ञस्य सा॒धन॑म् ।  
 अ॒ग्ने हो॑तार-मृ॒त्विज॑म् । व॒नुष्वद्-दे॒व धी॑महि प्र॒चे॑त॒सम् ( ) ।  
 जी॒रं दू॒तम॑मर्त्यम् । 40 (11)

(य॒ज्ञवा॑ह॒सा – ऽस॑पर्यन् – व॒य – मृ॑ध्यां – भि॒क्ष॑माणाः –  
 प्र॒चे॑त॒समे॑कं च) (A12)

**2.7.13** अनुवाकं 13 – इन्द्रस्तुद्यागे ग्रहाणां पुरोरुचः

**T.B.2.7.13.1**

ति॒ष्ठा ह॑री रथ आ यु॒ज्यमा॑ना या॒हि । वा॒युर्न॑ नियु॒तो नो॑ अ॒च्छ ।  
 पि॒बास्य॑न्धो अ॒भिसृ॑ष्टो अ॒स्मो । इन्द्र॑ स्वाहा र॒रिमा॑ ते म॒दाय॑ । क॒स्य  
 वृ॒षा सु॑ते स॒चा । नि॒युत्वान् वृ॑ष॒भो र॑णत् । वृ॒त्रहा॑ सोम॒पीत॑ये । इन्द्रं॑  
 व॒यं म॑हा॒धने॑ । इन्द्र॑म॒र्भे ह॑वामहे । यु॒जं वृ॒त्रेषु॑ व॒ज्रिण॑म् । 41 (10)

**T.B.2.7.13.2**

द्वि॒तायो॑ वृ॒त्रह॑न्त॒मः । वि॒द इन्द्रः॑ श॒तक्र॑तुः । उप॑ नो ह॒रिभिः॑ सु॒तम् ।  
 स सूर॑ आ॒जन॑य॒ज्योति॑रिन्द्रम् । अ॒या धि॒या तर॑णिर॒द्रिब॑र्हाः ।

ऋ॒तेन॑ शु॒ष्मीन॑व॒मानो॑ अ॒र्कैः । व्यु॒स्रि॒धो अ॒स्रो अ॒द्रिर्बि॑भेद । उ॒त त्य॑दा  
श्व॒श्चि॒यम् । य॒दिन्द्र॑ नाहु॒षी॒ष्वा । अ॒ग्रे वि॒क्षु प्र॑ती॒दय॑त् । 42 (10)

**T.B.2.7.13.3**

भ॒रे॒ष्विन्द्र॑ सु॒हव॑ ह॒वाम॑हे । अ॒हो॒मु॒च सु॒कृतं॑ दै॒व्यज्ज॑नम् ।  
अ॒ग्निं मि॒त्रं व॑रु॒ण सा॒तये॑ भ॒गम् । द्या॒वापृ॑थि॒वी म॒रुतः॑ स्व॒स्तये॑ ।  
म॒हि क्षे॑त्रं पु॒रुश्च॑न्द्रं वि॒वि॒द्वान् । आ॒दि॒थ् स॒खिभ्य॑श्च र॒थ स॑मै॒रत् ।  
इन्द्रो॑ नृ॒भिर॑ज॒नद्-दी॑द्यानः सा॒कम् । सूर्य॑मु॒षसं॑ गा॒तुम॑ग्निम् । उ॒रुं नो॑  
लो॒कम॑नु॒नेषि॑ वि॒द्वान् । सु॒वर्व-ज्ज्यो॑ति॒रभ॑य॒ स्व॒स्ति । 43 (10)

**T.B.2.7.13.4**

ऋ॒ष्वा त इन्द्र॑ स्थ॒वि॒रस्य॑ बा॒हू । उ॒प॒स्थे॑याम॒ शर॑णा बृ॒हन्ता॑ । आ नो॑  
वि॒श्वाभि॑रू॒तिभिः॑ स॒जोषाः॑ । ब्र॒ह्म जु॑षा॒णो ह॑र्यश्च या॒हि । व॒रीवृ॑ज॒थ्  
स्थ॒वि॒रेभिः॑ सु॒शि॒प्र । अ॒स्मै द॑धद्-वृ॒षण॑ शु॒ष्ममिन्द्र॑ ।  
इन्द्रा॑य गा॒व आ॒शि॒रम् । दु॒दु॒हे व॒ज्रि॒णे म॑धु । य॒थ् सी॑मु॒पह्व॑रेऽवि॒दत् ।  
तास्ते॑ व॒ज्रिन् धे॑न॒वो जो॑जयु॒र्नः ( ) । 44 (10)

**T.B.2.7.13.5**

ग॒भस्त॒यो॒ न॒युतो॑ वि॒श्ववा॑राः । अ॒हर॒ह॒र्भू॒य इ॒ज्जो॑गु॒वानाः॑ । पू॒र्णा इ॒न्द्र  
क्षु॒मतो॑ भो॒जन॒स्य । इ॒मां ते॑ धि॒यं प्र॒भरे॑ म॒हो म॒हीम् । अ॒स्य स्तो॒त्रे  
धि॒षणा॑ यत्त॒ आ॒न॒जे । तमु॒थ्सवे॑ च प्र॒सवे॑ च सा॒सहि॑म् ।  
इ॒न्द्रं दे॒वासः॑ शव॒सा म॒दन्न॑नु । 45 (7)

(व॒ज्रिण॑ – म॒यथ् – स्व॒स्ति – जो॑ज॒युर्नः॑ – +स॒प्त च॑) (A13)

**2.7.14 अनुवाकं 14 – अ॒प्तो॒र्या॒मावि॑धिः**

**T.B.2.7.14.1**

प्र॒जाप॑तिः प॒शून्सृ॑जत । ते॒ऽस्मा॒त् सृ॒ष्टाः प॒राञ्च॑ आ॒यन् ।  
ता॒न॒ग्नि॒ष्टोमे॑न ना॒प्नो॑त् । ता॒नु॒क्थ्ये॑न ना॒प्नो॑त् । ता॒न्थ षो॑ड॒शिना॑  
ना॒प्नो॑त् । ता॒न् रा॒त्रिया॑ ना॒प्नो॑त् । ता॒न्थ स॒न्धिना॑ ना॒प्नो॑त् ।  
सो॒ऽग्नि॑मब्रवीत् । इ॒मान्म ई॒प्से॑ति ।

ता॒न॒ग्नि॒स्त्रिवृ॑ता स्तो॒मेन॑ ना॒प्नो॑त् । 46 (10)

**T.B.2.7.14.2**

स इ॒न्द्रम॑ब्रवीत् । इ॒मान्म ई॒प्से॑ति । ता॒निन्द्रः॑ पञ्चद॒शेन॑ स्तो॒मेन॑  
ना॒प्नो॑त् । स वि॒श्वान् दे॒वा-न॑ब्रवीत् । इ॒मान्म ई॒प्से॑ति ।



तान्॑ वि॒श्वे दे॒वाः स॒प्तद॒शेन॑ स्तो॒मेन॑ ना॒प्नुव॑न् । स वि॒ष्णुम॑ब्रवीत् ।

इ॒मान्म ई॒प्सेति॑ । तान्॑ वि॒ष्णुरे॒कवि॒ंशेन॑ स्तो॒मेना॑प्नोत् ।

वा॒रव॑न्तीये॒नावार॑यत ( ) । 47 (10)

### T.B.2.7.14.3

इ॒दं वि॒ष्णुर् वि॒चक्रम॑ इति॑ व्य॒क्रम॑त । यस्मा॑त् प॒शवः॑ प्र प्रे॒व  
भ्र॑ंशे॒रन् । स ए॒तेन॑ यजे॑त । यदा॑प्नोत् । तद॑प्तो॒र्याम॑स्या॒प्तो॒र्याम॑त्वम् ।

ए॒तेन॑ वै दे॒वा जै॑त्वानि जि॒त्वा । यं का॒म-म॑का॒मय॑न्त॒ तमा॑प्नुवन् ।

यं का॒मं का॒मय॑ते । तमे॑ते॒नाप्नो॑ति । 48 (9)

(स्तो॒मेन॑ ना॒प्नो - द॒वार॑यत - +न॒व च) (A14)

### 2.7.15 अनुवाकं 15 – राजाभिषेकः

#### T.B.2.7.15.1

व्या॒घ्रोऽय॑म॒ग्नौ च॑रति॒ प्रवि॑ष्टः । ऋ॒षीणां॑ पु॒त्रो अ॑भि॒शस्ति॑पा अ॒यम् ।

न॒मस्का॑रेण॒ नम॑सा ते जु॒होमि॑ । मा दे॒वानां॑ मि॒थुया॑ क॒र्म भा॑गम् ।

सा॒वीर्.हि॑ दे॒व प्र॑स॒वाय॑ पि॒त्रे । व॒र्ष्माण॑म॒स्मै व॑रि॒माण॑म॒स्मै ।

अथा॑स्मभ्य॑ स॒वितः॑ स॒र्वता॑ता । दि॒वे दि॒व आ॑सु॒वा भू॑रि॒पश्चः॑ ।

भू॒तो भू॒तेषु॑ च॒रति॑ प्र॒विष्टः॑ । स भू॒ताना॑-म॒धिप॑तिर्-ब॒भूव॑ । 49 (10)

**T.B.2.7.15.2**

तस्य॑ मृ॒त्यौ च॒रति॑ रा॒जसू॑यम् । स रा॒जा रा॒ज्य-म॑नु॒मन्य॑तामिदम् ।  
 ये॒भिः शिल्पैः॑ पप्र॒थाना॑मदृ॒हत् । ये॒भिर्द॑र्याम॒भ्यपि॑ श॒त्-प्र॒जाप॑तिः ।  
 ये॒भिर्वाचं॑ वि॒श्वरू॑पां॒ सम॑व्ययत् । तेने॒मम॑ग्न इ॒ह वर्च॑सा॒ सम॑ङ्गि॒धि ।  
 ये॒भिरा॑दित्यस्तपति प्र॒केतु॑भिः । ये॒भिः सू॒र्यो द॑दृशे चि॒त्रभा॑नुः ।  
 ये॒भिर्वाचं॑ पु॒ष्कले॑भि॒रव्य॑यत् । तेने॒मम॑ग्न इ॒ह वर्च॑सा  
 सम॑ङ्गि॒धि । 50 (10)

**T.B.2.7.15.3**

आ॒ऽयं भा॑तु श॒वसा॑ पञ्च कृ॒ष्टीः । इन्द्र॑ इ॒व ज्ये॑ष्ठो भ॒वतु॑ प्र॒जावा॑न् ।  
 अ॒स्मा अ॒स्तु पु॒ष्कलं॑ चि॒त्रभा॑नु । आ॒ऽयं पृ॑णक्तु र॒जसी॑ उ॒पस्थ॑म् ।  
 यत्ते॑ शिल्पं कश्यप रो॒चना॑वत् । इन्द्रि॒याव॑त्-पु॒ष्कलं॑ चि॒त्रभा॑नु ।  
 यस्मि॒न् सूर्या॑ अ॒र्पिताः॑ स॒प्त सा॒कम् । तस्मि॒न्-रा॒जान॑-  
 म॒धिवि॑श्रये॒मम् । द्यौ॑रसि पृथि॒व्यसि॑ । व्याघ्रो॑ वैयाघ्रे॒ऽधि । 51 (10)

**T.B.2.7.15.4**

वि॒श्रय॑स्व दि॒शो म॑हीः । वि॒शस्त्वा॑ सर्वा॑ वाञ्छन्तु । मा त्वद्-  
 रा॒ष्ट्रमधि॑भ्र॒शत् । या दि॒व्या आपः॑ पय॑सा सं॒बभू॑वुः । या अ॒न्तरि॑क्ष उ॒त  
 पा॒र्थि॒वीर्याः॑ । ता सां॑ त्वा सर्वा॑सां रु॒चा । अ॒भिषि॑ञ्चामि॒ वर्च॑सा ।  
 अ॒भि त्वा॑ वर्च॑सा सि॒चं दि॒व्येन॑ । पय॑सा सह ।

यथाऽऽसा॑ रा॒ष्ट्रव॑र्धनः । 52 (10)

**T.B.2.7.15.5**

तथा॑ त्वा स॒विता॑ क॒रत् । इन्द्रं॑ वि॒श्वा अ॒वीवृ॑धन् ।  
 स॒मुद्र॑ व्य॒चसं॑ गि॒रः । र॒थीत॑मं र॒थीना॑म् । वा॒जा॒नां स॑त् प॒तिं  
 प॒तिम् । व॒सव॑स्त्वा पु॒रस्ता॑द॒भिषि॑ञ्चन्तु गाय॒त्रेण॑ छ॒न्दसा॑ ।  
 रु॒द्रास्त्वा दक्षि॑णतो॒ऽभिषि॑ञ्चन्तु त्रै॒ष्टुभे॑न छ॒न्दसा॑ । आ॒दि॒त्यास्त्वा  
 प॒श्चाद॑भिषि॑ञ्चन्तु जा॒गते॑न छ॒न्दसा॑ । वि॒श्वे त्वा॑ दे॒वा  
 उ॒त्तर॑तो॒ऽभिषि॑ञ्चन्-त्वा॒नुष्टु॑भे॒न छ॒न्दसा॑ । बृ॒हस्प॑ति-स्त्वो॒परि॑ष्टा-  
 द॒भिषि॑ञ्चतु पा॒ङ्केन॑ छ॒न्दसा॑ । 53 (10)

**T.B.2.7.15.6**

अरु॒णं त्वा वृ॒कमु॒ग्रं ख॒जं क॒रम् । रोच॑मानं मरु॒ताम॒ग्रे अ॒र्चिषः॑ ।  
 सूर्य॑वन्तं म॒घवा॑नं वि॒षास॑हिम् । इन्द्र॑मु॒क्थ्येषु॑ ना॒महू॑तम॒ हुवे॑म ।  
 प्र बा॒हवा॑ सि॒सृतं॑ जी॒वसे॑ नः । आ नो॑ ग॒व्यूति॑मु॒क्षतं॑ घृ॒तेन॑ ।  
 आ नो॑ जने॑ श्रव॒यतं॑ यु॒वाना॑ । श्रु॒तं मे॑ मि॒त्राव॑रुणा ह॒वेमा॑ ।  
 इन्द्र॑स्य ते वी॒र्य॑कृ॒तः । बा॒हू उ॒पाव॑हरामि ( ) । 54 (10)

(ब॒भू – वा॒व्यय॑त् तेने॒मम॑ग्न इ॒ह वर्च॑सा सम॒ङ्गिधि॑ – वैया॒घ्रेऽधि॑ –  
 रा॒ष्ट्रव॑र्ध॒नः – पा॒ङ्गेन॑ छन्द॒सो – पा॒व॑हरामि) (A15)

**2.7.16** अनुवाकं 16 – राजाभिषेकाङ्गं रथारोहणम्

**T.B.2.7.16.1**

अ॒भि प्रे॑हि वी॒रय॑स्व । उ॒ग्रश्चे॑त्ता स॒पत्न॑हा । आ॒तिष्ठ॑ वृ॒त्रह॑न्तमः । तु॒भ्यं  
 दे॒वा अ॒धिब्रु॑वन् । अ॒ङ्गौ न्य॑ङ्काव॒भितो॑ रथं यौ । ध्वा॒न्तं वा॑ताग्र॒मनु॑सं  
 च॒रन्तौ॑ । दू॒रे हे॑ति-रिन्द्रि॒यावा॑न् प॒त॒त्री । ते नो॑ऽग्नयः प॒प्रयः॑ पा॒रय॑न्तु ।  
 नम॑स्त ऋ॒षे ग॑द । अ॒व्यथा॑यै त्वा स्व॒धायै॑ त्वा । 55 (10)

**T.B.2.7.16.2**

मा न इन्द्राभितस्त्व-दृष्वारिष्टासः । एवा ब्रह्मन्तवेदस्तु । तिष्ठा रथे  
अधि यद्-वज्रहस्तः । आ रश्मीन्देव युवसे स्वश्वः । "आतिष्ठ  
वृत्रहन् {29}", "नातिष्ठन्तं परि {30}" । "अनु त्वेन्द्रो मद {31}" ।  
"त्वन्नु त्वा मित्रावरुणौ {32}" । द्यौश्च त्वा पृथिवी च प्रचेतसा ।  
शुक्रो बृहद्-दक्षिणा त्वा पिपर्तु । अनु स्वधा चिकिताꣳ सोमो  
अग्निः । अनु त्वाऽवतु सविता सवेन । 56 (10)

**T.B.2.7.16.3**

इन्द्रं विश्वा अवीवृधन् । समुद्र व्यचसं गिरः । रथीतमꣳ रथीनाम् ।  
वाजानाꣳ सत् पतिं पतिम् । परि मा सेन्या घोषाः । ज्यानां वृञ्जन्तु  
गृध्नवः । मेथिष्ठाः पिन्वमाना इह । मां गोपतिमभि सम्विशन्तु ।  
तन्मेऽनुमति-रनुमन्यताम् । तन्माता पृथिवी तत् पिता द्यौः । 57 (10)

**T.B.2.7.16.4**

तद्ग्रावाणः सोमसुतो मयोभुवः । तदश्विना शृणुतꣳ सौभगा युवम् ।  
"अवते हेड {33}", "उदुत्तमम् {34}" । एना व्याघ्रं परिषस्वजानाः ।  
सिꣳहꣳ हिन्वन्ति महते सौभगाय । समुद्रं न सुहवं तस्थिवाꣳसम् ।

म॒र्म॒ज्यन्ते॑ द्वी॒पिन॑म॒प्स्वन्तः॑ । उ॒द॒सावे॑तु सूर्यः । उ॒दि॒दं मा॑म॒कं व॑चः ।  
 उ॒दि॒हि दे॒व सूर्य॑ ( ) । स॒ह व॒ग्नुना॑ म॒म । अ॒हं वा॑चो वि॒वाच॑नम् ।  
 म॒यि वा॑गस्तु ध॒र्णसिः॑ । य॒न्तु न॒दयो॑ व॒र्षन्तु॑ प॒र्जन्याः॑ ।  
 सु॒पिप्प॒ला ओ॑ष॒धयो॑ भ॒वन्तु॑ । अ॒न्न॒वता॑मो॒दन॑वता॒मामि॑क्ष॒वता॑म् ।  
 ए॒षाञ् राजा॑ भूया॒सम् । 58 (17)

(स्व॒धायै॑ त्वा – स॒वेन॑ – द्यौः – सु॒र्य स॒प्त च॑) (A16)

2.7.17 अनुवाकं 17 – राजाभिषेकाङ्गं वपनम्

T.B.2.7.17.1

ये के॒शिनः॑ प्रथ॒माः स॒त्रमा॑स॒त । ये॒भिरा॑भृतं य॒दिदं॑ वि॒रोच॑ते ।  
 तेभ्यो॑ जु॒होमि॑ बहु॒धा घृ॒तेन॑ । रा॒यस्पो॑षेणे॒मं व॑र्च॒सा स॒सृ॒जाथ॑ ।  
 न॒र्ते ब्र॑ह्म॒णस्त॑प॒सो वि॒मो॒कः । द्वि॒नाम्नी॑ दी॒क्षा व॑शिनी ह्यु॒ग्रा ।  
 प्र॒केशाः॑ सु॒वते॑ का॒ण्डिनो॑ भ॒वन्ति॑ । तेषां॑ ब्र॒ह्मोदी॑शे व॒पन॑स्य नान्यः ।  
 आ॒रोह॑ प्रो॒ष्ठं वि॑ष॒हस्व॑ श॒त्रून् । अ॒वा॒स्राग्दी॑क्षा व॑शिनी ह्यु॒ग्रा । 59 (10)

**T.B.2.7.17.2**

दे॒हि दक्षि॑णां प्रति॒रस्वा॑युः । अथा॑ मु॒च्यस्व॑ वरु॒णस्य॑ पा॒शात् ॥  
येना॑वपथ् सवि॒ता क्षु॑रेण । सोम॑स्य रा॒ज्ञो वरु॑णस्य वि॒द्वान् ।  
तेन॑ ब्रह्मा॒णो वप॑ते॒दमस्यो॑र्जेमम् । रय्या॑ वर्च॒सा स॒सृजा॑थ ।  
मा ते॑ के॒शान॑नु गा॒द्वर्च॑ ए॒तत् । तथा॑ धा॒ता करो॑तु ते ।  
तुभ्य॑मिन्द्रो बृ॒हस्प॑तिः । सवि॒ता वर्च॑ आ॒दधा॑त् । 60 (10)

**T.B.2.7.17.3**

तेभ्यो॑ नि॒धानं॑ बहु॒धा व्यै॑च्छन् । अन्तरा॑ द्यावा॒पृथि॒वी अपः॑ सु॒वः ।  
दर्भ॑स्तम्बे वी॒र्य॑कृ॒ते नि॒धाय॑ । पौ॒स्येने॑मं व॒र्चसा॑ स॒सृजा॑थ ।  
बलं॑ ते बा॒हुवोः॑ सवि॒ता द॑धातु । सोम॑स्त्वा॒नक्तु॑ पय॒सा घृ॑तेन ।  
स्त्रीषु॑ रू॒पम॑श्चि॒नैत॑-न्नि॒धत्त॑म् । पौ॒स्येने॑मं व॒र्चसा॑ स॒सृजा॑थ ।  
यथ् सी॒मन्तं॑ कङ्क॒तस्ते॑ लि॒लेख॑ । यद्वा॑ क्षु॒रः परि॑ववर्ज वप॒स्ते ( ) ।  
स्त्रीषु॑ रू॒पम॑श्चि॒नैत॑-न्नि॒धत्त॑म् । पौ॒स्येने॑मं स॒सृजा॑थो  
वी॒र्येण॑ । 61 (12) (अवा॑स्राग्दी॒क्षा वा॒शिनी॑ ह्यु॒ग्रा – ऽद॑धाद् –  
ववर्ज॑ वप॒स्ते द्वे च॑ ) (A17)

Special Korvai

(ये के॒शि॒नो न॒र्ते मा ते॒ बलं॒ य॒थ् सी॒मन्तं॒ प॒ञ्च॑)

**2.7.18** अनुवाकं 18 – विघनाख्य एकाहविशेषः

**T.B.2.7.18.1**

इन्द्रं॑ वै स्वा॒ विशो॑ मरु॒तो नापा॑चायन् । सोऽन॑पचाय्यमान ए॒तं  
वि॒घन॑मपश्यत् । तमाऽह॑रत् । तेना॑यजत । तेनै॒वासां॒ त॒ स॒स्त॒म्भं  
व्य॑हन् । यद् व्य॑हन् । तद्-वि॒घन॑स्य वि॒घन॑त्वम् । वि पा॒प्मानं॒  
भ्रातृ॑व्य॒ ह॒ते । य ए॒तेन॒ यज॑ते । य उ॒ चैन॑मे॒वं वै॒द । 62 (10)

**T.B.2.7.18.2**

य॒ राजा॑नं वि॒शो नाप॑चार्येयुः । यो वा॑ ब्राह्म॒णस्त॑मसा पा॒प्मना॒  
प्रावृ॑तः स्यात् । स ए॒तेन॒ यज॑ेत । वि॒घने॒नैवैन॑द्-वि॒हत्य॑ ।  
वि॒शामा॑धिपत्यं गच्छति । तस्य॒ द्वे द्वा॒दशे॒ स्तो॒त्रे भ॑वतः ।  
द्वे च॑तुर्वि॒ंशे । औ॒दि॒भ॒द्यमे॒व तत् । ए॒तद्वै क्ष॒त्रस्य॑ौदि॒भ॒द्यम् ।  
यद॑स्मै स्वा॒ विशो॑ ब॒लि॒ हर॑न्ति । 63 (10)



**T.B.2.7.18.3**

हर॑न्त्यस्मै॒ विशो॑ ब॒लिम् । ऐ॒नम॑प्रति॒ख्यातं॑ गच्छति । य ए॒वं वै॑द ।  
 प्र॒बाहु॑ग्वा अ॒ग्रे क्ष॑त्रा॒ण्याते॑पुः । तेषा॒मिन्द्रः॑ क्ष॒त्राण्या॑दत्त । न वा इ॒मानि॑  
 क्ष॒त्राण्य॑ भू॒वन्निति॑ । तन्नक्ष॑त्राणां नक्ष॒त्रत्वम्॑ । आ श्रेय॑सो भ्रातृ॒व्यस्य॑  
 तेज॑ इन्द्रि॒यं दत्ते॑ । य ए॒तेन॑ यज॒ते । य उ॑ चैनमे॒वं वै॑द । 64 (10)

**T.B.2.7.18.4**

तद् यथा॑ ह॒ वै स॑चा॒क्रिणौ॑ क॒प्लका॑वु॒पा-व॑हितौ स्याता॒म् ।  
 ए॒वमे॒तौ यु॒ग्मन्तौ॑ स्तो॒मौ । अ॒युक्षु॑ स्तो॒मेषु॑ क्रिये॒ते । पा॒प्मनो॑ऽप॒हत्यै॑ ।  
 अ॒प पा॒प्मानं॑ भ्रातृ॒व्यं ह॑ते । य ए॒तेन॑ यज॒ते । य उ॑ चैनमे॒वं वै॑द ।  
 तद् यथा॑ ह॒ वै सू॑त॒ग्राम॑ण्यः । ए॒वं छ॒न्दाँसि॑ । तेष्व॒सावा॑दित्यो  
 बृ॒हती॑र॒भ्यूढः॑ । 65 (10)

**T.B.2.7.18.5**

स॒तो बृ॒हती॑षु स्तुव॒ते स॒तो बृ॒हन् । प्र॒जया॑ प॒शुभि॑-र॒सानी॑त्ये॒व ।  
 व्य॒तिष॑क्ताभिः स्तुव॒ते । व्य॒तिष॑क्तं वै क्ष॒त्रं वि॒शा । वि॒शैवैनं॑ क्ष॒त्रेण॑  
 व्य॒तिष॑जति । व्य॒तिष॑क्ताभिः स्तुव॒ते । व्य॒तिष॑क्तो वै ग्रा॒मणीः  
 स॒जातैः॑ । स॒जातै॑रे॒वैनं॑ व्य॒तिष॑जति । व्य॒तिष॑क्ताभिः स्तुव॒ते ।

द्वितीयाष्टके सप्तमः प्रपाठकः – (TB 2.7)

व्यतिषक्तो॒ वै पु॒रुषः॑ पा॒प्मभिः॑ ( ) । व्यतिषक्ता॒-भिरे॒वास्य॑ पा॒प्मनो॑  
नुद॑ते । 66 (11) (वे॒द - ह॒रन् - त्ये॒नमे॒वं वे॒दा - भ्यू॒ढः - पा॒प्मभि॑  
रे॒कं च॑) (A18)

**Prapaataka Korvai with starting Padams of 1 to 18 Anuvaakams :-**

(त्रि॒वृद् - य॒दाग्ने॒योऽग्नि॑मु॒खा हृ॒द्धिर् - य॒दाग्ने॒य आ॒ग्नेयो॑ - न वै  
सो॒मेन॑ - यो वै सो॒मे - नैष॑ गो॒सवः॑ - सि॒॒हे - ऽभि॑प्रेहि  
मि॒त्रव॑र्धनः - प्र॒जाप॑तिस्ता ओ॒दनं॑ - प्र॒जाप॑तिर॒काम॑यत ब॒होर् भू॒या -  
न॒गस्त्यो॑ - ऽस्या॒जरा॑स - स्ति॒ष्ठा ह॒री - प्र॒जाप॑तिः प॒शून् -  
व्याघ्रो॑ऽयम - भि॑प्रेहि वृ॒त्रह॑न्त॒मो - ये के॒शिन॑ - इन्द्रं॑ वा अ॒ष्टाद॑श )

**Korvai with starting Padams of 1, 11, 21 Series of Dasanis :-**

(त्रि॒वृद् - यो वै सो॒मे - ना॒युर॑सि वि॒श्वायु॑र् - ब॒हुर् भ॑वति -  
ति॒ष्ठा ह॒री रथ॑ - आ॒ज्यं॑ भा॒तु - तेभ्यो॑ नि॒धानं॑ षट्॒त्षष्टिः॑)

**First and Last Padam 2<sup>nd</sup> Ashtakam 6th Prapaatakam :-**

(त्रि॒वृत् - पा॒प्मनो॑ नुद॑ते)

। हरिः ओं ।

। कृष्ण यजुर्वेदीय तैत्तिरीय ब्राह्मणे द्वितीयाष्टके सप्तमः प्रपाठकः समाप्तः ।

=====

**Details of Dasani & Vaakyams for Ashtakam 2 –  
Prapaatakam 7 – TB 2.7**

	Dasani	Vaakyams
Anuvakam 1	4	40
Anuvakam 2	2	28
Anuvakam 3	3	34
Anuvakam 4	1	17
Anuvakam 5	2	23
Anuvakam 6	3	31
Anuvakam 7	7	72
Anuvakam 8	2	21
Anuvakam 9	5	51
Anuvakam 10	2	22
Anuvakam 11	3	33
Anuvakam 12	6	61
Anuvakam 13	5	47
Anuvakam 14	3	29
Anuvakam 15	6	60
Anuvakam 16	4	47
Anuvakam 17	3	32

Anuvakam 18	5	51
Total →	66	699

## Appendix (of expansions)

### T.B.2.7.8.1 "अङ्कौ न्यङ्कावभित{27}"

अङ्कौ न्यङ्का वभितो रथं यौ ध्वान्तं वाताग्रमनु संचरन्तौ  
दूरे हेतिरिन्द्रियावान् पतन्नी ते नोऽग्नयः पप्रयः पारयन्तु ॥ {27}

(Appearing in T.S. 1.7.7.2),

(Also same appearing above, in T.B.2.7.16.1 )

### T.B.2.7.8.1 "आ तिष्ठ वृत्रहन्-रथम्{28}"

आ तिष्ठ वृत्रहन् रथं युक्ता ते ब्रह्मणा हरी ।  
अर्वाचीन् सु ते मनो ग्रावा कृणोतु वग्नुना ॥ {28}

(Appearing in T.S 1.4.37.1)

### T.B.2.7.16.2 "आ तिष्ठ वृत्रहन् {29}"

Same as item no. {28} above

### T.B.2.7.16.2 "नातिष्ठन्तं परि {30}", "अनु त्वेन्द्रो मद {31}",

"त्वनु त्वा मित्रावरुणौ {32}"

आ॒ति॒ष्ठ॒न्तं॒ परि॒ विश्वे॑ अ॒भूष॑न् । श्रि॒यं व॑सान॒श्चर॑ति स्वर॒ोचाः॑ ।

म॒हत्-तद॑स्यासुर॒स्य ना॑म । आ॒ विश्व॑रूपो अ॒मृता॑नि तस्थौ ॥ {30}

(Appearing in T.B.2.7.8.1)

अनु॑ त्वेन्द्रो॑ मद॒त्वनु॑ बृह॒स्पतिः॑ । अनु॑ सोमो॒ अन्व॑ग्निरा॒वीत् ।

अनु॑ त्वा विश्वे॑ दे॒वा अव॑न्तु । अनु॑ स॒प्त रा॒जानो॑ य उ॒ताभि॑षि॒क्ताः ॥ {31}

(Appearing in T.B.2.7.8.1 & 2)

अनु॑त्वा मि॒त्रावरु॑णाविहा॒वत॑म् । अनु॑ द्यावा॒पृथि॑वी विश्व॒शंभू॑ ।

सूर्यो॑ अ॒होभि॑रनु॒ त्वाऽव॑तु । च॒न्द्रमा॒ नक्ष॑त्रैरनु॒ त्वा ऽव॑तु ॥ {32}

(Appearing in T.B.2.7.8.2)

-----  
T.B.2.7.16.4 "अव॑ते हे॒ड {33}", "उदु॑त्तमम् {34}"

अव॑ ते हे॒डो वरु॑ण नमो॒भिर॑व यज्ञे॒भिरी॑महे ह॒विर्भिः॑ ।

क्षय॑न्न॒स्मभ्य॑मसुर॒ प्रचे॑तो॒ राज॑न्नेना॒सि शि॑श्रथः कृ॒तानि॑ ॥ {33}

उदु॑त्तमं वरु॑ण पा॒शम॑स्मदवा॒ऽधमं॑ विम॒ध्यम॑ श्र॒थाय॑ ।

द्वितीयाष्टके सप्तमः प्रपाठकः – (TB 2.7)

---

अथा वयमादित्य व्रते तवाऽनागसो अदितये स्याम ॥ {34}

(Both Appearing in T.S.1.5.11.3)

---

**2.8 द्वितीयाष्टके अष्टमः प्रपाठकः – काम्यपशुयाज्यानुवाक्या ब्राह्मणम्**

**2.8.1 अनुवाकं 1 – वायव्यादिपशूनां सूक्तानि**

**T.B.2.8.1.1**

पी॒वो॑न्ना॒ꣳ र॒यि॒वृ॒धः॑ सु॒मे॒धाः॑ । श्वे॒तः॑ सि॒ष॒क्ति॑ नि॒यु॒ता॒म॒भि॒श्रीः॑ ।  
ते वा॒य॒वे॒ सम॑न॒सो॒ वि॒त॒स्थुः॑ । वि॒श्वे॑न्नरः स्वप॒त्यानि॑ चक्रुः ।  
रा॒येऽनु॑ यं ज॒ज्ञतू॑ रो॒दसी॑ उ॒भे । रा॒ये दे॒वी धि॒षणा॑ धाति दे॒वम् ।  
अ॒धा वा॒युं नि॒युतः॑ स॒श्र॒त स्वाः॑ । उ॒त श्वे॒तं व॑सु॒धितिं॑ नि॒रे॒के ।  
"आ वा॒यो {35}" "प्र या॒भिः {36}" ।

प्र वा॒युम॑च्छा बृ॒हती॑ म॒नीषा॑ । 1 (10)

**T.B.2.8.1.2**

बृ॒ह॒द् र॒यिं व॑श्व॒वारा॑ꣳ रथ॒प्राम् । द्यु॒त॒द्या॒मा नि॒युतः॑ प॒त्य॒मानः॑ ।  
क॒विः क॒वि॒मि॒यक्ष॑सि प्र॒यज्यो॑ । आ नो॑ नि॒युद्धिः॑ श॒ति॒नी॒भिः-र॑ध्व॒रम् ।  
स॒ह॒स्रि॒णी॒भि॒रुप॑ या॒हि य॒ज्ञम् । वा॒यो अ॒स्मिन् ह॒विषि॑ मा॒दय॑स्व ।  
यू॒यं पा॑त स्व॒स्ति॒भिः स॒दा नः॑ । प्र॒जा॒प॒ते न त्व॑दे॒तान्य॑न्यः । वि॒श्वा  
जा॒तानि॑ परि॒ ता ब॑भूव । यत् का॒मास्ते॑ जुहु॒मस्त॑न्नो अस्तु । 2 (10)

**T.B.2.8.1.3**

वय॑ स्या॑म प॑तयो र॑यीणाम् । र॑यीणां प॑तिं य॑जतं बृ॑हन्तम् ॥  
अ॒स्मिन्भ॑रे नृ॒तमं॑ वा॒जसा॑तौ । प्र॒जाप॑तिं प्रथ॒मजा॑मृतस्य । य॒जाम  
दे॒वमधि॑ नो ब्रवीतु । प्र॒जाप॑ते त्वं नि॒धिपाः॑ पु॒राणः॑ । दे॒वानां॑ पि॒ता  
ज॒निता॑ प्र॒जाना॑म् । प॒तिर्-वि॒श्वस्य॑ ज॒गतः॑ प॒रस्याः॑ । ह॒विर्नो॑ दे॒व  
वि॒हवे॑ जुष॒स्व । तवे॑मे लो॒काः प्र॑दिशो दि॒शश्च॑ । 3 (10)

**T.B.2.8.1.4**

प॒राव॑तो नि॒वत॑ उ॒द्धत॑श्च । प्र॒जाप॑ते वि॒श्वसृ॑ज्जीव॒धन्य॑ इ॒दं नो॑ दे॒व ।  
प्र॒तिह॑र्य ह॒व्यम् । प्र॒जाप॑तिं प्रथ॒मं य॑ज्ञि॒याना॑म् । दे॒वाना॑मग्रे य॒जतं  
य॑ज॒ध्वम् । स नो॑ द॒दातु॑ द्र॒विण॑ सु॒वीर्य॑म् । रा॒यस्पोषं॑ वि॒ष्यतु॑  
ना॒भि॒मस्मो॑ । यो रा॒य ई॒शो श॑तदा॒य उ॒क्थ्यः॑ । यः प॑शूनां र॒क्षिता॑  
वि॒ष्टिता॑नाम् । प्र॒जाप॑तिः प्रथ॒मजा॑ ऋ॒तस्य॑ । 4 (10)

**T.B.2.8.1.5**

स॒हस्र॑धा॒मा जु॑षतां ह॒विर्नः॑ । "सो॒मापू॑षणे {37}" "मौ दे॒वौ {38}" ।  
सो॒मापू॑षणा र॒जसो॑ वि॒मान॑म् । स॒प्तच॑क्रं रथ॒मवि॑श्वमि॒न्वम् ।



वि॒षू॒वृ॒तं॑ म॒नसा॑ यु॒ज्यमा॑नम् । तं जि॒न्वथो॑ वृष॒णा प॒ञ्चर॑श्मिम् ।  
 दि॒व्यन्यः॑ स॒दनं॑ च॒क्र उ॒च्चा । पृ॒थिव्या॑म॒न्यो अ॒ध्यन्त॑रि॒क्षे । ताव॑स्मभ्यं  
 पु॒रुवा॑रं पु॒रुक्षु॑म् । रा॒यस्पोषं॑ वि॒ष्यतां॑ ना॒भि॒मस्मे॑ । 5 (10)

**T.B.2.8.1.6**

धि॒यं पू॒षा जि॒न्वतु॑ वि॒श्वमि॒न्वः । र॒यिꣳ सोमो॑ र॒यिप॑तिर्-दधातु ।  
 अ॒वतु॑ दे॒व्यदि॑तिर-न॒र्वा । बृ॒हद्-व॑दे॒म वि॒दथे॑ सु॒वीराः॑ । वि॒श्वान्य॑न्यो  
 भु॒वना॑ ज॒जान॑ । वि॒श्वम॑न्यो अ॒भिच॑क्षा॒ण ए॒ति । सोमा॑पूष॒णा-व॑व॒तं  
 धि॒यं मे॑ । यु॒वभ्यां॑ वि॒श्वाः पृ॑त॒ना ज॑ये॒म । "उ॒दुत्त॑मं व॒रुणा॑ {39}"  
 "स्त॑भ्नाद्द॒द्याम् {40}" । "यत् कि॒ञ्चेदं॑ {41} "कि॒त॒वा॒सः {42}"  
 ( ) । "अ॒व ते॑ हे॒ड {43}, "स्त॑त्त्वा॒ यामि॑ {44} ।  
 "आ॒दि॒त्याना॑म॒वसा॑ {45}, "न दक्षि॒णा {46}" ।  
 "धा॒रय॑न्त आ॒दि॒त्यास॑ {47}, "स्ति॒स्रो भू॑मी॒र्धार॑यन् {48}" ।  
 "य॒ज्ञो दे॒वानाꣳ {49}" "शु॒चिर॑पः {50}" । 6 (14)  
 (म॒नीषा-ऽस्तु॑-च-र॒त-स्या॑स्मे-कि॒त॒वा॒स श्र॑त्वा॒रि च॑ ) (A1)

**2.8.2 अनुवाकं 2 – वशादीनां सूक्तानि**

**T.B.2.8.2.1**

ते शुक्रासः शुचयो रश्मिवन्तः । सीदन्नादित्या अधि बर्हिषि प्रिये ।  
कामेन देवाः सरथं दिवो नः । आयान्तु यज्ञमुप नो जुषाणाः ।  
ते सूनवो अदितेः पीवसामिषम् । घृतं पिन्वत्-प्रतिहर्यन्नृतेजाः ।  
प्र यज्ञिया यजमानाय येमुरे । आदित्याः कामं पितुमन्तमस्मै ।  
आ नः पुत्रा अदितेर्यान्तु यज्ञम् ।  
आदित्यासः पथिभिर्-देवयानैः । 7 (10)

**T.B.2.8.2.2**

अस्मै कामं दाशुषे सन्नमन्तः । पुरोडाशं घृतवन्तं जुषन्ताम् ।  
स्कभायत निर्ऋतिं सैधतामतिम् । प्र रश्मिभिर् यतमाना अमृधाः ।  
आदित्याः काम प्रयतां वषट्कृतिम् । जुषध्वं नो हव्यदातिं यजत्राः ।  
आदित्यान्-काममवसे हुवेम । ये भूतानि जनयन्तो विचिख्युः ।  
सीदन्तु पुत्रा अदितेरुपस्थम् । स्तीर्णं बर्हिर्हविरद्याय  
देवाः । 8 (10)

**T.B.2.8.2.3**

स्ती॒र्णं॑ ब॒र्हिः॑ सी॒दता॑ य॒ज्ञे अ॒स्मिन् । धा॒जाः से॒धन्तो॑ अ॒म॒तिं॑  
दु॒रे॒वाम्॑ । अ॒स्मभ्यं॑ पु॒त्रा अ॒दि॒तेः प्र॒य॒त्स॒त । आ॒दि॒त्याः का॒म ह॒विषो॑  
जुषा॒णाः । अ॒ग्ने न॒य सु॒प॒था रा॒ये अ॒स्मान् । वि॒श्वानि॑ दे॒व व॒यु॒नानि॑  
वि॒द्वान् । यु॒यो॒ध्य॒स्म-ज्जु॒हुरा॒णमे॒नः । भू॒यि॒ष्ठां ते॒ नम॑ उ॒क्तिं वि॑धेम ।  
प्र॒वः शु॒क्राय॑ भा॒नवे॑ भ॒रध्व॑म् । ह॒व्यं म॒तिं चा॒ग्नये॑ सु॒पू॒तम् । 9 (10)

**T.B.2.8.2.4**

यो दै॒व्यानि॑ मा॒नुषा॑ ज॒नू॒षि । अ॒न्तर् वि॒श्वानि॑ वि॒द्वना॑ जिगा॒ति ।  
अ॒च्छा गि॒रो म॒तयो॑ दे॒वय॑न्तीः । अ॒ग्निं य॑न्ति द्र॒विणं॑ भि॒क्षमा॑णाः ।  
सु॒सं॒दृश॑ सु॒प्र॒ती॒क॒ स्व॒ञ्च॑म् । ह॒व्यवा॑ह॒म॒र॒तिं मा॒नुषा॑णाम् ।  
अ॒ग्ने त्व॑म॒स्मद्-यु॒यो॒ध्यमी॑वाः । अ॒न॒ग्नि॒त्रा अ॒भ्य॑म॒न्त कृ॒ष्टीः ।  
पु॒न॒र॒स्मभ्य॑ सु॒वि॒ताय॑ दे॒व । क्षां वि॑श्वे॒भिर॒जरे॑भिर्-य॒जत्र॑ । 10 (10)

**T.B.2.8.2.5**

अ॒ग्ने त्वं॑ पा॒रया॑ न॒व्यो अ॒स्मान् । स्व॒स्ति॒भिर॑ति दु॒र्गाणि॑ वि॒श्वा ।  
पू॒श्च पृ॒थ्वी ब॒हु॒ला न॑ उ॒र्वी । भ॒वा तो॑का॒य त॑नया॒य शं योः॑ ।  
प्र॒ का॒रवो॑ म॒न॒ना व॒च्य॑मा॒नाः । दे॒व॒द्री॒चीं न॑यथ दे॒वय॑न्तः ।

दक्षि॒णा॒वाङ्-वा॒जिनी॒ प्रा॒च्येति॑ । ह॒विर्भ॑रन्त्य॒ग्नये॑ घृ॒ताची॑ ।

"इन्द्रं॑ नरो॑ {51} "यु॒जे रथ॑म् {52}" । ज॒गृ॒भ्णा ते॒ दक्षि॑णामिन्द्र॒  
हस्त॑म् । 11 (10)

**T.B.2.8.2.6**

व॒सू॒यवो॑ व॒सुप॑ते व॒सूना॑म् । वि॒द्मा हि॑ त्वा गो॒पति॑ꣳ शूर॒ गोना॑म् ।  
अ॒स्मभ्यं॑ चि॒त्रं वृ॑षणꣳ रयिं॑ दाः । तवे॑दं वि॒श्वम॑भितः प॒शव्य॑म् ।  
यत् प॒श्यसि॑ चक्ष॒सा सूर्य॑स्य । गवा॑मसि गो॒पति॑रेक॒ इन्द्र॑ । भक्षी॑महि॒  
ते प्र॑यतस्य व॒स्वः । समि॑न्द्र णो॒ मन॑सा नेषि गो॒भिः । सꣳ सूरि॑भिर्  
मघ॑वन्त् सꣳ स्व॒स्त्या । सं ब्र॑ह्मणा दे॒वकृतं॑ यदस्ति । 12 (10)

**T.B.2.8.2.7**

सं दे॒वानाꣳ सु॑म॒त्या य॒ज्ञिया॑नाम् । आ॒राच्छ॑त्रु-मप॒बाध॑स्व दूर॑म् ।  
उ॒ग्रो यः॑ श॒म्बः पु॑रुहू॒त तेन॑ । अ॒स्मो धे॑हि यव॑मद्गो॒मदिन्द्र॑ ।  
कृ॒धी धि॑यं ज॒रित्रे॑ वा॒जर॑त्नाम् । "आ॒वे॒धसꣳ {53}" स हि॑ शु॒चिः ।  
बृ॒हस्प॑तिः प्रथ॑मं जा॒यमा॑नः । महो॑ ज्योतिषः पर॑मे व्यो॒मन् ।  
स॒प्तास्य॑स्तुविजा॒तो रवे॑ण । वि स॒प्तर॑श्मि॒रध॑मत्तमाꣳसि । 13 (10)

**T.B.2.8.2.8**

बृ॒ह॒स्प॒तिः॑ स॒म॒ज॒य॒द्-व॒सू॒नि । म॒हो व्र॒जान् गो॒म॒तो दे॒व ए॒षः ।  
 अ॒पः सि॒षास॒न्त्-सु॒वर प्र॒ती॒त्तः । बृ॒ह॒स्प॒तिर्ह॒न्त्य॒मि॒त्र-म॒र्कैः ।  
 "बृ॒ह॒स्प॒ते पर् {54}" "ये॒वा पि॒त्रे {55}" । "आ नो॑ दि॒वः {56}"  
 "पा॒वी॒र॒वी {57}" । "इ॒मा जु॒ह्वा॒ना {58}" "य॒स्ते स्त॒नः {59}" ।  
 "स॒र॒स्व॒त्य॒भि नो॑ नै॒षि {60}" । इ॒य॒श् शु॒ष्मे॒भिर्बि॒स॒खा इ॒वा॒रु॒ज॒त् ।  
 सा॒नु गि॒री॒णां त॒वि॒षे॒भिर्मु॒र्मि॒भिः ( ) । पा॒रा॒व॒द॒घ्नी॒म॒व॒से सु॒वृ॒त्ति॒भिः ।  
 स॒र॒स्व॒ती-मा॒वि॒वा॒से॒म धी॒ति॒भिः । 14 (12) (दे॒व॒या॒नैर्- दे॒वाः -  
 सु॒पू॒तं-यँ॒ज॒त्र-ह॒स्त-म॒स्ति-त॒मा-स्यु॒र्मि॒भिर् द्वे च॑) (A2)

**2.8.3 अनुवाकं 3 – सौम्यादीनां सूक्तानि**

**T.B.2.8.3.1**

सो॒मो धे॒नु॒श् सो॒मो अ॒र्व॒न्त॒मा॒शु॒म् । सो॒मो वी॒रं क॒र्म॒ण्यं द॒दा॒तु ।  
 सा॒द॒न्यं वि॒द॒थ्य॒श् स॒भे॒य॒म् । पि॒तुः श्र॒व॒णं यो॑ द॒दा॒श॒द॒स्मै ।  
 "अ॒षा॒ढं यु॒थ्सु {61}" त्व॒श् सो॒म क्र॒तु॒भिः । "या ते॑ धा॒मा॒नि ह॒वि॒षा  
 य॒ज॒न्ति {62}" । त्व॒मि॒मा ओ॒ष॒धीः सो॒म वि॒श्वाः ।

त्वम॒पो अ॒जनय॑स्त्वं गाः । त्वमा॑ततन्थो॒र्वन्तरि॑क्षम् ।

त्वं ज्योति॑षा वित॒मो वव॑र्थ । 15 (10)

**T.B.2.8.3.2**

या ते॒ धामा॑नि दि॒वि या पृ॑थिव्याम् । या पर्व॑तेष्वोष॒धीष्वप्सु॑ ।

तेभि॑र्नो विश्वैः॑ सु॒मना॑ अहे॒डन् । राज॑न्त् सोम॒ प्रति॑ ह॒व्या गृ॑भाय ।

"विष्णो॑र्नु कं {63}" "तद॑स्य प्रि॒यम् {64}" । "प्र॒तद् विष्णुः॑ {65}" ।

परो॒ मात्र॑या त॒नुवा॑ वृ॒धान । न ते॒ महि॑त्व-मन्व॑श्नुवन्ति । उ॒भे ते॒

विद्म॑ रज॒सी पृ॑थिव्या विष्णो॑ दे॒व त्वम् । पर॑मस्य वि॒थ्से । 16 (10)

**T.B.2.8.3.3**

"विच॑क्रमे {66}" "त्रि॑र्दे॒वः {67}" । "आ ते॒ महो॑ {68}" "यो जा॒त

ए॒व {69}" । "अभि॑ गो॒त्राणि॑ {70}" । आभिः॑ स्पृ॒धो मि॑थती-

ररि॑षण्यन् । अमि॑त्रस्य व्यथ॒या मन्यु॑मिन्द्र । आभिर्वि॑श्वा अभि॒युजो॑

विषू॑चीः । आर्या॑य वि॒शोऽव॑तारी॒र्दासीः॑ । अय॑ञ् शृ॒ण्वे अ॒ध ज॑यन्नु॒त

घ्नन् । अ॒यमु॑त प्र॒कृणु॑ते यु॒धा गाः । य॒दा स॒त्यं कृ॑णु॒ते म॒न्युमिन्द्रः॑ ।

17 (10)

**T.B.2.8.3.4**

वि॒श्वं दृ॒ढं भ॑यत ए॒जद॑स्मात् । अनु॑ स्व॒धा-म॑क्षरन्नापो॑ अस्य ।  
 अव॑र्धत म॒ध्य आ॒ ना॒व्याना॑म् । स॒ध्रीची॑नेन॒ मन॑सा तमिन्द्र॒ ओजि॑ष्ठेन ।  
 ह॒न्मना॑ऽह॒न्नभि॑द्यून् । म॒रुत्व॑न्तं वृ॒षभं॑ वावृ॒धान॑म् । अ॒क॒वारिं॑ दि॒व्यञ्  
 शा॒समिन्द्र॑म् । वि॒श्वासा॑ह॒मव॑से नू॒तना॑य । उ॒ग्रञ् स॒हो॒दामि॑ह  
 तञ् हु॒वेम॑ । ज॒निष्ठा॒ उ॒ग्रः स॒हसे॑ तु॒राय॑ । 18 (10)

**T.B.2.8.3.5**

म॒न्द्र ओजि॑ष्ठो बहु॒लाभि॑मानः । अव॑र्धन्निन्द्रं म॒रुत॑श्चि॒दत्र॑ ।  
 मा॒ता यद्-वी॑रं द॒धन॑द्धनिष्ठा । क्व॑ स्या वो॑ म॒रुतः॑ स्व॒धाऽऽसी॑त् ।  
 यन् मा॑मेकञ् स॒मध॑त्ताहि॒हत्ये॑ । अ॒हञ् ह्यु॑ग्रस्तविष-स्तुवि॒ष्मान् ।  
 वि॒श्वस्य॑ श॒त्रो॒रन॑मं व॒धस्नैः॑ । वृ॒त्रस्य॑ त्वा श्व॒सथा॑दी॒षमा॑णाः । वि॒श्वे  
 दे॒वा अ॑ज॒हुर्ये॑ स॒खायः॑ । म॒रुद्भि॑रिन्द्र स॒ख्यं ते॑ अस्तु । 19 (10)

**T.B.2.8.3.6**

अथे॒मा वि॒श्वाः पृ॑त॒ना ज॑यासि । व॒धीं वृ॒त्रं म॑रुत इन्द्रि॒येण॑ ।  
 स्वे॒न भा॑मे॒न त॒विषो॑ ब॒भूवा॑न् । अ॒हमे॒ता म॑नवे वि॒श्वश्चन्द्राः॑ ।  
 सु॒गा अ॒पश्च॑कर व॒ज्रबा॑हुः । स यो॑ वृ॒षा वृ॑ष्णिये॒भिः स॒मो॒काः ।

म॒हो दि॒वः पृ॒थि॒व्याश्च॑ स॒म्राट् । स॒ती॒नस॑त्त्वा ह॒व्यो भ॑रेषु ।  
म॒रु॒त्वान्नो॑ भ॒वत्वि॒न्द्र ऊ॒ती । इ॒न्द्रो वृ॒त्रम॑तरद्-वृ॒त्रतू॑र्ये ॥ 20 (10)

**T.B.2.8.3.7**

अ॒नाधृ॑ष्यो म॒घवा॑ शू॒र इ॒न्द्रः । अ॒न्वे॒नं वि॒शो अ॑मदन्त पू॒र्वीः ।  
अ॒य॒ राजा॑ ज॒गतश्च॑र॒षणी॑नाम् । स ए॒व वी॑रः स उ॒ वी॒र्या॑वान् ।  
स ए॒करा॑जो ज॒गतः प॑र॒स्याः । य॒दा वृ॒त्रम॑तरच्छू॒र इ॒न्द्रः । अ॒था  
भ॒वद्मि॒ताऽभि॑क्र॒तूना॑म् । इ॒न्द्रो य॒ज्ञं व॑र्धयन् वि॒श्ववे॑दाः । पु॒रोडा॑शस्य  
जुष॒ता ह॒विर्नः॑ । वृ॒त्रं ती॒र्त्वा दा॑न॒वं व॑ज्र॒बाहुः॑ ॥ 21 (10)

**T.B.2.8.3.8**

दि॒शोऽदृ॑ ह॒द्दृहि॑ता दृ॒हणे॑न । इ॒मं य॒ज्ञं व॑र्धयन् वि॒श्ववे॑दाः ।  
पु॒रोडा॑शं प्र॒तिगृ॑भ्णा॒त्वि॒न्द्रः । य॒दा वृ॒त्रम॑तरच्छू॒र इ॒न्द्रः । अ॒थैकरा॑जो  
अ॒भ॒वज्ज॑नानाम् । इ॒न्द्रो दे॒वाञ्छ॑म्बर॒हत्य॑ आवत् । इ॒न्द्रो दे॒वाना॑-  
म॒भवत् पु॑रो॒गाः । इ॒न्द्रो य॒ज्ञे ह॒विषा॑ वावृ॒धानः॑ । वृ॒त्रतू॑र्णो अ॒भय॑  
श॒र्म य॑स्यत् । यः स॒प्त सि॒न्धू र॑दधात्-पृ॒थि॒व्याम् ( ) । यः स॒प्त  
लो॒कान॑कृ॒णोद्-दि॑शश्च । इ॒न्द्रो ह॒विष्मा॑न्थ-स॒गणो॑ म॒रुद्भिः॑ ।



वृ॒त्र॒तू॒र्णो॑ य॒ज्ञ॒मि॒हो॒प॒या॒सत् । 22 (13)

(व॒व॒र्थ – वि॒थ्स – इ॒न्द्र – स्तु॒रा – या॒स्तु – वृ॒त्र॒तू॒र्ये – व॒ज्र॒बा॒हुः  
– पृ॒थि॒व्यां॑ त्री॒णि॑ च) (A3)

#### 2.8.4 अनुवाकं 4 – अभिमातिहैन्द्रादिपशूनां सूक्तानि

##### T.B.2.8.4.1

इ॒न्द्र – स्त॒र॒स्वा – न॒भि॒मा॒ति॒हो॒ग्रः॑ । हि॒र॒ण्य॒वा॒शी – रि॒षि॒रः॑ सु॒व॒र्षाः॑ ।  
तस्य॑ वय॑ सु॒म॒तौ॑ य॒ज्ञि॒य॒स्य॑ । अ॒पि॑ भ॒द्रे॑ सौ॒म॒न॒से॑ स्या॒म ।  
हि॒र॒ण्य॒व॒र्णो॑ अ॒भयं॑ कृ॒णो॒तु॑ । अ॒भि॒मा॒ति॒है॒न्द्रः॑ पृ॒त॒ना॒सु॑ जि॒ष्णुः॑ ।  
स नः॑ श॒र्म त्रि॒व॒रू॒थं॑ वि॒य॑सत् । यू॒यं पा॒त स्व॒स्ति॒भिः॑ स॒दा॒नः॑ ।  
इ॒न्द्र॑ स्तु॒हि व॒ज्रि॒ण॑ स्तो॒म॒पृ॒ष्ठम्॑ । पु॒रो॒डा॒श॒स्य॑ जु॒ष॒ता॑  
ह॒वि॒र्नः॑ । 23 (10)

##### T.B.2.8.4.2

ह॒त्वा॒भि॒मा॒तीः॑ पृ॒त॒नाः॑ स॒ह॒स्वा॒न् । अ॒था॒भयं॑ कृ॒णु॒हि वि॒श्व॒तो॑ नः॑ ।  
स्तु॒हि शू॒रं व॒ज्रि॒ण – म॒प्र॒ती॒तम्॑ । अ॒भि॒मा॒ति॒ह॒नं॑ पु॒रु॒हू॒त॒मि॒न्द्रम्॑ ।  
य ए॒क इ॒च्छ॒त॒प॒ति॒र्ज॒ने॒षु॑ । तस्मा॑ इ॒न्द्रा॒य ह॒वि॒रा॒जु॒हो॒त॑ ।

इन्द्रो दे॒वाना॑मधि॒पाः पु॒रोहि॑तः । दि॒शां प॑तिर॒भवद्-वा॑जिनी॒वान् ।  
अभि॑माति॒हा त॑विषस्तुवि॒ष्मान् । अ॒स्मभ्यं॑ चि॒त्रं वृ॑षण्  
रयिं॑ दा॒त् । 24 (10)

**T.B.2.8.4.3**

य इ॒मे द्या॑वापृथि॒वी म॑हि॒त्वा । ब॒लेना॑दृ॒हद॑भिमाति॒हेन्द्रः॑ ।  
स नो॑ ह॒विः प्र॑तिगृ॒ष्णातु॑ रा॒तये॑ ॥ दे॒वानां॑ दे॒वो नि॑धि॒पा नो॑ अ॒व्यात् ।  
"अ॒नव॑स्ते रथं {71}" "वृ॒ष्णे य॑त्ते {72} । "इन्द्र॑स्य नु वी॒र्या {73}  
"ण्य॑हन्नहि॒म् {74} । इन्द्रो॑ या॒तोऽव॑सितस्य रा॒जा ॥  
श॒मस्य॑ च शृ॒ङ्गिणो॑ वज्र॒बाहुः॑ । से॒दु रा॒जा क्षे॑ति चर्ष॒णीना॑म् ।  
अ॒रान्न॑ ने॒मिः प॑रि॒ता ब॑भूव । 25 (10)

**T.B.2.8.4.4**

अ॒भि सि॒ध्मो अ॑जिगादस्य श॒त्रून् । वि ति॒ग्मेन॑ वृष॒भेणा॑ पु॒रोऽभे॑त् ।  
सं वृ॒ज्रेणा॑सृजद्-वृ॒त्रमिन्द्रः॑ । प्र स्वां॑ म॒तिम॑तिरच्छाश॒दानः॑ ।  
विष्णुं॑ दे॒वं वृ॑रुणमू॒तये॑ भ॒गम् । मे॒दसा॑ दे॒वा व॑पया यजध्वम् ।  
ता नो॑ य॒ज्ञमा॑गतं वि॒श्वधे॑ना । प्र॒जाव॑दस्मे द्रवि॒णेह॑ ध॒त्तम् ।

मे॒द॒सा दे॒वा व॒प॒या य॒ज॒ध्वम् । वि॒ष्णुं च दे॒वं व॑रु॒णं च रा॒तिम् । 26

(10)

**T.B.2.8.4.5**

ता नो॑ अमी॒वा अप॑बा॒धमा॑नौ । इ॒मं य॑ज्ञं जु॒षमा॑णावु॒पेत॑म् ॥  
वि॒ष्णूव॑रु॒णा यु॒वम॑ध्व॒राय॑ नः । वि॒शे ज॑नाय॒ महि॑ श॒र्म य॑च्छ॒तम् ।  
दी॒र्घप्र॑य॒ज्यू ह॒विषा॑ वृ॒धाना॑ । ज्यो॒तिषा॑ऽरा॒तीर्द॑हतं॒ तमा॑सि ।  
ययो॑रो॒जसा॑ स्क्वि॒ता र॒जासि॑ । वी॒र्ये॑भिर् वी॒रत॑मा श॒विष्ठा॑ ।  
या प॒त्येते॑ अप्र॒तीत्ता॑ स॒होभिः॑ । वि॒ष्णू अ॒गन्व॑रु॒णा पू॒र्वहू॑तौ । 27 (10)

**T.B.2.8.4.6**

वि॒ष्णूव॑रु॒णा व॒भि॒श॒स्ति॒पा वा॑म् । दे॒वा य॑जन्त॒ हवि॑षा घृ॒तेन॑ ।  
अपा॑मी॒वा स॑ेध॒त र॑क्ष॒सश्च॑ । अथा॑ ध॒त्तं य॑ज॒माना॑य शं योः ।  
अ॒होमु॑चा वृष॒भा सु॒प्रतू॑र्ती । दे॒वानां॑ दे॒वत॑मा श॒चिष्ठा॑ ।  
वि॒ष्णूव॑रु॒णा प्र॑ति॒हर्य॑तं नः । इ॒दं न॒रा प्र॑य॒तमू॑तये॒ हविः॑ । म॒ही नु॑  
द्या॒वापृ॑थि॒वी इ॒ह ज्ये॑ष्ठे । रु॒चा भ॑व॒ता शु॒चय॑द्भि॒रर्केः॑ । 28 (10)

**T.B.2.8.4.7**

यथ्सीं॑ व॒रि॒ष्ठे बृ॑ह॒ती वि॒मि॒न्वन् । नृ॒वद्भ्यो॑ऽक्षा प॒प्रथा॑ने॒भिरे॑वैः ।

प्र पूर्वजे पितरा नव्यसीभिः । गीर्भिः कृणुध्वँ सदने ऋतस्य ।  
 आ नो द्यावापृथिवी दैव्येन । जनेन यातं महि वां वरूथम् ।  
 स इथस्वपा भुवनेष्वास । य इमे द्यावापृथिवी जजान । उर्वी गभीरे  
 रजसी सुमेके । अवँशो धीरः शच्या समैरत् । 29 (10)

**T.B.2.8.4.8**

भूरिं द्वे अचरन्ती चरन्तम् । पद्वन्तं गर्भमपदी दधाते । नित्यं न सूनुं  
 पित्रोरुपस्थे । तं पिपृतँ रोदसी सत्य वाचम् । इदं द्यावापृथिवी  
 सत्यमस्तु । पितर्-मातर्-यदिहोपब्रुवे वाम् । भूतं देवानामवमे  
 अवोभिः । विद्यामेषं वृजनं जीरदानुम् । उर्वी पृथ्वी बहुले दूरे अन्ते ।  
 उपब्रुवे नमसा यज्ञे अस्मिन् ( ) । दधाते ये सुभगे सुप्रतूर्ति ।  
 द्यावा रक्षतं पृथिवी नो अभ्वात् । "या जाता ओषधयो {75},  
 "ऽति विश्वाः परिष्ठाः {76}" । "या ओषधयः सोमराज्ञी {77}  
 "रश्वावतीँ सोमवतीम् {78}" । "ओषधीरिति मातरो {79}  
 "ऽन्या वो अन्यामवतु {80} । 30 (15)

(ह॒वि॒र्नो॑ – दा॒द् – ब॒भू॒व – रा॒तिं॑ – पू॒र्व॒हू॒ता – व॒र्के॑ – रै॒र दृ॑  
द॒स्मिन् प॒ञ्च च॑) (A4)

### 2.8.5 अनुवाकं 5 – ऐन्द्राग्नपश्वादीनां सूक्तानि

#### T.B.2.8.5.1

"शु॒चिं नु॑ स्तो॒म॒ {81}" , "श्न॑थ॒द्-वृ॒त्रम् {82}" । "उ॒भा  
वा॒मिन्द्रा॑ग्नी {83}, "प्र॑च॒र्ष॒णिभ्यः॑ {84}" । "आ वृ॒त्रह॑णा {85}"  
"गी॒र्भिर्-वि॒प्रः {86}" । ब्र॒ह्म॒णस्प॑ते त्वमस्य यन्ता ।  
सू॒क्तस्य॑ बो॒धि तन॑यं च जि॒न्व । वि॒श्वं तद्-भ॒द्रं य॑दवन्ति दे॒वाः ।  
बृ॒ह॒द्वदे॑म वि॒दथे॑ सु॒वीराः॑ । स ई॒र् स॒त्येभिः॑ स॒खिभिः॑ शु॒चि॒द्भिः॑ ।  
गो॒धाय॑स॒म्वि ध॑न॒सैर॑तर्दत् । ब्र॒ह्म॒णस्प॑तिर्-वृ॒षभि॑र्व॒राहैः॑ । 31 (10)

#### T.B.2.8.5.2

घ॒र्मस्वे॑देभिर्-द्र॒विणं॑ व्या॒नट् । ब्र॒ह्म॒णस्प॑ते-र॒भव॑द्यथा व॒शम् । स॒त्यो  
म॒न्युर्म॑हि क॒र्मा करि॑ष्यतः । यो गा उ॒दाज॑त्स दि॒वे वि॑ चा॒भज॑त् ।  
म॒हीव॑ रीतिः श॒वसा॑ सर॒त् पृथ॑क् । इ॒न्धा॒नो अ॒ग्निं व॑नवद्वनुष्यतः ।  
कृ॒तब्र॑ह्मा शू॒शुव॑द्-रा॒तह॑व्य इ॒त् । जा॒तेन॑ जा॒तम॑ति सृ॒त् प्र॑सृ॒त्सते॑ ।

यं॑ यं॑ यु॒जं कृ॒णुते॑ ब्र॒ह्म॒ण॒स्पतिः॑ । ब्र॒ह्म॒ण॒स्पते॑ सु॒यम॑स्य  
वि॒श्वहा॑ ॥ 32 (10)

**T.B.2.8.5.3**

रा॒यः स्या॑म र॒थ्यो वि॒वस्व॑तः । वी॒रेषु॑ वी॒राꣳ उ॒पपृ॑डि॒न्धि न॒स्त्वम् ।  
यदी॑शानो ब्र॒ह्म॒णा वे॒षि मे॑ ह॒वम् । स इ॒ज्जने॑न स वि॒शा स जन्म॑ना ।  
स पु॒त्रैर्वा॑जं भ॒रते॑ ध॒ना नृ॑भिः । दे॒वानां॑ यः पि॒तर॑मा॒विवा॑सति ।  
श्र॒द्धाम॑ना ह॒विषा॑ ब्र॒ह्म॒ण॒स्पति॑म् । "या॒स्ते पू॒षन्ना वो॑ अ॒न्तः {87}" ।  
"शु॒क्रं ते॑ अ॒न्यत् {88}" , "पू॒षेमा॑ आ॒शाः {89}" ।  
प्र॒पथे॑ प॒थाम॑जनिष्ट पू॒षा । 33 (10)

**T.B.2.8.5.4**

प्र॒पथे॑ दि॒वः प्र॒पथे॑ पृ॒थि॒व्याः । उ॒भे अ॒भि प्रि॒यत॑मे स॒धस्थे॑ ॥  
आ च॑ प॒रा च॑ च॒रति॑ प्र॒जान॑न् । पू॒षा सु॒बन्धु॑र्दिव आ पृ॒थि॒व्याः ।  
इ॒डस्प॑तिर्-म॒घवा॑ द॒स्मव॑र्चाः । तं दे॒वासो॑ अ॒ददुः॑ सू॒र्यायै॑ ॥ का॒मेन॑  
कृ॒तं तव॑सꣳ स्व॒ञ्चम् । अ॒जाश्चः॑ प॒शुपा॑ वा॒जव॑स्त्यः । धि॒यंजि॑न्वो  
वि॒श्वे भु॒वने॑ अ॒र्पितः॑ ॥ अ॒ष्टां पू॒षा शि॒थिरा॑मु॒द्वरी॑वृ॒जत् । 34 (10)

**T.B.2.8.5.5**

संच॑क्षा॒णो भुव॑ना दे॒व ई॑यते । शु॒ची वो ह॒व्या म॑रुतः शु॒चीना॑म् ।  
 शु॒चि॑ हिनो॒म्यध्व॑र शु॒चिभ्यः॑ । ऋ॒तेन॑ स॒त्यमृ॑तसाप॒ आय॑न् ।  
 शु॒चिज॑न्मानः शु॒चयः॑ पाव॒काः । प्र चि॒त्रम॑र्कं गृ॒णते॑ तुरा॒य । मा॒रुता॑य  
 स्व॒तव॑से भर॒ध्वम् । ये सहा॑सि स॒हसा॑ सह॒न्ते । रे॒जते॑ अ॒ग्ने  
 पृथि॑वी म॒खेभ्यः॑ । अ॒से॒ष्वा म॑रुतः खा॒दयो॑ वः । 35 (10)

**T.B.2.8.5.6**

वक्षः॑सु रु॒क्मा उप॑शि॒श्रिया॑णाः । वि वि॒द्युतो॑ न वृ॒ष्टिभी॑ रु॒चानाः॑ ।  
 अनु॑ स्व॒धामा॑युधैर्-यच्छ॒मानाः॑ । या वः श॒र्म श॑श॒मानाय॑ सन्ति ।  
 त्रिधा॑तूनि दा॒शुषे॑ यच्छ॒ताधि॑ । अ॒स्मभ्यं॑ तानि म॒रुतो॑ वि॒यन्त॑ । रयिं॑ नो  
 धत्त॑ वृष॒णः सु॒वीर॑म् । इ॒मे तुरं॑ म॒रुतो॑ रा॒मय॑न्ति । इ॒मे स॒हः स॒हस॑  
 आ॒नम॑न्ति । इ॒मे श॒सं व॑नुष्य॒तो नि॑पान्ति । 36 (10)

**T.B.2.8.5.7**

गुरु॑द्वेषो अ॒ररु॑षे दध॒न्ति । अ॒रा इ॒वेद॑च॒रमा॑ अ॒हेव॑ । प्र प्र॒जाय॑न्ते  
 अ॒कवा॑ महो॒भिः । पृ॒श्नेः पु॒त्रा उप॑मासो र॒भिष्ठाः॑ । स्व॒या म॒त्या  
 म॒रुतः॑ संमि॒मिक्षुः॑ । अनु॑ ते दा॒यि मह॑ इन्द्रि॒याय॑ । स॒त्रा ते॑ वि॒श्वम॑नु

वृ॒त्रह॑त्ये । अनु॑ क्ष॒त्रम॒नु स॒हो य॑जत्र । इन्द्र॑ दे॒वेभि॒रनु॑ ते नृ॒षह्ये॑ ।  
य इन्द्र॑ शु॒ष्मो म॒घव॑न्ते अ॒स्ति । 37 (10)

**T.B.2.8.5.8**

शि॒क्षा स॒खिभ्यः॑ पु॒रुहू॑त नृ॒भ्यः । त्व॑ हि दृ॒ढा म॒घव॑न् वि॒चेताः॑ ।  
अपा॑वृ॒धि परि॑वृ॒तिं न रा॑धः । इन्द्रो॑ राजा जग॑तश्चर्ष॒णीना॑म् ।  
अधि॑क्षमि वि॒षुरूपं॑ यद॒स्ति । ततो॑ ददा॒तु दा॒शुषे॑ व॒सूनि॑ । चो॒दद्रा॑ध  
उप॑स्तुतश्चि॒दर्वाक् । तमु॑ षु॒हि यो अ॒भिभू॑त्यो॒जाः । व॒न्वन्न॑वातः  
पु॒रुहू॑त इन्द्रः॑ । अषा॑ढमु॒ग्रं स॒हमा॑नमा॒भिः ( ) । 38 (10)

**T.B.2.8.5.9**

गी॒र्भिर्व॑र्ध वृ॒षभं॑ चर्ष॒णीना॑म् । स्थू॒रस्य॑ रा॒यो बृ॒हतो॑ य ई॒शे ।  
तमु॑ ष॒वाम वि॒दथे॑ष्विन्द्र॒म् । यो वा॒युना॑ जय॒ति गो॑मतीषु ।  
प्र धृ॑ष्णु॒या न॑यति व॒स्यो अ॒च्छ । आ ते॑ शु॒ष्मो वृ॒षभ॑ ए॒तु प॒श्चात् ।  
ओ॒त्तरा॑दधरागा पु॒रस्ता॑त् । आ वि॒श्वतो॑ अ॒भि स॒मेत्व॑र्वाङ् ।  
इन्द्र॑ द्यु॒म्नं सु॒वर्व॑द्धे॒ह्यस्मे॑ । 39 (9)

(व॒राहैर् - वि॒श्वहा॑ - ऽज॒निष्ट॑ पू॒षो - द॒रीवृ॑जत् - खा॒दयो॑ वः -



पान् – त्यस्त – याभिर् – + नव च) (A5)

## 2.8.6 अनुवाकं 6 – सावित्रादिपशूनां सूक्तानि

### T.B.2.8.6.1

आ दे॒वो या॒तु स॒विता सु॒रत्नः॑ । अ॒न्तरि॑क्ष॒प्रा वह॑मानो अ॒श्वैः॑ ॥ ह॒स्ते  
द॒धानो॑ न॒र्या पु॒रूणि॑ । नि॒वेश॑यन् च प्र॒सुवन् च॑ भू॒म । अ॒भीवृ॑तं  
कृ॒शनैर् विश्व॑रूपम् । हि॒रण्य॑श॒म्यं य॑जतो बृ॒हन्त॑म् । आ॒स्थाद्-रथ॑  
स॒विता चि॒त्रभा॑नुः । कृ॒ष्णा र॒जाँसि॑ त॒विषीं॑ द॒धानः॑ । स॒घा नो॑ दे॒वः  
स॒विता स॒वाय॑ । आ॒सावि॑षद्-व॒सुप॑तिर्-व॒सूनि॑ । 40 (10)

### T.B.2.8.6.2

वि॒श्रय॑माणो अ॒मति॑मु॒रूची॑म् । म॒र्तभो॑जनम॒ध रा॑सते न ।  
वि ज॒नाञ्छ॑यावाः शि॒तिपा॑दो अ॒ख्यन् । रथ॑ हिर॒ण्य प्र उ॑गं व॒हन्तः॑ ।  
श॒श्वद्-दि॑शः स॒वितु॑र्-दै॒व्यस्य॑ । उ॒पस्थे॑ वि॒श्वा भु॑वनानि तस्थुः ।  
वि सु॒पर्णो॑ अ॒न्तरि॑क्षाण्य॒ख्यत् । ग॒भीर॑वे॒पा अ॒सुरः॑ सु॒नीथः॑ ।  
क्वे॒दानी॑ सूर्यः कश्चि॑केत । क॒तमां॑ द्या र॒श्मिर॑स्यात॒तान॑ । 41 (10)

**T.B.2.8.6.3**

भगं धियं वाजयन्तः पुरन्धिम् । नराशंसो ग्नास्पतिर्नो अव्यात् ।  
आऽये वामस्य संगथे रयीणाम् । प्रिया देवस्य सवितुः स्याम ।  
आ नो विश्वे अस्क्रा गमन्तु देवाः । मित्रो अर्यमा वरुणः सजोषाः ।  
भुवन् यथा नो विश्वे वृधासः । करन्थ सुषहा विथुरं न शवः । शं  
नो देवा विश्वदेवा भवन्तु । शं सरस्वती सह धीभिरस्तु । 42 (10)

**T.B.2.8.6.4**

शमभिषाचः शमु रतिषाचः । शं नो दिव्याः पार्थिवाः शं नो अप्याः ।  
ये सवितुः सत्यसवस्य विश्वे । मित्रस्य व्रते वरुणस्य देवाः ।  
ते सौभगं वीरवद्गोमदप्लः । दधातन द्रविणं चित्रमस्मे । अग्ने याहि  
दूत्यं वारिषेण्यः । देवां अच्छा ब्रह्मकृता गणेन । सरस्वतीं मरुतो  
अश्विनाऽपः । यक्षि देवान् रत्नधेयाय विश्वान् । 43 (10)

**T.B.2.8.6.5**

द्यौः पितः पृथिवि मातरधुक् । अग्ने भ्रातर्वसवो मृडता नः ।  
विश्व आदित्या आदिते सजोषाः । अस्मभ्यं शर्म बहुलं वियन्त ।  
विश्वे देवाः शृणुतेमं हवं मे । ये अन्तरिक्षे य उप द्यवि ष्ट ।

ये॒ अ॒ग्नि॒जि॒ह्वा॒ उ॒त॒ वा॒ य॒ज॒त्राः॑ । आ॒सद्-या॒स्मिन् ब॒र्हि॒षि॒  
मा॒दय॑ध्वम् । आ॒ वां॑ मि॒त्रा॒व॒रु॒णा ह॒व्य॒जु॒ष्टिम् । न॒म॒सा दे॒वा  
व॒व॒साऽऽव॑वृ॒त्याम् । 44 (10)

**T.B.2.8.6.6**

अ॒स्माकं॑ ब्र॒ह्म पृ॒त॒ना॒सु स॒ह्या अ॒स्माक॑म् । वृ॒ष्टिर्-दि॒व्या सु॒पा॒रा ।  
यु॒वं व॑स्त्रा॒णि पी॒व॒सा व॒साथे॑ । यु॒वो॒र॒च्छि॒द्रा म॒न्त॒वो ह॒ सर्गाः॑ ।  
अ॒वा॒ति॒र॒त॒म॒नृ॒ता॒नि वि॒श्वा॑ । ऋ॒ते॒न मि॒त्रा॒व॒रु॒णा स॒चे॒थे । त॒थ्सु॑ वां  
मि॒त्रा॒व॒रु॒णा म॒हि॒त्वम् । ई॒र्मा त॒स्थु॒षी॒र॒ह॒भिर्-दु॒दु॒हे । वि॒श्वाः पि॒न्व॒थ  
स्व॒स॒र॒स्य धे॒नाः॑ । अ॒नु वा॒मे॒कः प॒वि॒रा॒व॒व॒र्ति । 45 (10)

**T.B.2.8.6.7**

य॒द्व॒हि॒ष्ठं ना॒ति॒वि॒दे सु॒दा॒नू । अ॒च्छि॒द्र॒श्म॑ भु॒व॒न॒स्य गो॒पा । ततो॑  
नो॑ मि॒त्रा॒व॒रु॒णा-व॒वी॒ष्टम् । सि॒षा॒स॒न्तो जी॒गि॒वा॒सः॑ स्या॒म । आ॒ नो॑  
मि॒त्रा॒व॒रु॒णा ह॒व्य॒दा॒तिम् । घृ॒तैर्-ग॒व्यू॒ति॒मु॒क्ष॒त॒मि॒डा॒भिः । प्र॒ति वा॒म॒त्र  
व॒र॒मा ज॒ना॒य । पृ॒णी॒त॒मु॒द्गो दि॒व्य॒स्य चा॒रोः॑ । प्र॒ बा॒ह॒वा सि॒सृ॒तं  
जी॒व॒से नः॑ । आ॒ नो॑ ग॒व्यू॒ति॒मु॒क्ष॒तं घृ॒ते॒न । 46 (10)

**T.B.2.8.6.8**

आ नो॑ जने॑ श्रवय॑तं यु॒वाना॑ । श्रु॒तं मे॑ मि॒त्रावरु॑णा हवे॑मा । इ॒मा  
रु॒द्राय॑ स्थि॒रधन्व॑ने गि॒रः । क्षि॒प्रेष॑वे दे॒वाय॑ स्व॒धाम्ने॑ । अ॒षाढा॑य  
सह॑मानाय मी॒ढुषे॑ । ति॒ग्मायु॑धाय भ॒रता॑ शृ॒णोत॑न । त्वा द॑त्तेभी रु॒द्र  
श॑न्तमेभिः । श॒त॒ꣳ हि॒मा अ॑शीय भेष॑जेभिः । व्य॑स्मद्वे॒षो वि॒तरं  
व्य॑ꣳहः । व्य॑मीवाꣳ श्रा॒तय॑स्वा वि॒षूचीः॑ । 47 (10)

**T.B.2.8.6.9**

"अ॒र्हन् बि॒भर्षि॑ {90}, "मा न॑स्तो॒के {91}" । आ ते॑ पि॒तर्म॑रुताꣳ  
सु॒म्नमे॑तु । मा नः॑ सूर्य॑स्य संदृ॒शो यु॒योथाः॑ । अ॒भि नो॑ वी॒रो अ॑र्वति  
क्ष॑मेत । प्र॒जाये॑महि रु॒द्र प्र॒जाभिः॑ । ए॒वा ब॑भ्रो वृष॑भ चे॒कितान॑ । य॒था  
दे॒व न ह॑णीषे न हꣳसि । हा॒वन॑श्रू॒र्नो रु॒द्रेह॑ बो॒धि । बृ॒हद्व॑दे॒म वि॒दथे॑  
सु॒वीराः॑ । "परि॑णो रु॒द्रस्य॑ हे॒तिः{92}", "स्तु॒हि श्रु॒तम् ( ) {93}" ।  
"मी॒ढुष्ट॑मा {94}" "र्हन् बि॒भर्षि॑ {95}" । "त्वम॑ग्ने रु॒द्र {96},  
"आ वो॑ राजा॑नम् {97}" । 48 (12) (व॒सूनि॑ – त॒ता – नास्तु॑ –  
वि॒श्वान्-व॒वृत्यां-वै॒वर्ति॑-घृ॒तेन॑-वि॒षूचीः-श्रु॒तं द्वे च॑) (A6)

**2.8.7 अनुवाकं 7 – सौर्यादिपशूनां सूक्तानि**

**T.B.2.8.7.1**

सूर्यो॑ दे॒वीमु॒षस॑ꣳ रोच॑माना मर्यः॑ । न योषाम॑भ्येति पश्चात् ।  
यत्रा॑ नरो॑ दे॒वय॑न्तो यु॒गानि॑ । वि॒तन्व॑ते प्र॒ति भ॑द्राय भद्रम् ।  
भद्रा॑ अश्वा॑ हरि॒तः सूर्य॑स्य । चि॒त्रा ए॒दग्वा॑ अनु॒माद्या॑सः । नम॑स्यन्तो  
दि॒व आ पृ॑ष्ठम॒स्थुः । परि॑ द्यावापृ॒थिवी॑ यन्ति सद्यः । तथ् सूर्य॑स्य  
दे॒वत्वं तन् म॑हि॒त्वम् । म॒ध्या क॑र्तोर्-वि॒तत॑ꣳ संज॑भार । 49 (10)

**T.B.2.8.7.2**

यदे॑दयु॒क्त ह॑रि॒तः स॒धस्था॑त् । आ॒द्रात्री॑ वास॑स्तनुते सि॒मस्मै॑ ॥  
तन् मि॒त्रस्य॑ वरु॒णस्या॑भिचक्षे ॥ सूर्यो॑ रू॒पं कृ॑णुते द्यौरु॒पस्थे॑ ॥  
अ॒नन्त॑म॒न्यद्-रु॑श॒दस्य॑ पाजः । कृ॒ष्णम॒न्यद्ध॑रि॒तः संभ॑रन्ति । अद्या  
दे॒वा उ॒दिता॑ सूर्य॑स्य । नि॒रꣳह॑सः पि॒पृता॑न्नि॒रव॑द्यात् । तन्नो॑ मि॒त्रो  
वरु॑णो मा॒मह॑न्ताम् । अ॒दि॒तिः सि॒न्धुः पृ॒थिवी॑ उ॒त द्यौः । 50 (10)

**T.B.2.8.7.3**

दि॒वो रु॒क्म उ॒रुच॑क्षा उ॒देति॑ । दू॒रे अ॒र्थस्तर॑णिर्-भ्राज॑मानः । नूनं  
जनाः॑ सूर्ये॑ण प्र॒सूताः॑ । आ॒यन्न॑र्था॒नि कृ॑णवन्नपाꣳसि । शं नो॑ भव॑

चक्ष॒सा शं॑ नो॒ अ॒ह्ना । शं॑ भानु॒ना श॑ हि॒मा शं॑ घृ॒णेन॑ । यथा॒  
शम॒स्मै शम॑सद्-दु॒रोणे॑ । तथ् सूर्य॑ द्रवि॒णं धे॑हि चि॒त्रम् । चि॒त्रं  
दे॒वाना॑-मुदगा॒दनी॑कम् । चक्षु॑र्मि॒त्रस्य॑ वरु॒णस्या॑ग्नेः । 51 (10)

**T.B.2.8.7.4**

आ॒ऽप्रा द्या॒वापृ॑थि॒वी अ॒न्तरि॑क्षम् । सूर्य॑ आ॒त्मा जग॑तस्त॒स्थुष॑श्च ।  
"त्वष्टा॑ दधत् {98}, "तन्न-स्तु॒रीप॑म् {99}" । "त्वष्टा॑ वी॒रं {100}"  
"पिशङ्ग॑रूपः {101}" । दशे॒मं त्वष्टु॑र्जनयन्त॒ गर्भ॑म् । अत॑न्द्रासो  
युव॑तयो बिभ॒र्त्रम् । ति॒ग्मानी॑क॒ स्वय॑शसं जने॒षु । वि॒रोच॑मानं  
प॒रिषीं॑ नयन्ति । आ॒विष्यो॑ वर्ध॒ते चा॑रु॒रासु॑ । जिह्वा॑नामूर्ध्वः स्वय॑शा  
उप॑स्थे । 52 (10)

**T.B.2.8.7.5**

उ॒भे त्वष्टु॑र्बिभ्यतु॒र्-जाय॑मानात् । प्र॒तीची॑ सि॒ंहं प्र॑तिजोषयेते ।  
"मि॒त्रो जना॑न् {102}, "प्र॒समि॑त्र {103}" । अयं॑ मि॒त्रो नम॑स्यः  
सु॒शेवः॑ । राजा॑ सु॒क्षत्रो॑ अजनिष्ट वे॒धाः । तस्य॑ वय॑ सु॒मतौ॑  
य॒ज्ञिय॑स्य । अपि॑ भ॒द्रे सौ॑मनसे॒ स्याम॑ । अन॑मीवा॒स इ॒डया॑

मदन्तः । मितज्मवो वरिमन्ना पृथिव्याः ।

आदित्यस्य व्रतमुपक्ष्यन्तः । 53 (10)

**T.B.2.8.7.6**

वयं मित्रस्य सुमतौ स्याम । मित्रं न ई॒ ऽ शिम्या गोषु गव्यवत् ।  
स्वाधियो विदथे॑ अ॒प्स्वजी॑जनन् । अ॒रेज॑यता॒ ऽ रो॑दसी पाजसा  
गिरा । प्रति॑ प्रियं य॒जतं॑ जनुषामवः । महा॒ ऽ आ॑दित्यो नमसोपसद्यः ।  
यातय॑ज्जनो गृणते सुशेवः । तस्मा ए॒तत् प॑न्यतमाय जुष्टम् ।  
अ॒ग्नौ मि॒त्राय॑ ह॒विरा॑जुहोत । आवा॒ ऽ रथो॑ रो॒दसी॑ बद्धधानः । 54 (10)

**T.B.2.8.7.7**

हिरण्ययो वृषभिर्यात्वश्चैः॑ । घृत॑वर्तनिः पविभी रुचानः । इषां वो॒ढा  
नृपति॑र्वाजिनीवान् । स पप्र॑थानो अभि पञ्च भूम । त्रि॒वन्धु॑रो  
मनसा॑ऽऽयातु युक्तः । विशो॑ येन गच्छथो देवयन्तीः । कुत्रा  
चि॒द्याम॑मश्विना दधाना । स्वश्वा यशसा॑ऽऽयातमर्वाक् । दस्रा निधिं  
मधु॑मन्तं पिबाथः । वि वा॒ ऽ रथो॑ वध्वा यादमानः । 55 (10)

**T.B.2.8.7.8**

अ॒न्ता॒न् दि॒वो बा॑धते॒ वर्त॑नि॒भ्याम् । यु॒वोः श्रि॑यं परि॒ योषा॑ वृणीत ।  
सू॒रो दु॑हिता परि॒तक्मि॑यायाम् । यद्-दे॒वय॑न्तमवथः॒ शची॑भिः ।  
परि॑घ्न॒स् वां म॑ना वां व॒यो गा॑म् । यो ह॒ स्य वा॑ रथि॒रा व॑स्त  
उ॒स्राः । रथो॑ यु॒जानः॑ परि॒याति॑ वर्तिः । तेन॑ नः शं यो॒रुष॑सो व्यु॒ष्टौ ।  
न्य॒श्विना॑ वह॒तं य॑ज्ञे अ॒स्मिन् । यु॒वं भु॒ज्युम॑वविद्ध॒ समु॒द्रे । 56 (10)

**T.B.2.8.7.9**

उ॒दूह॑थु॒र्णसो॑ अ॒सि॒धानैः॑ । प॒त॒त्रि॒भि-र॑श्र॒मै-र॑व्यथि॒भिः ।  
द॒स्ना॒भिर॑श्विना॒ पार॑यन्ता । अ॒ग्नी॒षो॒मा यो अ॒द्य वा॑म् ।  
इ॒दं व॑चः स॒पर्य॑ति । तस्मै॑ ध॒त्त॒ सु॒वीर्य॑म् । ग॒वां पो॑ष॒ स्व॒श्चि॒यं ।  
यो अ॒ग्नी॒षो॒मा ह॒विषा॑ स॒पर्या॑त् । दे॒व॒द्द्री॒चा म॑न॒सा यो घृ॑तेन ।  
तस्य॑ व्र॒त॒ र॑क्ष॒तं पा॑तम॒ह॒सः । 57 (10)

**T.B.2.8.7.10**

वि॒शे ज॑नाय॒ महि॑ श॒र्म य॑च्छ॒तम् । अ॒ग्नी॒षो॒मा य आ॑हु॒तिम् । यो वां  
दा॒शा॒द्ध॒विष्कृ॑तिम् । स प्र॒जया॑ सु॒वीर्य॑म् । वि॒श्व॒मायु॑र्-व्य॒श्नव॑त् ।  
अ॒ग्नी॒षो॒मा चे॒ति तद्-वी॑र्यं वा॑म् । यद॑मु॒ष्णीत॑मव॒सं प॑णिं गोः ।



अवाति॑रतं प्रथ॑यस्य शेषः । अवि॑न्दतं ज्योति॑रेकं बहु॑भ्यः ।

"अग्नी॑षोमावि॒मꣳ सु॒मे {104}" "ऽग्नी॑षोमा ह॒विषः॑ प्र॒स्थित॑स्य ( )  
{105}" । 58 (10) (ज॒भार – द्यौ – र॒ग्ने – रु॒पस्थ – उप॑क्ष्यन्तो  
– ब॒द्धधा॑नो-याद॒मानः – स॒मुद्रे – ऽह॑सः – प्र॒स्थित॑स्य) (A7)

### 2.8.8 अनुवाकं 8 – वेहदादिपशूनां सूक्तानि

#### T.B.2.8.8.1

अ॒हम॑स्मि प्रथ॑मजा ऋ॒तस्य॑ । पूर्वं॑ दे॒वेभ्यो॑ अ॒मृत॑स्य नाभिः ।  
यो मा द॑दाति स इ॒देव मा वाः॑ । अ॒ह-म॒न्न-म॒न्न-म॒दन्त॑मग्नि ।  
पूर्व॑-म॒ग्नेर॑पि द॒हत्य॑न्नं । यत्तौ हाऽऽसा॑ते अ॒हमु॑त्तरेषु । व्या॒त्तम॑स्य  
प॒शवः॑ सु॒जंभं॑ । प॒श्यन्ति॑ धी॒राः प्र॑चरन्ति पा॒काः । ज॒हाम्य॑न्यं  
न ज॒हाम्य॑न्यं । अ॒हम॑न्नं व॒शमि॑च्चरामि । 59 (10)

#### T.B.2.8.8.2

स॒मान॑मर्थं पर्ये॑मि भुं॒जत् । को मा॑मन्नं म॒नुष्यो॑ दयेत । प॒राके॑ अन्नं  
नि॒हितं॑ लो॒क ए॒तत् । वि॒श्वैर्-दे॒वैः पि॒तृभिर्-गु॒प्तम॑न्नं । यद॒द्यते॑  
लु॒प्यते॑ यत् प॒रोप्य॑ते । श॒तत॑मी सा त॒नूर्मे॑ बभूव ।

महान्तौ चरू सकृद्-दुग्धेन पप्रौ । दिवञ्च पृश्नि पृथिवीं  
च साकं । तथ् संपिबन्तो न मिनन्ति वेधसः ।  
नैतद्-भूयो भवति नो कनीयः । 60 (10)

**T.B.2.8.8.3**

अन्नं प्राण-मन्न-मपान-माहुः । अन्नं मृत्युं तमु जीवातुमाहुः ।  
अन्नं ब्रह्माणो जरसं वदन्ति । अन्नमाहुः प्रजननं प्रजानां । मोघमन्नं  
विन्दते अप्रचेताः । सत्यं ब्रवीमि वध इत्थस तस्य । नार्यमणं पुष्यति  
नो सखायं । केवलाघो भवति केवलादी । अहं मेघः स्तनयन्.  
वर्षन्नस्मि । मामदन्त्यहमदम्यन्यान् । 61 (10)

**T.B.2.8.8.4**

अहं सदमृतो भवामि । मदादित्या अधि सर्वे तपन्ति ।  
"देवीं वाचमजनयन्त {106}, "यद्-वाग्-वदन्ति {107}" ।  
अनन्ता-मन्तादधि निर्मितां महीं । यस्यां देवा अदधुर् भोजनानि ।  
एकाक्षरां द्विपदां षट्पदाञ्च । वाचं देवा उपजीवन्ति विश्वे ।  
वाचं देवा उपजीवन्ति विश्वे । वाचं गन्धर्वाः पशवो मनुष्याः ।

वा॒ची॒मा वि॒श्वा भुव॑ना॒न्यर्पि॑ता । 62 (10)

**T.B.2.8.8.5**

सा नो॑ ह॒वं जु॒षता॑-मि॒न्द्रप॑त्नी । वा॒गक्ष॑रं प्रथ॒मजा॑ ऋ॒तस्य॑ ।  
 वे॒दानां॑ मा॒ता-ऽमृ॑तस्य नाभिः । सा नो॑ जु॒षाणो॑प य॒ज्ञमा॑गात् ॥  
 अ॒वन्ती॑ दे॒वी सु॒हवा॑ मे अस्तु । या मृ॒षयो॑ मन्त्र॒कृतो॑ मनी॒षिणः॑ ।  
 अ॒न्वैच्छ॑न् दे॒वा-स्त॑पसा श्रमे॒ण । तां दे॒वीं वा॒चं ह॒विषा॑ यजामहे ।  
 सा नो॑ दधातु सु॒कृत॑स्य लो॒के । च॒त्वारि॑ वाक् परि॒मिता॑

प॒दानि॑ । 63 (10)

**T.B.2.8.8.6**

ता॒नि वि॒दुर् ब्रा॒ह्मणा॑ ये मनी॒षिणः॑ । गु॒हा त्री॑णि नि॒हिता॑ नेङ्ग॒यन्ति॑ ।  
 तुरी॑यं वा॒चो म॑नु॒ष्या व॑दन्ति । श्रद्ध॒याऽग्निः॑ समि॒ध्यते॑ । श्रद्ध॒या  
 वि॒न्दते॑ ह॒विः । श्रद्धां॑ भग॒स्य मूर्ध॑नि । वच॒सा ऽऽवे॑दयामसि ।  
 प्रि॒यं श्रद्धे॑ ददतः । प्रि॒यं श्रद्धे॑ दि॒दास॑तः ।  
 प्रि॒यं भो॒जेषु॑ यज्व॒सु । 64 (10)

**T.B.2.8.8.7**

इ॒दं॑ म॒ उ॒दि॒तं॑ कृ॒धि । य॒था॑ दे॒वा अ॒सुरे॑षु । श्र॒द्धा-मु॒ग्रेषु॑ च॒क्रिरे॑ ।  
ए॒वं भो॒जेषु॑ य॒ज्वसु॑ । अ॒स्माक॑-मु॒दि॒तं॑ कृ॒धि । श्र॒द्धां दे॒वा य॒जमा॑नाः ।  
वा॒युगो॑पा उ॒पास॑ते । श्र॒द्धाँ हृ॒दय्य॑या-ऽऽकू॒त्या । श्र॒द्धया॑ हू॒यते॑  
ह॒विः । श्र॒द्धां प्रा॒तर् ह॒वामहे॑ । 65 (10)

**T.B.2.8.8.8**

श्र॒द्धां म॒द्ध्यन्दि॑नं॒ परि॑ । श्र॒द्धाँ सूर्य॑स्य नि॒मृचि॑ । श्र॒द्धे श्र॒द्धाप॑ये  
ह॒मा । श्र॒द्धा दे॒वा-न॑धि॒वस्ते॑ । श्र॒द्धा वि॒श्वमि॑दं जगत् । श्र॒द्धां  
का॒मस्य॑ मा॒तरं॑ । ह॒विषा॑ वर्द्ध॒याम॑सि । ब्र॒ह्मज॑ज्ञानं॒ प्रथ॑मं पु॒रस्ता॑त् ।  
वि सी॑मतः सु॒रुचो॑ वे॒न आ॑वः । स बु॒द्धि॒नया॑ उ॒पमा॑ अ॒स्य वि॒ष्ठाः ।  
66 (10)

**T.B.2.8.8.9**

स॒तश्च॑ यो॒नि-म॑स॒तश्च॑ वि॒वः । पि॒ता वि॒राजा॑मृष॒भो र॑यी॒णां । अ॒न्तरि॑क्षं  
वि॒श्वरू॑प आ॒वि॒वेश॑ । तम॑कै-र॒भ्यर्च॑न्ति व॒थ्सं । ब्र॒ह्म स॒न्तं ब्र॑ह्म॒णा  
वर्द्ध॑यन्तः । ब्र॒ह्म दे॒वान॑ज॒नय॑त् । ब्र॒ह्म वि॒श्वमि॑दं जगत् । ब्र॒ह्मणः॑ क्ष॒त्रं  
नि॒र्मि॑तं । ब्र॒ह्म ब्रा॑ह्म॒ण आ॒त्मना॑ । अ॒न्तर॑स्मि-न्नि॒मे लो॒काः । 67 (10)

**T.B.2.8.8.10**

अ॒न्त॒र् वि॒श्वमि॒दं जग॑त् । ब्र॒ह्मै॒व भू॒तानां॑ ज्येष्ठं॑ ॥ तेन॑ कोऽ॒र्हति॑  
स्प॒र्द्धि॒तुम् । ब्र॒ह्मन् दे॒वा-स्त्रय॑स्त्रि॒ंशत् । ब्र॒ह्मन्नि॒न्द्र प्रजा॑पती ।  
ब्र॒ह्मन् ह॒ विश्वा॑ भू॒तानि॑ । ना॒वी वा॒न्तः समा॑हिता । चत॑स्र आ॒शाः  
प्र॒चर॑न्त्व-ग्नयः । इ॒मन्नो॑ य॒ज्ञं न॑यतु प्र॒जान॑न् ।

घृ॒तं पि॒न्वन्न॑जर॒ सु॒वीरं॑ ॥ 68 (10)

**T.B.2.8.8.11**

ब्र॒ह्म॒ समि॑द्-भ॒वत्या॑हु॒तीनां॑ । आ गा॒वो अ॒गम॑न्नु॒त भ॒द्रम॑क्रन् ।  
सी॒दन्तु॑ गो॒ष्ठे र॑णयन्त्वस्मै । प्र॒जाव॑तीः पु॒रुरू॒पा इ॒ह स्युः॑ ।  
इ॒न्द्राय॑ पू॒र्वी रु॒षसो॑ दु॒हानाः॑ । इ॒न्द्रो य॑ज्व॒ने पृ॑णते च शि॒क्षति॑ ।  
उ॒पेद्द॑दाति न स्वं मु॒षाय॑ति । भू॒यो भू॒यो र॒यिमि॑दस्य व॒र्द्धय॑न् ।  
अ॒भिन्ने॑ खि॒ल्लो नि॑दधाति दे॒वयुं॑ । "न ता॑ न॒शन्ति॑ {108}",

"न ता॑ अ॒र्वा {109}" ॥ 69 (10)

**T.B.2.8.8.12**

गा॒वो भ॒गो गा॒व इ॒न्द्रो मे॑ अ॒च्छात् । गा॒वः सो॒मस्य॑ प्रथ॒मस्य॑ भ॒क्षः ।  
इ॒मा या॑ गा॒वः स॒जना॑स इ॒न्द्रः । इ॒च्छामी॑द्धृ॒दा मन॑सा चि॒दिन्द्रं॑ ॥

यू॒यं गा॒वो मे॒दय॑था कृ॒शं चि॒त् । अ॒श्ली॒लं चि॒त् कृ॒णु॒था सु॒प्रती॑कं ।  
 भ॒द्रं गृ॒हं कृ॒णु॒थ भ॒द्रवा॑चः । बृ॒हद्वो व॒य उ॒च्यते॑ स॒भासु॑ । प्र॒जाव॑तीः  
 सू॒यव॑सꣳ रि॒शन्तीः॑ । शु॒द्धा अपः॑ सु॒प्रपा॑णे पि॒बन्तीः॑ ( ) ।  
 मा वः स्ते॒न ई॒शत॑ माऽघ॒शꣳसः॑ । परि॒वो हे॒ती रु॒द्रस्य॑ वृ॒ज्यात् ।  
 उ॒पेद॑-मु॒पपर्च॑नं । आ॒सु गो॒षूप॑पृ॒च्यतां॑ । उप॒र्षभ॑स्य रे॒तसि॑ ।  
 उ॒पेन्द्र॑ तव वी॒र्ये॑ । 70 (16) (च॒रामि॑ - क॒नीयो॑ - ऽन्या - न॒र्पिता॑  
 - प॒दानि॑ - यज्व॑सु - ह॒वामहे॑ - वि॒ष्टा - लो॒काः - सु॒वीर -  
 म॒र्वा - पि॒बन्तीः॑ षट्च) (A8)

### 2.8.9 अनुवाकं 9 – शुक्लकृष्णपश्वादीनां सूक्तानि

#### T.B.2.8.9.1

ता सू॒र्या च॒न्द्रम॑सा वि॒श्वभृ॑त्त॒मा म॒हत् । तेजो॑ व॒सुम॑द्-रा॒जतो॑ दि॒वि ।  
 सा॒मात्मा॑ना च॒रतः॑ सा॒मचा॑रिणा । ययो॑र्व्र॒तं न म॑मे जा॒तु दे॒वयोः॑ ।  
 उ॒भाव॑न्तौ परि॒यात॑ अ॒म्या । दि॒वो न र॑श्मीꣳ स्त॒नुतो॑-व्य॒र्णवे॑ । उ॒भा  
 भु॒वन्ती॑ भु॒वना॑ क॒विक्र॑तू । सू॒र्या न च॒न्द्रा च॑रतो॒ हता॑मती । प॒ती  
 द्यु॒मद् वि॒श्ववि॑दा उ॒भा दि॒वः । सू॒र्या उ॒भा च॒न्द्रम॑सा वि॒चक्ष॑णा । 71 (10)

**T.B.2.8.9.2**

वि॒श्व॒वा॒रा व॒रि॒वो॒भा व॒रे॒ण्या । ता नो॑ऽव॒तं म॒ति॒म॒न्ता म॒हि॒व॒ता ।  
वि॒श्व॒व॒प॒री प्र॒तर॒णा तर॒न्ता । सु॒व॒र्वि॒दा दृ॒श॒ये भू॒रि॒र॒श्मी । सूर्या॑ हि  
च॒न्द्रा व॒सु॒त्वेष॑-दर्॒श॒ता । म॒न॒स्वि॒नो॒भाऽनु॑ च॒रतो॑ नु सं दि॒वं ।  
अ॒स्य श्र॒वो न॒द्यः स॒प्त बि॒भ्र॒ति । द्या॒वा क्षा॒मा पृ॒थि॒वी दर्॒श॒तं व॑पुः ।  
अ॒स्मे सूर्या॑ च॒न्द्र॒म॒सा-ऽभि॒च॒क्षे ॥  
श्र॒द्धे क॒मि॒न्द्र च॒रतो॑ वि॒च॒तु॒रं । 72 (10)

**T.B.2.8.9.3**

पू॒र्वा॒परं॑ च॒रतो॑ मा॒य यै॒तौ । शि॒शू क्री॒ड॒न्तौ प॒रि॒या॒तो अ॒ध्व॒रं ।  
वि॒श्वा॒न्य॒न्यो भु॒व॒ना ऽभि॒च॒ष्टे ॥ ऋ॒तू॒न॒न्यो वि॒द॒ध॒ज्जा॒य॒ते पु॒नः ।  
"हि॒र॒ण्य॒व॒र्णाः शु॒च॒यः पा॒व॒का {110}" , "या॒सां॒ राजा॑ {111}" ।  
"या॒सां दे॒वाः {112}" , "शि॒वे॒न मा॒ चक्षु॑षा पश्य॒त {113}" । "आ॒पो  
भ॒द्रा {114}" , "आ॒दि॒त्प॒श्या॒मि {115}" । ना॒स॒दा॒सी॒न्नो स॒दा॒सी॒त्  
त॒दा॒नीं । ना॒सी॒द्-र॒जो नो॑ व्यो॒मा॒प॒रो य॒त् । कि॒मा॒व॒री॒वः कु॒ह क॒स्य  
श॒र्म॒न् । 73 (10)

**T.B.2.8.9.4**

अ॒भः॑ कि॒मासी॑द् ग॒हनं॑ ग॒भीरं॑ । न मृ॒त्यु॒रमृ॑तं तर्हि॒ न । रा॒त्रि॒या अ॒ह्ना  
आसी॑त् प्र॒केतः॑ । आ॒नी॒द॒वा॒त॒ऽस्व॒ध॒या तदे॑कं ॥ तस्मा॑द्-धा॒न्यं न  
प॒रः कि॑ञ्च ना॒स । तम॑ आसी॒त् तम॑सा गू॒ढम॑ग्रे प्र॒केतं॑ । स॒लिल॑ऽ  
सर्व॑मा इ॒दं । तु॒च्छे ना॒भ्वपि॑हितं य॒दासी॑त् । तम॑स स्तन्महि॒ना  
जा॒यतै॑कं ॥ का॒मस्त॑दग्रे॒ सम॑वर्त्तताधि । 74 (10)

**T.B.2.8.9.5**

मन॑सो रे॒तः प्र॒थमं॑ य॒दासी॑त् । स॒ तो ब॒न्धु॒म॒स॒ति नि॒रवि॑न्दन् ।  
हृ॒दि प्र॒ती॒ष्या क॒वयो॑ म॒नीषा॑ । ति॒रश्ची॑नो वि॒ततो॑ र॒श्मिरे॑षां ।  
अ॒धः स्वि॑दासी(३) दु॒परि॑ स्वि॒दासी॑(३)त् । रे॒तो॒धा आ॑सन् म॒हिमा॑न्  
आ॒सन् । स्व॒धा अ॒वस्ता॑त् प्र॒यतिः॑ प॒रस्ता॑त् । को॒ अ॒द्वा वे॑द क इ॒ह  
प्र॒वो॑चत् । कु॒त आ॒जा॒ता कु॒त इ॒यं वि॑सृष्टिः ।

अ॒र्वा॒ग्दे॒वा अ॒स्य वि॑स॒र्ज॒नाय॑ । 75 (10)

**T.B.2.8.9.6**

अ॒था को॑ वे॒द य॒त आ॒ब॒भूव॑ । इ॒यं वि॑सृष्टि॒र् य॒त आ॒ब॒भूव॑ ।  
य॒दि वा द॒धे य॒दि वा॑ न । यो॒ अ॒स्याद्ध्य॑क्षः प॒रमे॑ व्योमन् ।



सो अङ्ग वेद यदि वा न वेद । किञ्च स्विद्वनं क उ स वृक्ष आसीत् ।  
यतो द्यावापृथिवी निष्टतक्षुः । मनीषिणो मनसा पृच्छतेदु तत् ।  
यदद्ध्यतिष्ठद्-भुवनानि धारयन् । ब्रह्म वनं ब्रह्म स वृक्ष आसीत् ।

76 (10)

**T.B.2.8.9.7**

यतो द्यावापृथिवी निष्टतक्षुः । मनीषिणो मनसा विब्रवीमि वः ।  
ब्रह्माद्ध्यतिष्ठद् भुवनानि धारयन् । प्रातरग्निं प्रातरिन्द्रं हवामहे ।  
प्रात मित्रावरुणा प्रातरश्विना । प्रात भगं पूषणं ब्रह्मणस्पतिं ।  
प्रातः सोममुत रुद्रं हुवेम । प्रातर्जितं भगमुग्रं हुवेम । वयं  
पुत्रमदितेर्यो विधर्त्ता । आध्रश्चिद्यं मन्यमान-स्तुरश्चित् । 77 (10)

**T.B.2.8.9.8**

राजा चिद्यं भगं भक्षीत्याह । भग प्रणेतर्भग सत्यराधः । भगोमां  
धियमुदव ददन्नः । भग प्रणो जनय गोभिरश्वैः । भग प्रनृभिर्-  
नृवन्तः स्याम । उतेदानीं भगवन्तः स्याम । उत प्रपित्व उत मद्ध्ये  
अह्नां । उतोदिता मघवन्थ-सूर्यस्य । वयं देवानां सुमतौ स्याम ।  
भग एव भगवाञ् अस्तु देवाः । 78 (10)

**T.B.2.8.9.9**

तेन॑ व॒यं भ॒गव॑न्तः स्याम । तं त्वा॑ भ॒ग सर्व॑ इज्जो॑हवीमि । स नो॑  
 भ॒ग पु॒र ए॒ता भवे॑ह । सम॑ध्वरायोष॑सो नम॑न्त । दधि॑क्रावे॒व शुच॑ये  
 प॒दाय॑ । अ॒र्वाची॑नं व॒सुवि॑दं भ॒गन्नः॑ । रथ॑मिवाश्वा॒ वाजिन॑ आव॒हन्तु॑ ।  
 अश्वा॑वतीर् गो॒मतीर् न॑ उषा॒सः । वी॒रव॑तीः स॒दमु॑च्छन्तु भ॒द्राः ।  
 घृ॒तं दु॒हाना॑ वि॒श्वतः॑ प्रपी॒नाः ( ) । यू॒यं पा॑त स्व॒स्तिभिः॑  
 स॒दानः॑ । 79 (11) (वि॒चक्ष॑णा – वि॒चतु॑रर् – श॒र्म – त्रधि॑ –  
 वि॒सर्ज॑नाय – ब्र॒ह्म व॑नं ब्र॒ह्म स॑ वृ॒क्ष आ॑सीत् – तु॒रश्चि॑द् –  
 दे॒वाः – प्रपी॑ना ए॒कं च॑) (A9)

**Prapaataka Korvai with starting Padams of 1 to 9 Anuvaakams :-**

(पी॒वोऽन्ना॑न् – ते शु॒क्रासः॑ – सोमो॑ धे॒नु – मि॒न्द्रस्तर॑स्वा –  
 ज्छु॒चि – मा दे॒वो या॑तु – सूर्यो॑ दे॒वी – मह॑मस्मि –  
 ता सूर्या॑चन्द्र॒मसा॑ नव)

**Korvai with starting Padams of 1, 11, 21 Series of Dasanis :-**

(पी॒वो॑ऽन्ना – म॒ग्ने॑ त्वं पा॒र – या॒नाघृ॑ष्यः – शु॒चिं॑ नु स्तो॒मं –  
 वि॒श्रय॑माणो – दि॒वो रु॒क्मो॑ – ऽन्नं॑ प्रा॒णं –  
 ता॒ सूर्या॑चन्द्र॒मसा॑ नवसप्ततिः)

**First and Last Padam 2<sup>nd</sup> Ashtakam 8th Prapaatakam :-**

(पी॒वो॑न्ना – यू॒यं पा॒त स्व॑स्तिभिः स॒दानः॑)

। हरिः॑ ओं ।

। कृष्ण यजुर्वेदीय तैत्तिरीय ब्राह्मणे द्वितीयाष्टके अष्टमः प्रपाठकः समाप्तः ।

॥ कृष्ण यजुर्वेदीय तैत्तिरीय ब्राह्मणे द्वितीयाष्टाषकं समाप्तम् ॥

=====

**Details of Dasani & Vaakyams for Ashtakam 2 –  
Prapaatakam 8 – (TB 2.8)**

	Dasani	Vaakyams
Anuvakam 1	6	64
Anuvakam 2	8	82
Anuvakam 3	8	83
Anuvakam 4	8	85

द्वितीयाष्टके अष्टमः प्रपाठकः – (TB 2.8)

Anuvakam 5	9	89
Anuvakam 6	9	92
Anuvakam 7	10	100
Anuvakam 8	12	126
Anuvakam 9	9	91
Total →	79	812

**Details for Full Ashtakam 2**

	Anuvaakam	Dasani	Vaakyams
Prapaatakam 1	11	60	626
Prapaatakam 2	11	73	768
Prapaatakam 3	11	50	547
Prapaatakam 4	8	80	826
Prapaatakam 5	8	45	475
Prapaatakam 6	20	94	1042
Prapaatakam 7	18	66	699
Prapaatakam 8	9	79	812
Total →	96	547	5795

## Appendix (of expansions)

### T.B.2.8.1.1 – "आ वायो {35}"

आ वायो भूष शुचिपा उप नः सहस्रं ते नियुतो विश्ववार ।

उपो ते अन्धो मद्यमयामि यस्य देव दधिषे पूर्वपेयं ॥ {35}

( Appearing in T.S.1.4.4.1, and also the same Mantra in T.S.3.4.2.1)

-----

### T.B.2.8.1.1 – "प्रयाभिः {36}"

प्र याभिर्यासि दाश्वाꣳ समच्छा नियुद्धि-र्वायविष्टये दुरोणे । नि नो  
रयिꣳ सुभोजसं युवेह नि वीरवद्-गव्यमश्वियं च राधः ॥ {36}

(Appearing in T.S.2.2.12.8)

-----

### T.B.2.8.1.5 – "सोमापूषणे {37}" "मौ देवौ {38}"

सोमापूषणा जनना रयीणां जनना दिवो जनना ( ) पृथिव्याः ।  
जातौ विश्वस्य भुवनस्य गोपौ देवा अकृण्वन्नमृतस्य नाभिं ॥ {37}

इमौ देवौ जायमानौ जुषन्तेमौ तमाꣳसि गूहतामजुष्टा ।

आभ्यामिन्द्रः पक्वमामास्वन्तः सोमापूषभ्यां जनदुस्रियासु ॥ {38}

[Both {37} and {38} appearing in T.S.1.8.22.5]

T.B.2.8.1.6 – "उदु॑त्त॒मं वरु॑णा {39}"

उदु॑त्त॒मं वरु॑ण पा॒श॒म॒स्म॒द॒वा॒ऽध॒मं वि॒म॒ध्य॒म॒७ श्र॒थाय॑ ।

अथा॑ व॒य॒मा॒दि॒त्य॒ व्र॒ते त॒वा॒ऽना॒ग॒सो अ॒दि॒त॒ये स्या॒म ॥ {39}

(Appearing in T.S.1.5.11.3)

T.B.2.8.1.6 – "स्त॒भ॒ना॒द॒द्या॒म् {40}"

अस्त॑भ॒ना॒द्या॒मृष॑भो अ॒न्त॒रि॒क्ष॒म॒मि॒मी॒त व॒रि॒मा॒णं पृ॒थि॒व्या आ॒ऽसी॒द॒द्

वि॒श्वा भु॒व॒ना॒नि स॒म्रा॒ट् वि॒श्वे॒त्ता॒नि वरु॑ण॒स्य व्र॒ता॒नि ॥ {40}

(Appearing in T.S.1.2.8.1)

T.B.2.8.1.6 – "यत् कि॒ञ्चे॒दं {41}" "कि॒त॒वा॒सः {42}"

यत् कि॒ञ्चे॒दं वरु॑ण॒ दै॒व्ये ज॒ने॒ऽभि॒द्रो॒हं म॒नु॒ष्या॒श्च॒रा॒म॒सि । अ॒चि॒त्ती॒य॒त्

तव॑ ध॒र्मा यु॒यो॒पि॒म मा न॒स्त॒स्मा दे॒न॒सो दे॒व री॒रि॒षः ॥ {41}

कि॒त॒वा॒सो य॒द्रि रि॒पु॒र्न दी॒वि य॒द्वा घा स॒त्य मु॒त॒य॒न्न वि॒द्म । सर्वा॑ ता

वि॒ष्य शि॒थि॒रे॒व दे॒वा॒था ते स्या॒म वरु॑ण॒ प्रि॒या॒सः ॥ {42}

[Both in {41} and {42} appearing in T.S.3.4.11.6]

T.B.2.8.1.6 – "अव ते हेड {43}"

अव ते हेडो वरुण नमोभिरव यज्ञेभिरीमहे हविर्भिः ।  
क्षयन्नस्मभ्यमसुर प्रचेतो राजन्नेनासि शिश्रथः कृतानि ॥ {43}

(Appearing in T.S.1.5.11.3)

---

T.B.2.8.1.6 – "स्तत्त्वा यामि {44}"

तत्त्वा यामि ब्रह्मणा वन्दमानस्तदा शास्ते यजमानो हविर्भिः ।  
अहेडमानो वरुणेह बोध्युरुशस मा न आयुः प्रमोषीः ॥ {44}

(Appearing in T.S. 2.1.11.6)

---

T.B.2.8.1.6 – "आदित्यानामवसा {45}"

आदित्यानामवसा नूतनेन सक्षीमहि शर्मणा शन्तमेन ।  
अनागास्त्वै अदितित्वे तुरास इमं यज्ञं दधतु श्रोषमाणाः ॥ {45}

(Appearing in T.S.2.1.11.6 )

---

T.B.2.8.1.6 – "न दक्षिणा {46}"

न दक्षिणा विचिकिते न सव्या न प्राचीनमादित्या नोत पश्चा ।

पा॒क्या चि॒द्वस॒वो धी॒र्या चिद् – यु॒ष्मानी॒तो अ॒भयं॒ ज्योति॑र॒श्यां ॥ {46}

(Appearing in T.S.2.1.11.5)

T.B.2.8.1.6 – "धार॑यन्त आ॒दि॒त्यास॑{47}, "स्ति॒स्रो भू॒मीर्धा॑रयन् {48}"

धा॒रय॑न्त आ॒दि॒त्यासो॑ जग॒त्स्था दे॒वा वि॒श्वस्य॑ भुव॒नस्य॑ गो॒पाः ।

दी॒र्घाधि॑यो र॒क्षमा॑णा अ॒सुर्य॑मृ॒तावा॑न – श्रय॑मा॒ना ऋ॒णानि॑ ॥ {47}

ति॒स्रो भू॒मीर्धा॑रयन् त्री॒ꣳ रु॒त द्यून् त्री॑णि व्र॒ता वि॒दथे॑ अ॒न्तरे॑षां ।

ऋ॒तेना॑ऽऽदि॒त्या म॒हि वो म॒हित्वं तद॑र्यमन् वरु॒ण मि॒त्र चा॒रु ॥ {48}

(Both {47} and {48} appearing in T.S.2.1.11.4 and T.S. 2.1.11.5)

T.B.2.8.1.6 – "य॒ज्ञो दे॒वाना॑ꣳ {49}" "शु॒चिर॑पः {50}"

य॒ज्ञो दे॒वानां॑ प्र॒त्येति॑ सु॒म्नमा॑दि॒त्यासो॑ भव॒ता मृ॒डय॑न्तः ।

आ वो॒ऽर्वाची॑ सु॒मति॑ र्ववृ॒त्यादꣳ हो॒श्चि॒द्या व॑रि॒वोवि॒त्तरा॑ऽसत् ॥ {49}

शु॒चिर॑पः सू॒यव॑सा अ॒दब्ध॑ उप॒ क्षेति॑ वृ॒द्धव॑याः सु॒वीरः॑ ।

नकि॑ष्टं घ्नन्त्यन्ति॒तो न दू॒राद्य॑ आ॒दि॒त्यानां॑ भव॒ति प्र॑णी॒तौ ॥ {50}

(Both {49} and {50} appearing in T.S.2.1.11.4)



T.B.2.8.2.5 – "इन्द्रं नरो {51}"

इन्द्रं नरो नेमधिता हवन्ते यत्पार्या युनजते धियस्ताः ।  
शूरो नृषाता शवसश्चकान आ गोमति व्रजे भजा त्वन्नः ॥ {51}  
( Appearing in TS 1.6.12.1)

---

T.B.2.8.2.5 – "युजे रथम् {52}"

युजे रथं गवेषणं हरिभ्याम् । उप ब्रह्माणि जुजुषाण-मस्थुः ।  
विबाधिष्ठास्य रोदसी महित्वा । इन्द्रो वृत्राण्यप्रती जघन्वान् ॥ {52}  
(Appearing in T.B.2.4.1.3)

---

T.B.2.8.2.7 - "आवेधसं {53}"

आवेधसं नीलपृष्ठं बृहन्तम् । बृहस्पतिं सदने सादयध्वम् ।  
सादद्योनिं दम आदीदिवांसम् । हिरण्यवर्णमरुषं सपेम ॥ {53}  
(Appearing in T.B.2.5.5.4)

---

T.B.2.8.2.8 – "बृहस्पते पर {54}"

बृहस्पते परि दीया रथेन रक्षोहा ऽमित्रां अप बाधमानः ।

प्रभं॑जन्त् स॑ेनाः प्र॒मृ॒णो यु॒धा जय॑न्न॒स्माक॑-मे॒ध्यवि॑ता रथानां ॥ {54}  
(Appearing in T.S.4.6.4.1)

-----

T.B.2.8.2.8 – "ये॒वा पि॒त्रे {55}"

ए॒वा पि॒त्रे वि॒श्वदे॑वाय वृ॒ष्णे य॒ज्ञैर्वि॑धेम नम॑सा ह॒विर्भिः॑ ।  
बृ॒हस्प॑ते सु॒प्रजा॑ वी॒रव॑न्तो वय॑ꣳ स्याम॑ पत॑यो र॒यीणां॑ ॥ {55}  
(Appearing in T.S.1.8.22.2)

-----

T.B.2.8.2.8 – "आ नो॑ दि॒वः {56}"

आ नो॑ दि॒वो बृ॒हतः॑ पर्व॑तादा सर॑स्वती यज॑ता गन्तु॑ य॒ज्ञं ।  
हव॑ं दे॒वी जु॒जुषा॑णा घृ॒ताची॑ श॒ग्मां नो॑ वाच॑मु॒शती॑ शृ॒णोतु॑ ॥ {56}  
(Appearing in T.S.1.8.22.1)

-----

T.B.2.8.2.8 – "पा॒वीर॑वी {57}"

पा॒वीर॑वी क॒न्या चि॒त्रायुः॑ सर॑स्वती वी॒रप॑त्नी धि॒यं धा॑त् । ग्नाभि॑  
रच्छि॑द्रꣳ श॒रणꣳ स॒जोषा॑ दुरा॒धर्षं॑ गृ॒णते॑ शर्म॑ यꣳसत् ॥ {57}  
(Appearing in T.S.4.1.11.2)

-----

---

**T.B.2.8.2.8 – "इ॒मा जु॒ह्वा॒ना {58}"**

इ॒मा जु॒ह्वा॒ना यु॒ष्म॒दा न॒मो॒भिः । प्र॒ति स्तो॒म॒ꣳ सर॒स्व॒ति जु॒ष॒स्व ।  
तव॑ श॒र्मन् प्रि॒यत॑मे द॒धानाः॑ । उप॒स्थे॒याम॑ श॒रणं॑ न वृ॒क्षम् ॥ {58}

(Appearing in T.B.2.4.6.1)

---

**T.B.2.8.2.8 – "य॒स्तो स्त॒नः {59}"**

य॒स्तो स्त॒नश्श॑शय इ॒त्याह॑ । स्तौ॒त्ये॒वैना॑म् । उ॒स्र घ॒र्मꣳ शि॒ꣳषो॑स्र घ॒  
र्मम् पा॑हि घ॒र्माय॑ शि॒ꣳषे॒त्याह॑ । यथा॑ ब्रू॒याद॒मुष्मै॑ दे॒हीति॑ । तादृ॑गे॒व  
तत् । बृ॒हस्प॑तिस्त्वो॒प सी॒दत्वि॑त्याह । {59}

(Appearing in T.A. 8-7-3-60th Dasani)

---

**T.B.2.8.2.8 – "सर॒स्व॒त्य॒भि नो॑ ने॒षि {60}"**

सर॒स्व॒त्य॒भि नो॑ ने॒षि व॒स्यः॑ । मा प॒स्फ॒रीः प॒यसा॑ मा न आ धक् ।  
जु॒ष॒स्व नः॑ स॒ख्या वे॒श्या च॑ । मा त्वत्क्षे॒त्रा-ण्य॑रणानि गन्म ॥ {60}

(Appearing in T.B.2.4.3.2)

---

T.B.2.8.3.1 – "अषाढं युथ्सु {61}"

अषाढं युथ्सु पृतनासु पप्रिम् । सुवर्षामप्स्वां वृजनस्य गोपाम् ।  
भरेषुजा सुक्षिति सुश्रवसम् । जयन्तं त्वामनु मदेम सोम ॥ {61}

(Appearing in T.B.2.4.3.8)

T.B.2.8.3.1 – "या ते धामानि हविषा यजन्ति {62}"

या ते धामानि हविषा यजन्ति ता ते विश्वा परिभूरस्तु यज्ञं गयस्फानः  
प्रतरणः सुवीरोऽवीरहा प्रचरा सोम दुर्यान् {62}

(Appearing in T.S. 1.2.10.1) (Please note that this "Ruk" does not end in "duryA@na" and continues further, hence please consult your Guru as to whether to extend this "ruk" further to end at

"सुविते मा धाः

T.B.2.8.3.2 – "विष्णोर्नु कं {63}"

विष्णोर्नुकं वीर्याणि प्र वोचं यः पार्थिवानि विममे रजांसि यो  
अस्कभायदुत्तरं सधस्थं विचक्रमाण स्त्रेधोरुगायो  
विष्णो रराटमसि विष्णोः पृष्ठमसि विष्णोः शन्यज्रे स्थो  
विष्णोः स्यूरसि विष्णोर् ध्रुवमसि वैष्णवमसि विष्णवे त्वा ॥ {63}

(Appearing in T.S. 1.2.13.3)

T.B.2.8.3.2 – "तदस्य प्रियम् {64}"

तदस्य प्रियमभि पाथो अश्याम् । नरो यत्र देवयवो मदन्ति ।  
उरुक्रमस्य स हि बन्धुरित्था । विष्णोः पदे परमे मध्व उथ्सः ॥ {64}

(Appearing in T.B.2.4.6.2)

T.B.2.8.3.2 – "प्रतद् विष्णुः {65}"

प्रतद्-विष्णुः स्तवते वीर्याय । मृगो न भीमः कुचरो गिरिष्ठाः ।  
यस्योरुषु त्रिषु विक्रमणेषु । अधिक्षियन्ति भुवनानि विश्वा ॥ {65}

(Appearing in T.B.2.4.3.4)

T.B.2.8.3.3 – "विचक्रमे {66}" "त्रिर्देवः {67}"

विचक्रमे पृथिवीमेष एताम् । क्षेत्राय विष्णुर् मनुषे दशस्यन् ।  
ध्रुवासो अस्य कीरयो जनासः । उरुक्षितिर् सुजनिमा चकार ॥ {66}

त्रिर्देवः पृथिवीमेष एताम् । विचक्रमे शतर्चसं महित्वा ।  
प्र विष्णु-रस्तु तवसस्त वीयान् । त्वेष ह्यस्य स्थविरस्य नाम ॥ {67}

(Both {66} & {67} Appearing in T.B.2.4.3.5)

T.B.2.8.3.2 – "आ ते महो{68}" "यो जात एव {69}"

आ ते मह इन्द्रो॑त्यु॒ग्र॒ सम॒न्यवो॒ यथ् सम॒रन्त॒ सेनाः॑ ।

प॒ताति दि॒द्युन्न॑र्यस्य बा॒हुवो॑र्मा ते मनो॑ वि॒ष्वद्रि॑यग्वि चा॒रीत् ॥ {68}

यो जात एव प्रथ॑मो मन॒स्वान् दे॒वो दे॒वान् क्र॑तुना पर्य॑भूषत् ।

यस्य॑ शु॒ष्माद्रो॑दसी॒ अभ्य॑सेतां नृ॒म्णस्य॑ म॒हा स ज॑नास इन्द्रः॑ ॥ {69}

(Both {68} and {69} Appearing in T.S.1.7.13.2)

T.B.2.8.3.3 – "अभि गोत्राणि {70}"

अभि गोत्राणि॑ सह॒सा गा॑ह॒मानो॒ऽदायो॑ वीरः श॒तम॑न्युरिन्द्रः॑ ।

दु॒श्च्यव॑नः पृ॒तना॑षाड यु॒ध्यो-स्माक॑ से॒ना अव॑तु प्र यु॒थ्सु ॥ {70}

(Appearing in T.S 4.6.4.2)

T.B.2.8.4.3 – "अनवस्ते रथं {71}" "वृष्णे यत्ते {72}"

अनवस्ते॑ रथम॒श्राय॑ तक्षन्-त्व॒ष्टा वज्रं॑ पु॒रुहू॑त द्युमन्तं॑ ।

ब्र॒ह्माण॑ इन्द्रं॑ म॒हय॑न्तो अ॒र्केर॑वर्द्धयन्न॒हये॑ हन्त॒ वा उ ॥ {71}

वृ॒ष्णो॒ यत् ते॒ वृ॒ष्णो अ॒र्कम॒र्चानि॒न्द्र ग्रा॒वा॒णो अ॒दि॒तिः स॒जोषाः॑ ।

अ॒न॒श्वा॒सो ये॒ प॒व॒योऽर॒था इ॒न्द्रे॒षिता॑ अ॒भ्यव॑र्त्त॒त द॒स्यून्॑ ॥ {72}

(Both {71} and {72} appearing in T.S.1.6.12.6)

T.B.2.8.4.3 – "इ॒न्द्रस्य॑ नु॒ वी॒र्या॑ {73} "ण्य॑ह॒न्नहि॑म् {74}"

इ॒न्द्रस्य॑ नु॒ वी॒र्या॑णि॒ प्र॒वोच॑म् । या॒नि च॑का॒र प्र॒थमा॑नि॒ वज्री॑ ॥ {73}

अ॒ह-॒न्नहि॑म॒न्वप॑स्त॒तर्द॑ । प्र॒ व॒क्षणा॑ अ॒भि॒नत् प॑र्व॒ताना॑म् ॥ {74}

(Both {73} and {74} appearing in T.B.2.5.4.1)

T.B.2.8.4.8 – "या॑ जा॒ता ओ॒षध॑यो॒ {75}"

या॑ जा॒ता ओ॒षध॑यो॒ दे॒वेभ्य॑स्त्रि॒युगं॑ पु॒रा ।

म॒न्दा॒मि ब॑भ्रू॒णाम॑ह॒ श॒तं धा॑मानि॒ सप्त॑ च ॥ {75}

(Appearing in T.S.4.2.6.1)

T.B.2.8.4.8 – "अ॒ति॒वि॒श्वाः प॑रि॒ष्ठाः {76}"

अ॒ति॒ वि॒श्वाः प॑रि॒ष्ठाः स्ते॒न इ॒व व्र॑ज॒मक्र॑मुः ।

ओ॒षध॑यः प्रा॒चुच्य॑वु॒ र्यत् किं॑ च॒ तनु॑वा॒ रपः॑ ॥ {76}

(Appearing in T.S.4.2.6.3)

T.B.2.8.4.8 – "या ओषधयः सोम राज्ञी {77}"

या ओषधयः सोमराज्ञीः प्रविष्टाः पृथिवीमनु ।

तासां त्वमस्युत्तमा प्रणो जीवात-वैसुव ॥ {77}

(Appearing in T.S.4.2.6.4 and T.S.4.2.6.5)

---

T.B.2.8.4.8 – "रश्वावतीꣳ सोमवतीम् {78}"

अश्वावतीꣳ सोमवती मूर्जयन्ती मुदोजसं ।

आ विथ्सि सर्वा ओषधीरस्मा अरिष्टतातये ॥ {78}

(Appearing in T.S.4.2.6.4)

---

T.B.2.8.4.8 – "ओषधीरिति मातरो {79}"

ओषधीरिति मातर-स्तद्धो देवी-रूप ब्रुवे ।

रपाꣳसि विघ्नतीरित रपश्चातयमानाः ॥ {79}

(Appearing in T.S.4.2.6.1)

---

T.B.2.8.4.8 - "ऽन्यावो अन्यामवतु {80}"

अन्या वो अन्यामव-त्वन्याऽन्यस्या उपावत ।



ताः सर्वा ओषधयः सँविदाना इदं मे प्रावता वचः ॥ {80}

(Appearing in T.S.4.2.6.3)

T.B.2.8.5.1 – "शुचिं नु स्तोमं {81}"

शुचिं नु स्तोमं नवजात-मद्येन्द्राग्नी वृत्रहणा जुषेथां ।

उभा हि वाꣳ सुहवा जोहवीमि ता वाजꣳ सद्य उशते धेष्ठा ॥ {81}

(Appearing in T.S.1.1.14.1)

T.B.2.8.5.1 – "श्नथद्-वृत्रम् {82}"

श्नथद्-वृत्रमुत सनोति वाजमिन्द्रा यो अग्नी सहुरी सपर्यात् ।

इरज्यन्ता वसव्यस्य भूरैः सहस्तमा सहसा वाजयन्ता ॥ {82}

(Appearing in T.S.4.2.11.1)

T.B.2.8.5.1 – "उभा वामिन्द्राग्नी {83}"

उभा वामिन्द्राग्नी आहुवध्या उभा राधसः सह मादयध्यै ।

उभा दाताराविषाꣳ रयीणामुभा वाजस्य सातये हुवे वां ॥ {83}

(Appearing in T.S.1.1.14.1)

**T.B.2.8.5.1 – "प्रचर्षणिभ्यः {84}"**

प्र चर्षणिभ्यः पृतना हवेषु प्र पृथिव्या रिरिचाथे दिवश्च ।

प्र सिन्धुभ्यः प्रगिरिभ्यो महित्वा प्रेन्द्राग्नी विश्वा भुवनाऽत्यन्या ॥ {84}

(Appearing in T.S.4.2.11.1)

---

**T.B.2.8.5.1 – "आ वृत्रहणा {85}"**

आ वृत्रहणा वृत्रहभिः शुष्मैः । इन्द्र यातं नमोभिरग्ने अर्वाक् ।

युवञ् राधोभिरकवेभिरिन्द्र । अग्ने अस्मे भवतमुत्तमेभिः ॥ {85}

(Appearing in T.B.3.6.8.1)

---

**T.B.2.8.5.1 - "गीर्भिर्-विप्रः {86}"**

गीर्भिर्-विप्रः प्रमतिमिच्छमानः । ईदृ रयिं यशसं पूर्वभाजम् ।

इन्द्राग्नी वृत्रहणा सुवज्रा । प्रणो नव्येभिस्तिरतं देष्णैः ॥ {86}

(Appearing in T.B.3.6.9.1)

---

**T.B.2.8.5.3 – "यास्ते पूषन्ना वो अन्तः {87}"**

यास्ते पूषन्नावो अन्तः समुद्रे । हिरण्ययीरन्तरिक्षे चरन्ति ।

या॒भिर्या॒सि दू॒त्याꣳ सूर्य॑स्य । कामे॑न कृ॒तः श्रव॑ इ॒च्छमा॑नः ॥ {87}

(Appearing in T.B.2.5.5.5)

T.B.2.8.5.3 – "शु॒क्रं ते॑ अ॒न्यत् {88}"

शु॒क्रं ते॑ अ॒न्यद्य॑ज॒तं ते॑ अ॒न्यद्वि॑षु॒रूपे॑ अ॒हनी॑ द्यौ॒रिवा॑सि ।

विश्वा॑ हि मा॒या अ॒वसि॑ स्वधा॒वो भ॒द्रा ते॑ पू॒षन्नि॑ह रा॒तिर॑स्तु ॥ {88}

(Appearing in T.S. 4.1.11.2)

T.B.2.8.5.3 – "पू॒षेमा॑ आ॒शाः {89}"

पू॒षेमा॑ आ॒शा अनु॑वेद॒ सर्वाः॑ सो अ॒स्माꣳ अ॒भय॑तमे॒न नैष॑त् ।

स्व॒स्तिदा॑ अ॒घृणिः॑ सर्व॒वीरः॑ । अ॒प्रयु॑च्छन् पु॒र ए॒तु प्र॑जा॒नन् ॥ {89}

(Appearing in T.B.2.4.1.5)

T.B.2.8.6.9 – "अ॒र्हन् बि॑भर्षि॒षि {90}"

अ॒र्हन्बि॑भर्षि॒षि सा॑य॒कानि॑ ध॒न्व । अ॒र्हन्नि॑ष्कं य॒ज॒तं वि॑श्वरू॒पम् ।

अ॒र्हन्नि॑द॒न्दय॑से वि॒श्वम॑ब्भुवम् । न वा ओ॒जीयो॑ रु॒द्र त्व॑द॒स्ति ॥ {90}

[Appearing in T.A.7.5.7 (or T.A.4-5-7)]

---

**T.B.2.8.6.9 – "मा नस्तोके {91}"**

मा नस्तोके तनये मा न आयुषि मा नो गोषु मा नो अश्वेषु रीरिषः ।  
वीरान् मानो रुद्र भामितो वधीर्हविष्मन्तो नमसा विधेम ते ॥ {91}

(Appearing in T.S.3.4.11.2)

---

**T.B.2.8.6.9 – "परिणो रुद्रस्य हेति:{92}"**

परिणो रुद्रस्य हेति वृणक्तु परित्वेषस्य दुर्मतिरघायोः ।  
अव स्थिरा मघवद्भ्य-स्तनुष्व मीढ्वस्तोकाय तनयाय मृडय ॥ {92}

(Appearing in T.S.4.5.10.4)

---

**T.B.2.8.6.9 - "स्तुहि श्रुतम् {93}"**

स्तुहि श्रुतं गर्त्तसदं युवानं मृगं न भीम-मुपहन्तु-मुग्रं ।  
मृडा जरित्रे रुद्र स्तवानो अन्यन्ते अस्मन्निवपन्तु सेनाः ॥ {93}

(Appearing in T.S.4.5.10.4)

---

**T.B.2.8.6.9 – "मीढुष्टमा {94}"**

मीढुष्टम शिवतम शिवो नः सुमना भव परमे वृक्ष आयुधं निधाय

कृ॒त्तिं॑ व॒सान॑ आ॒चर॑ पि॒नाकं॑ बि॒भ्रदा॑गहि ॥ {94}

(Appearing in T.S.4.5.10.4)

**T.B.2.8.6.9 – "र॒हन् बि॒भर्षि॑ {95}"**

(Same as {90} above)

**T.B.2.8.6.9 – "त्व॒मग्ने॑ रु॒द्र {96}, "आ वो॑ रा॒जान॑म् {97}"**

त्व॒मग्ने॑ रु॒द्रो अ॒सुरो॑ म॒हो दि॒वस्त्व॑ श॒र्द्धो मा॒रुतं॑ पृ॒क्ष ई॒शिषे॑ ।  
त्वं वा॒तैर॑रु॒णैर्या॑सि शं॒गय॑स्त्वं पू॒षा वि॒धतः॑ पा॒सि नु॒त्मना॑ ॥ {96}

आ वो॑ रा॒जान॑म॒ध्वर॑स्य रु॒द्रं हो॒तारं॑ स॒त्यय॑ज॒ रौद॑स्योः ।  
अ॒ग्निं पु॒रा त॑नयि॒न्नो र॑चि॒त्ता-द्धि॑रण्यरू॒पम॑वसे कृ॒णुध्वं॑ ॥ {97}

[Both {96} and {97} appearing in T.S.1.3.14.1]

**T.B.2.8.7.4 – "त्व॒ष्टा द॑धत् {98}**

त्व॒ष्टा द॑धदि॒न्द्राय॑ शु॒ष्मम् । अ॒पाको॑ऽचि॒ष्टुर्य॑शसे पु॒रूणि॑ ।  
वृ॒षा य॑जन् वृ॒षणं॑ भू॒रिरे॑ताः । मूर्ध॑न् य॒ज्ञस्य॑ स॒मन॑क्तु दे॒वान् ॥ {98}

(Appearing in T.B.2.6.8.4)

**T.B.2.8.7.4 – "तन्न-स्तुरीपम् {99}"**

तन्नस्तुरीपम॑ध पो॒षयि॑न् दे॒व त्व॑ष्ट॒र्वि र॑राणः स्य॒स्व ।

यतो॑ वी॒रः क॑र्म॒ण्यः सु॒दक्षो॑ यु॒क्तग्रा॑वा जा॒यते॑ दे॒वका॑मः ॥ {99}

(Appearing in T.S.3.1.11.1)

---

**T.B.2.8.7.4 – "त्वष्टा वीरं {100}"**

त्वष्टा॑ वी॒रं दे॒वका॑मं ज॒जान॑ त्वष्टु॒रर्वा जा॑यत आ॒शुर॑श्चः ।

त्वष्टे॑दं वि॒श्वं भु॑वनं ज॒जान॑ ब॒होः क॑र्तार॒मिह॑ यक्षि॒ होतः॑ ॥ {100}

(Appearing in T.S.5.1.11.3)

---

**T.B.2.8.7.4 – "पिशङ्गरूपः {101}"**

पिशङ्ग॑रूपः सु॒भरो॑ वयो॒धाः श्रु॑ष्टी वी॒रो जा॑यते दे॒वका॑मः ।

प्र॒जां त्वष्टा॑ वि॒ष्यतु॑ नाभि॒मस्मे॑ अथा॒ दे॒वाना॑म॒प्येतु॑ पाथः ॥ {101}

(Appearing in T.S.3.1.11.2)

---

**T.B.2.8.7.5 – "मित्रो जनान् {102}, "प्र स मित्र {103}"**

मित्रो॑ ज॒नान् या॑तयति प्र॒जान॑न् मि॒त्रो दा॑धार पृथि॒वीमु॑त द्यां ।

मि॒त्रः कृ॒ष्टीर॒निमि॒षाऽभि॒ चष्टे॑ स॒त्याय॒ हव्यं॑ घृ॒तवद्-वि॒धेम॑ ॥ {102}

प्र स मि॒त्र म॒र्तो अस्तु॑ प्र॒यस्वान् यस्त॑ आ॒दित्य॑ शि॒क्षति॑ व्र॒तेन॑ ।

न ह॒न्यते॑ न जी॒यते॑ त्वो॒तो नैन॑म॒हो अ॒श्नोत्य॑न्ति॒तो न दू॒रात् ॥ {103}

[Both {102} and {103} appearing in T.S.3.4.11.5]

T.B.2.8.7.10 – "अग्नी॑षो॒मावि॒म सु॒मे {104}"

"अग्नी॑षो॒मा ह॒विषः॑ प्र॒स्थित॑स्य {105}"

अग्नी॑षो॒मा वि॒म सु॒ मे शृ॒णु॒तं वृ॒षणा॑ ह॒वं ।

प्र॒ति सू॒क्तानि॑ ह॒र्य॒तं भ॒व॒तं दा॒शुषे॑ म॒यः ॥ {104}

अग्नी॑षो॒मा ह॒विषः॑ प्र॒स्थित॑स्य वी॒त॒ह॒र्य॒तं वृ॒षणा॑ जु॒षेथां॑ ।

सु॒श॒र्मा॒णा स्व॒वसा॑ हि भू॒तम॑था ध॒त्तं य॑ज॒मानाय॑ शं योः ॥ {105}

[Both {104} and {105} appearing in T.S.2.3.14.2]

T.B.2.8.8.4 – "दे॒वीं वा॒चम॑ ज॒नय॑न्त {106}, "यद्-वाग्-वद॑न्ति {107}"

दे॒वीं वा॒चम॑ज॒नय॑न्त दे॒वाः । तां विश्व॑रू॒पाः प॒शवो॑ वद॑न्ति ।

सा नो॑ म॒न्द्रेष॑मूर्जं दु॒हाना॑ । धे॒नुर्वा॒गस्मानु॑प सु॒ष्टुतै॑तु ॥ {106}

(Appearing in T.B.2.4.6.10)

यद् वा॒ग्वद॑न्त्य-वि॒चेत॑नानि । रा॒ष्ट्री दे॒वानां॑ नि॒षसा॑द म॒न्द्रा ।  
चत॑स्र ऊ॒र्जं दु॒दुहे॑ पया॒सि । क्व॑ स्वि द॒स्याः पर॑मं ज॒गाम ॥ {107}

(Appearing in T.B.2.4.6.11)

T.B.2.8.8.11 – "न ता न॑शन्ति {108}", "न ता अ॒र्वा {109}"

न ता न॑शन्ति न द॑भाति तस्करः । नैना॑ अमि॒त्रो व्य॑थिरादध॒र्षति॑ ।  
दे॒वाञ्च॒ याभि॑र् यज॒ते द॑दाति च । ज्यो॒गिता॑भिः सच॒ते गो॑पतिः स॒ह ॥  
{108}

न ता अ॒र्वा रे॒णुक॑काटो अ॒श्नुते॑ । न स॒ञ् स्कृ॑तत्र-मु॒पय॑न्ति  
ता अ॒भि । उ॒रुगा॑यम॒भयं॑ तस्य ता अ॒नु । गा॒वो म॒र्त्यस्य॑ वि॒चर॑न्ति  
यज्व॑नः ॥ {109} [Both {108} and {109} Appearing in T.B.2.4.6.9]

T.B.2.8.9.3 – "हिर॑ण्यवर्णाः शु॒चयः॑ पा॒वका॑ {110}",

"यासा॑ञ् राजा॑ {111}"

हिर॑ण्यवर्णाः शु॒चयः॑ पा॒वका॑ या॒सु जा॑तः क॒श्यपो॑ यास्वि॒न्द्रः ।



अ॒ग्निं॑ या॒ गर्भं॑ दधि॒रे वि॒रूपा॒स्ता न॒ आपः॑ श॒ ऽ स्यो॒ना भव॑न्तु ॥ {110}

या॒सां॑ राजा॒ वरु॑णो याति मध्ये॑ स॒त्यानृ॑ते अ॒वप॑श्यन् जना॒नां ।

मधु॒श्रुतः॑ शुच॒यो याः॑ पा॒वका॒स्ता न॒ आपः॑ श॒ ऽ स्यो॒ना भव॑न्तु ॥ {111}

[Both {110} and {111} Appearing in T.S.5.6.1.1]

T.B.2.8.9.3– "यासां देवाः {112}", "शिवेन मा चक्षुषा पश्यत {113}"

या॒सां॑ दे॒वा दि॒वि कृ॑ण्वन्ति भ॒क्षं या॒ अन्त॑रिक्षे बहु॒धा भव॑न्ति ।

याः पृ॒थि॒वीं प॑यसो॒न्दन्ति॑ शु॒क्रास्ता॒ न॒ आपः॑ श॒ ऽ स्यो॒ना भव॑न्तु ॥ {112}

(Appearing in T.S.5.6.1.1)

शि॒वेन॑ मा चक्षु॒षा प॑श्यताऽऽपः शि॒वया॑ त॒नुवो॑प स्पृ॒शत॑ त्वचं॒ मे ।

सर्वा॑ ऽ अ॒ग्नीं॑ र॒प्सुष॑दो हुवे वो॒ मयि॑ वर्चो॒ बल॑मो॒जो नि ध॑त्त ॥ {113}

(Appearing in T.S.5.6.1.2)

T.B.2.8.9.3 – "आपो भद्रा {114}", "आदित्पश्यामि {115}"

आ॒पो भ॒द्रा घृ॒तमि॑दाप आ॒सुर॑ग्नी-षो॒मौ बि॑भ्रत्याप इत् ताः ।

ती॒व्रो र॒सो मधु॑पृ॒चा –म॑रंग॒म आ मा॑ प्रा॒णेन॑ स॒ह वर्च॑सा गन् ॥ {114}

(Appearing in T.S.5.6.1.3)

आदित् पश्याम्यु॒त वा॑ शृ॒णो॒म्या॒ मा॒ घो॒षो॑ गच्छति॒ वाङ्म॑ आसां ।

मन्ये॑ भे॒जानो॑ अ॒मृत॑स्य॒ तर्हि॑ हि॒र॒ण्यव॑र्णा अ॒तृपं॑ य॒दा वः॑ ॥ {115}

(Appearing in T.S.5.6.1.4)

=====